

# SANCTÆ HILDEGARDIS NATALES, RES GESTÆ, SCRIPTA

(*Acta sanctorum Bolland.*, Sept. tom. V, die 17, p. 629.)

§ 1. *Acta S. Hildegardis* jam edita, et illius nocturnæ : alia quædam ex ms. edenda : *Vita supplenda* in hoc *Commentario maxime ex Sanctæ scriptis*.

1. Inter sanctos qui sæculo XII floruerunt, locum non vulgarem habet S. Hildegardis virgo, virtutibus, miraculis, propheticis scriptis, ac mira omninis celebritate clarissima, cuius gesta modo illustranda suscipio. Vita ipsius ad hunc diem impressa est apud Surium, et iam anno 1866 Coloniæ edita. Auctorem *Vitæ Theodoricum abbatem Benedictinum* omnes passim recentiores dicunt, sed non addunt cuius monasterii sit abbas. Apud Surium de Theodorico hæc notantur : « Claruit is anno 1200, estque diversus a Theodorico abbatे S. Trudonis. » Distinctio hæc certa est, cum Theodoricus Trudopolitanus abbas anno 1100 floruit. Trithemius in Catalogo illustrum virorum, pag. 138, parum exacte de Theodorico, ejusque ætate loquitur : « Theodoricus, inquit, abbas ordinis S. Benedicti, beatae Hildegardis quondam amator castissimus, vir tam in Scripturis sanctis quam in litteris sæcularibus exercitatus et doctus, ingenio promptus, sermone scholasticus, scripsit ad multorum ædificationem vitam ejusdem Hildegardis sponsæ Christi lib. iv, Epistolas quoque varias ad diversos, et quædam alia nobis incognita. Claruit temporibus Henrici VI (defuncti anno 1198) anno Domini 1200. » Trithemius memorie lapsu, aut, ut magis credo, errore transribentium aut imprimentium, vitam in quatuor libros videtur dividere, cuncti tantum sint libri tres, ut clarum et certum est ex singulorum præfatione, et conclusione libri tertii. De scriptorū ætate infra.

2. Primus forte est Trithemius qui Theodoricum, biographum, vocavit *abbatem*; multumque dubito an revera abbas fuerit, imo potius credo monachum fuisse, non abbatem. Certe monachus tantum fuit, quando vitam conscripsit. Præterea non solus Theodoricus laudatam Hildegardis Vitam scripsit; sed eam ante ipsum scribere coepit Godefridus monachus, cuius est liber primus. Secundum vero et tertium composuit Theodoricus, jubentibus Ludovico et Godefrido abbatis. Hæc omnia clare eruuntur ex præfationibus, quas omnes composuit Theodoricus. Etenim toti vitæ ita præfari incipit : « Dominis venerabilibus, Ludovico et Godefrido abbatis, Theodoricus humilis servorum Dei servus salutem cum devotis orationibus. Auctoritatis

A vestræ præceptum accepi, ut post Godefridum, virum ingenio clarum, Vitam sanctæ ac Deo dilectæ Hildegardis virginis (quam ille honesto stylo inchoavit, sed non perfecit) in ordine redigerem, et quasi odoriferis floribus serta contexens, visiones ejus, gestis suis insertas, sub divisione librorum, in unius corporis formam redigerem. » Tum post aliquot excusationes, quid fecerit, sic explicat : « Itaque parui eo modo, ut præfati viri liber, primæ positionis locum obtinens, nullam suæ dispositionis patiatur jacturam; deinde secundus liber visionum pulcherrimum et admirabilem textum : tertius miraculorum... a nobis digestam, divisam et ordinatam contineret scripturam. » Itaque primus liber est Godefridi, excepta præfatione, continetque pleraque Sanctæ gesta, non tamen mortem, visiones quoque et miracula in hoc libro aliqua referuntur. At liber secundus de visionibus et tertius de miraculis et morte Hildegardis, solius sunt Theodorici.

3. Jam vero ambos hosce scriptores, non abbes, sed monachos fuisse, habeo ex *Actis miss.*, pro canonizatione S. Hildegardis compositis, et apud nos edendis, in quibus num. 7 hæc leguntur : « Bruno custos S. Petri in Argentina et presbyter juratus dicit de vita beatæ Hildegardis,... quod in libello qui de ejus vita a duobus religiosis, scilicet Gotfrido et Theodoricō, qui cum beata virgine morabantur, statim post ejus obitum est scriptus, legit : quem omnibus modis vera credit continere, etc. » Ex his habemus primo, auctores Sanctæ convixisse, et non modo esse contemporaneos, sed in multis etiam testes oculatos. Hac de causa Theodoricus, licet in præfationibus de more multis utatur excusationibus, nunquam pro excusatione allegat ignorantiam gestorum, visionum aut miraculorum S. Hildegardis, et ne insinuat quidem nisi raro, se aliorum instructione indigere, aut aliorum relatione uti, ad gesta Sanctæ conscribenda. Itaque dubitare non possumus quin Godefridus et Theodoricus fuerint ex iis monachis, qui in monasterio B. Hildegardis rem divinam pergebant, eaque de causa poterant omnia habere perspectissima. Godefridus verosimiliter erat natu major, isque solus Vitam scriptisset, nisi mors intervenisset. Nam defunctum fuisse Godefridum, quando scribebat Theodoricus, liquet ex præfatione libri secundi, in qua « Godefridus bonae memo-

riæ » vocatur. Habemus secundo, Vitam suisse scriptam statim post Sanctæ obitum. Habemus tertio, errasse Bailletum in tabula critica, non modo quia Theodoricum facit albatem, et solum Vitæ scriptorem, cum Trithemio, sed etiam magis, quia dixit, cum vixisse « viginti aut triginta annis » post mortem S. Hildegardis, ac si non esset scriptor omnino contemporaneus. Hanc Vitam primo loco recendam ex Surio, collatam tamen cum ms. Bodecensi, cuius lectiones variantes accipimus.

4. Alteram quoque habemus Vitam S. Hildegardis in codice nostro ms., qui notatur P. ms. 17: eademque nonnihil interpolata nobis transmissa est ex codice Ultrajectino S. Salvatoris. Utrumque ms. contuli, et initio nullam sere differentiam inveni, circa finem vero adnotationes quasdam vitæ insertas reperi in codice S. Salvatoris, quæ non habentur in codice nostro, olim etiam Ultrajectino. Auctor hujus Vitæ ignoratur, sed verisimiliter non habitavit Moguntiæ, aut in ejus territorio, cum de scriptis Sanctæ ita loquatur: « Sane si cui placet de illius visionalibus verbis legere, acquirat de ejus scriptis, quæ jā in circa partes Moguntiæ vulgariter dispersæ. » Præterea non opinor auctorem illius Vitæ prorsus suisse Sancte contemporaneum. Qua de causa illam edendam non censeo, præsertim cum paucissima doceat quæ in priori Vita non leguntur, et tota sere ex scriptis Sancte sit contexta sine multo delectu. C Dabo igitur ex brevi illa Vita in Commentario, quidquid utile ad lectorem instruendum credidero, omisis longis textibus, qui in ipsis Sanctæ scriptis legi possunt, et ad ipsius gesta auctores minime spectant.

5. Aliud scriptum de S. Hildegarde anno 1641 ad Bollandiū misit P. Joannes Gamans, frequentissime in hoc opere laudatus. Unde acceptum sit, ascripsit Gamansius his verbis: « Ex Bodecensi cœnobii Regularium S. Augustini, diœcesis Paderbornensis, Passionali pergameno ms. insigni mensis Septembbris fol. 247, ubi post mutilam Vitam S. Hildegardis attexuntur sequentia. » Titulus scripti hic est: *De testimonio miraculorum sanctæ Hildegardis, quæ Dominus ejus meritis operatus est, tam in vita ejus, quam post mortem. Compendium est Actorum quæ anno 1233 composita sunt ab his qui in virtutes et miracula S. Hildegardis inquisiverunt, et Acta inquisitionis suæ ad sedem apostolicam transmisserunt. De tempore et Actis ad summum Pontificem missis liquet ex fine hujus compendii. Verum collector hujus compendii adeo omnia resecuit ad solam Actorum formam spectantia, ut ex illo nequeam perspicere, cuius auctoritate delegati fuerint inquisitores illi, archiepiscopi Moguntini, qui tunc erat Sigefridus III, an vero summi pontificis Gregorii IX. Verum ex epistola Gregorii IX, recitanda num. 208 et 209, habemus, Acta illa suisse composita jussu ipsius Gregorii, qui*

A ad examen illud instituendum delegavit præpositum, decanum, et scholasticum Moguntinos. In eadem vero epistola conqueritur pontifex, defectus aliquot in Actis illis esse inventos quod non essent omnia satis clare exposita. At illis defectibus non perit Actorum fides historica. Quare dabo hæc inquisitionis Acta post vitam, debitib[us] adnotationibus illustrata.

6. Præter antiqua hæc documenta de S. Hildegarde multa ipsius opera partim impressa, partim etiamnum manuscripta habemus. Ex hisce majori p[ro]p[ter]e cæteris ad augendum hunc commentariorum materiam præbebunt epistolæ, quarum magnum numerum habemus impressum Coloniæ anno 1566 una cum aliquot opusculis et Vita Sanctæ, recensimque in *Bibliotheca Patrum* editionis Lugdunensis tom. XXXIII. Alteram non modicam partem dedit Martenius *Amplissimæ Collect.* tom. II. Nonnullas etiam aliis locis editas inveni, nonnullas habeo miss.; nec dubito quin plures variis locis etiamnum in tabulariis aut bibliothecis lateant. Præcipuas tamen, quæ in cœnobio Sanctæ in unum volumen erant collectæ, omnes editas existimo. Alia quoque Sanctæ opera, quæ latius suo loco recensendo, aliquod etiam dabant subsidium ad gesta et virtutes ipsius illustrandas. Scriptores aliqui paulo posteriores, quales sunt Vincentius Bellovacensis, Richerius Senonensis, Albericus monachus in Chronicō, qui saeculo XIII floruerant, aliique plures, pro gestis S. Hildegardis, non sicut omnino negligendi. Verum hos aliosque suis locis laudabimus, et sequemur vel refutabimus, prout ratio exigere videbitur. Cæterum necesse non est recensere omnes Vitas posterioribus sæculis et variis linguis scriptas. Habeo sane Italicam, Hispanicam, Germanicam, Gallicam, Belgicam; at nulla illarum quidquam addit ad antiqua documenta præter errores. Bailletus quidem crism prolitetur, eamque severam, sed s[ecundu]m plura corrumpt quā corrigit, et raro producit documenta aliis ignota. Hunc tamen subinde solemus corriger, quia saltem severitate crisis nomen sibi perdit.

D § II. *Natales, pueritia, vita monastica in Monte S. Disibodi: visionibus a pueritia illustratur, easque demum scribere cogitur: quo modo opera sua scripserit.*

7. De tempore natali S. Hildegardis vita ms., tam in codice nostro quam in Ultrajectino S. Salvatoris, ita habet: « Anno Incarnationis Domini 1100. qui erat annus quadragesimus quintus Henrici illustris, hujus regni quarti regis, et tertii imperatoris, fuit in Galliæ ceterioris partib[us] virginem generis quam sanctitatis ingenuitatem nobilis, in territorio Moguntiæ civitatis. » Pro designato anno mox adducuntur S. Hildegardis verba hoc modo: « Post Incarnationem, inquit, Domini anno millesimo centesimo, dum doctrina apostolorum, et ardens justitia, quam in populo Christiano san-

ctus Spiritus constituerat, laxari cœpit, nata sum, et parentes mei cum suspiriis Deo me vovebant. » Hæc quidem Hildegardem natam faciunt anno 1100, laudanturque tanquam ipsa Sanctæ verba pro illa opinione. Verum ex Vita edenda, in qua lib. II, cap. I, ille ipse S. Hildegardis locus rectius allegatur, intelligimus, epocham anni 1100 solum dari pro designando tempore quo justitia laxari cœpit; et Sanctam solum dicere, *illis temporibus* se natam. Voces autem *illis temporibus* explicari debent cum aliqua latitudine, ac si dictum esset *circa illa tempora*; cum S. Hildegardis annum suum natalem alio modo et certius assignet in præfatione operis sui præcipui, quod *Scivias* nominavit. Certe in laudata præfatione asserit se scribere jussam visiones suas anno 1141, et tunc fuisse « quadraginta duorum annorum, septemque mensium. » Secundum hæc verba, anno 1098 aut prioribus mensibus anni 1099 nata est Sancta. Quo minus vero nativitatem ipsius ad annum 1099 differri posse credamus, facil annus emortualis, non aliud figendum quam 1179, quo annum agebat octagesimum secundum. Nata igitur est anno 1098, et quidem ante 17 Septembris, quo defuncta est, cum alias non inchoasset annum ætatis octagesimum secundum.

8. Joannes Trithemius, abbas Spanheimensis, in *Chronico Hirsaugiensi* ad annum 1150 de parentibus et patria S. Hildegardis ita loquitur: « Fuit autem hæc sanctissima virgo... oriunda ex comitatu Spanheimensi de villa Bickelleheim dicta, patre Hildeberto milite, matre vero Mechtilde progenita, temporibus Henrici imperatoris IV nata in mundum, anno videlicet Gebhardi abbatis Hirsaugiensis vii. Cujus pater in curia comitum de Spanheim cum aliis nobilibus militans versabatur, homo rectus et Deo devotus. » Comitatus Spanheimensis est in Palatinatu inter fluvios Mosellam et Naham, et pro spirituali jurisdictione in dioecesi Moguntina. Annus septimus Gebhardi abbatis, quo Hildegardem natam statuit Trithemius, ab eodem connectitur cum anno 1098, quem et nos Sanctæ natalem statuimus. Quid tertio ætatis suæ anno contigerit S. Hildegardi, ipsa exponit in Vita, lib. II, num. 16. Consentit vita ms., in qua hæc leguntur ex Hildegardis scriptis adducta: « Ac in tertio ætatis meæ anno tantum cœlitus lumen vidi, quod anima mea in visceribus meis contremuit: sed præ impedimentis infantiae de his nil potui proferre. » Mirabile etiam est quod traditur in testimonio miraculorum inferius edendo num. 7; idque dixisse asseritur, « cum quinque annos haberet. » In proœmio vero jam allegato de his ita scribit: « Virtutem autem mysteriorum, secretarum et admirandarum visionum a puellari ætate, scilicet a tempore illo, cum quinquennis essem, usque ad præsens tempus, mirabil modo in me senseram, sicut et adhuc, quod tamen nulli hominum, exceptis quibusdam paucis et religiosis, qui in eadem conversatione vivebant, qua et ego eram, manifestavi. » Itaque tertio ætatis anno

A mirabile lumen vidi sine intelligentia sufficienti, quinquennis vero visiones cœpit intelligere.

9. Neoterici aliqui memoriae Lipsu quinquennem Hildegardem vitæ monastice ascribunt sub disciplina Juttæ. At Vita num. 2 testatur, *octo fere annorum* suis quando tradita est Juttæ, sorori comitis Spanheimensis, instituenda religiosis disciplinis. Consentit de octavo ætatis sue anno testimoniū miraculorum, num. 7, eamque ab ea ætate sub beati Benedicti Regula a parentibus oblata fuisse in Monte Sancti Disibodi testatur. De hisce vero in Vita ms., verba ipsius Sanctæ ista allegantur: « In octavo autem anno in sanctam conversationem spiritualis vitæ oblata sum, et usque ad quintum decimum annum sui multa videns, et plura B simpliciter loquens, ita quod illi admirabantur, qui hæc audierunt, a quo essent, et unde venirent. Tunc et ego in memetipsa admirata sum, quod, cum intra in anima mea hæc vidi, exteriorem etiam vi- sum habui, et quod hoc de nullo homine audivi. Quapropter et magno timore correpta sum, nec amplius de meo interiori lumine cuiquam manifestare audebam. Attamen multa loquendo ac de futuris dicendo sæpe protuli. Et quando hujus visione lu- minis plene perfundebar, multa, quæ audientibus aliena videbantur, loquebar. » Hæc ipsa uberioris recitata leguntur in Vita edenda, lib. II, cap. I, ubi etiam declarat, crescente ætate, magis se magisque de suis visionibus siluisse, quandiu erat sub disciplina magistræ sue B. Juttæ, et post mortem quoque ipsius aliquot annis, donec Deus cogeret visa revelare, et deum conscribere. Hinc de istis visionibus rursum dicit in proœmio ad li- brum *Scivias*: « Interim usque ad id temporis, quo illud Deus sua gratia manifestari voluit, sub quieto silentio compressi. » De modo autem quo visionibus istis fruebatur, ibidem hæc subjungit: « Visiones vero quas vidi, non eas in somniis nec dormiens, nec in phrenesi, nec corporeis oculis, aut auribus exterioris hominis, nec in abditis locis percepit; sed eas vigilans, circumspiciens in pura mente oculis et auribus interioris hominis, in apertis locis secundum vo- luntatem Dei accepi. Quod quomodo sit, carnali homini perquirere difficile est. » Hæc interim de visionibus Sanctæ, de quibus plura dabo in- ferius.

10. Dum vero visiones suas tanto studio occul- tabat S. Hildegardis, e vivis abiit Jutta magistra, cui humiliter solebat obedire, ipsaque cœpit alii præesse. Dodechinus, sub finem ejusdem sæculi abbas S. Disibodi, in Appendix ad *Chronicon Mariani Scoti*, ad annum 1136, ad propositum no- strum ita habet: « Obiit divæ memorizæ domina Jutta, quæ viginti quatuor annis in Monte S. Disibodi inclusa, soror Megenhardi comitis de Spanheim. Hæc sancta mulier inclusa est Kalendis No- vembris, et aliæ tres cum ea, scilicet Hildegardis, et Sancti (Mabillonius legit suimet, id est Juttæ) vo-

cabuli dñæ, quas etiam, quoad vixit, sanctis virtutibus imbuere studuit. » Hæc quidem chronotaxis non omnino consonat assertis de vita monastica per S. Hildegardem inchoata, dum fere octo erat annorum. Nam, si Jutta viginti et quatuor annis fuit reclusa, et defuncta anno 1136, reclusit se priuun anno 1112, aut certe circa 1112, si anni illi forte non fuerint completi, aut si qui illis superaddendi sint menses. At S. Hildegardis anno 1106 erat octo annorum, eaque de causa videtur sex annis cum B. Jutta vitam monasticam duxisse ante epocham Dodechini. Dicendum itaque videtur aut in numeros Dodechini errorem irrepisse, aut Hildegardem alio prius loco vixisse sub disciplina ejusdem Juttae. Certe omnia antiqua instrumenta unanimi consensu Hildegardem ab anno ætatis octavo faciunt monacham in Monte S. Disibodi. Erat locus in comitatu Spanheimensi, eratque ibi cœnobium ordinis Benedictini, de quo fuse actum est ad 8 Julii in Commentario prævio ad Vitam S. Disibodi fundatoris. Abbas vero cœnobii Fulchardus eodem anno cum Jutta obiit, et successorem habuit Cononem aut Cunonem, sub finem anni 1136 consecratum. Sub hujus obedientia igitur erat S. Hildegardis, quando anno eodem paucis præcessere coepit.

11. Post obitum B. Juttae, de qua ad 20 Decembris agendum erit, S. Hildegardis, ut ipsa asserit in Vita, num. 17, perrexit de more visiones habere, easque silentio premere, donec tandem stimulis divinis excitata, de iis monachum magistrum suum consulueret. De his in Proœmio ad *Scivias* sic habet : « Sed puellari meta transacta, cum ad præfataem etatem perfectæ fortitudinis pervenisse, audiui vocem de cœlo dicentem : « Ego lux vivens et « obscura, illuminans horum quæ volui, et « quem mirabiliter, secundum quod mihi placuit, « excussi, in magnis mirabilibus ultra modum an- « tiquorum hominum, qui in me multa secreta vi- « derunt posui. » Hæc omnia dicuntur de S. Hildegarde, quam Deus ad sublimem visionum gradum provebare volebat. Quæ sequuntur de eadem sunt, docentque, quantum Deus illam humiliaverit, ne excellentia visionum n. superbiam elevaretur. Verba subdol : « Sed in terram stravi illum, ut se non erigeret in ulla elatione mentis suæ. Mundus quoque non habuit in eo gaudium nec delectationem, nec exercitationem in rebus illis, quæ ad ipsum pertinent, quia eum de pertinaci audacia abstraxi, timorem habentem, et in laboribus suis paventem. » Hæc sane obscura sunt, sed sensus est : mundum pro S. Hildegarde nihil habuisse de quo gauderet, quo delectaretur aut exercitaretur, quia Dei timore erat plena.

12. Hæc utcunque explicantur sequentibus verbis : « Ipse enim in medullis et in venis carnis suæ doluit, constrictum animum et sensum habens, atque multam passionem corporis sufferens, ita quod in eo nulla securitas habitavit, sed in omni-

A bus causis suis se culpabilem estimavit. Nam ruinas cordis ejus circumsepsi, ne mens ipsius per superbiam aut per vanam gloriam se eleveret, sed magis in omnibus his timorem et dolorem, quam gaudium aut petulantiam sentiret. Unde in amore meo scrutatus est in animo suo, ubi illum inveniret, qui viam salutis curreret. Et quendam (*scilicet monachum directorem*) invenit, et eum amavit, agnoscens, quod fidelis homo esset, et similis sibi in aliqua parte laboris illius, qui ad me tendit; tenensque illum simul cum illo in omnibus his per supernum studium contendit, ut absconsa miracula mea revelarentur. Et idem homo super semetipsum se non extulit, sed ad illum in ascensionem humilitatis, et intentione bonæ voluntatis, quem invenit, se in multis suspiriis inclinavit. Tu ergo, o homo, qui hæc non inquietudine deceptionis, sed in puritate simplicitatis accipis, ad manifestationem absconditorum directa, scribe quæ vides et audis. » Hæc omnia, licet utcunque obscura sunt, dirigebantur a Deo ad animandam Hildegardem, ut scriberet visiones suas secundum consilium illius monachi quem tunc cœperat consulere.

C 13. Quid illa post ejusmodi visionem fererit, subjugit hoc modo : « Sed ego, quavis hæc viderem et audirem, tamen propter dubietatem et malam opinionem, et propter diversitatem verborum hominum, tardi, non in pertinacia, sed in humilitatis officio, scribere recusavi, quounque in lecum ægritudinis flagello Dei depressa, caderem; ita quod tandem multis insirmatibus compulsa, testimonio ejusdem nobilis et bonorum morum pueræ, et hominis illius, quem occule, ut præstatum est, quæsieram et inveneram, manus ad scribendum apposui. » De visione porro illa qua præcipue ad scribendum animata fuit et adjuta, statim in principio Proœmii sui hæc memorat : « Ecce quadragesimo tertio temporalis cursus mei anno, cum cœlesti visioni magno timore tremula intentione inhærerem, vidi maximum splendorem, in quo facta est vox de cœlo, ad me dicens : « O homo fragilis, et cinis ci- neris, et putredo putredinis, dic et scribe quæ vides et audis. Sed quia timida es ad loquendum, et simplex ad exponendum, et indocta ad scriben- dum ea, dic et scribe ea, non secundum os homi- nis, nec secundum intellectum humane adinven- tionis, nec secundum voluntatem humane com- positionis; sed secundum id quod ea in cœlesti- bus desuper in mirabilibus Dei vides et audis, ea sic differendo proferes, quemadmodum et auditor verba præceptoris sui percipiens, ea secundum tenorem locutionis illius, ipso volente, ostendente et præcipiente, propalat. Sic ergo et tu, o homo, dic ea quæ vides et audis : et scribe ea, non se- cundum te, nec secundum alium hominem, sed secundum voluntatem scientis, videntis et dis- ponentis omnia in secretis mysteriorum suorum. »

D 14. « Et iterum audivi vocem de cœlo mihi d'cen-

tem. « Dic ergo mirabilia hæc, et scribe ea hoc modo edocta, et dic: Actum est millesimo centesimo quadragesimo primo Filii Dei Jesu Christi Incarnationis anno, cum quadraginta duorum annorum septemque mensium essem, maximæ confruscationis igneum lumen aperto cœlo veniens, totum cerebrum meum transfudit, et totum cor totumque pectus meum velut flamma, non tamen ardens, sed calens, ita inflammavit, ut sol rem aliquam calefacit, super quam radios suos immitat. Et repente intellectum expositionis librorum, videlicet Psalterii, Evangeliorum, et aliorum catholicorum, tam Veteris quam Novi Testamenti, voluminum sapiebam, non autem interpretationem verborum textus eorum, nec divisionem syllabrum, nec cognitionem casuum aut temporum calendariem. » Hactenus Sancta ipsa, cuius posteriora verba Vita inserta sunt, num. 2. Nunc quædam veniunt observanda. Primo ex allegatis clarum est Sanctam humili et verecundo timore diu noluisse de visionibus suis scribere, divinisque inspirationibus ad scriendum invitantibus utcumque restitisse, donec gravi et mirabiliter correpta morbo, rem communicaret cum monacho, et per hunc cum abbatte Conone, ut Vita habet num. 4, ubi etiam additur, morbo liberatam fuisse, simul atque animum ad scriendum appulit. Prodigiosa ista sanatione non minus, quam præcedenti morbo æque prodigioso, excitatus abbas, post aliquod tempus priora Sanctæ scripta detulit Moguntiam, ibique ea cum archiepiscopo Henrico et cum præcipuis viris ecclesiasticis communicavit, ut habeat Vita num. 4, et rursum num. 17, ubi ipsa allegantur Sanctæ verba sequentia: « Hæc ad audientiam Moguntinæ Ecclesiæ allata cum essent et discussa, omnes ex Deo esse dixerunt, et ex prophetia, qua olim prophetæ prophetaverant. »

15. Secundo constat ex allatis verbis, scientiam S. Hildegardis non fuisse studio acquisitam, sed infusam a Deo. Hinc in Vita, num. 17, ipsa dicit scribere se cœpisse, « cum vix notitiam litterarum haberem, inquit, sicut indocta mulier me docuerat, ignorabat certe linguam Latinam, quia eam nunquam didicerat. Attamen superno illustrata lumine, intelligebat scripta Latina, quantum appareat, eo sensu ut sciret quid scriptis illis contineretur, non quid singula verba significarent. De mirabili illo modo quo intelligebat mysteria, quoque ea demum scribere compulsa fuit, ex variis ipsius scriptis, quæ partim edita non sunt, plura habentur conservata in Vita ms. Hæc igitur, cum non omnia habeantur in Vita imprimenda, hic transferam: « Ab infanthia ergo mea, inquit, usque ad præsens tempus, cum jam plus quam septuaginta annorum sim, hoc lumen in anima mea semper video, et non exterioribus oculis, nec cogitationibus cordis, nec ulla collatione quinque sensuum exteriorum illud percipio, manentibus tamen exterioribus oculis aperitis, et aliis corporis sensibus in sua virtute. Lumen enim

A quod video locale non est, sed nube quæ solem portat multo lucidius; nec altitudinem, nec longitudinem, nec latitudinem in eo considerare valeo. Haudque umbra viventis luminis mihi nominatur: atque sicut sol, luna et stellæ in aqua apparent, ita scripturæ et sermones, et virtutes, et quædam opera hominum formata in illo mihi resplendent. Quidquid autem in hac visione video, vel didicero, hujus memoriam per longum tempus habeo: et simul video et audio et scio, et quasi in momento, quod scio, disco. Sed quocunque non video, illud nescio, quia velut illitterata sum, et de his quæ ex illo lumine scribo, non alia verba pono quam quæ audio, Latinisque verbis non limitatis [adde utor vel quid simile]. Nec audio verba, sicut quæ ab ore hominis sonant, sed sicut flamma coruscans, et ut nubes mota in aere puro. Hujus quoque luminis formam nullo modo cognoscere valeo, sicut nec sphæram solis perfecte intueri possum.

16. Attamen aspicio interdum in eodem lumine aliam lucem, quæ mihi lux vivens nominatur; sed hanc non video frequenter, ejusque formam multo minus, quam prioris luminis formam, suffulo determinare. Numquid istam lucem intueor, omnis mihi tristitia omnisque dolor auferitur de memoria, ita ut tunc mores simplicis pueræ, et non vetulæ mulieris habeam. Anima autem mea nulla hora caret primo lumine, quod umbra viventis luminis vocatur; et illud video velut in lucida nube ornamentum absque stella aspiciam; et in ipso video quæ de fulgore viventis lucis loquor. Permansi autem ab infanthia mea usque ad quadragesimum ætatis annum prædicta semper videns, et sæpe aliquid inde loquens, sed penitus nihil scribens. Et tunc in eadem visione sensi venas meas et medullas plene viribus restitutas, quibus per multas infirmitates a juventute mea defeceram. Tuncque compellente me Spiritu, intimavi ista cuidam monacho, quem mihi magistrum proposueram. Qui satis admirans de his, injunxit mihi, ut, quæ viderem et quæ vidi sissem, absconde scriberem, quatenus ipse, viso initio, et fine scriptorum, posset de iis judicare, vel saltem æstimare, quid rei esset. »

17. Porro Sancta ubi morbo se tandem scribere compulsam testatur verbis jam datis ex procœmio ad Scivias, hæc subjungit: « Quod dum facerem, altam profunditatem expositionis librorum, ut prædixi, sentiens, viribusque receptis de ægritudine me erigena, vix opus istud decem annis consummans ad finem perduxì. In diebus autem Henrici Moguntini archiepiscopi, et Courradi Romanorum regis, et Cunonis abbatis in Monte beati Disibodi pontificis, sub papa Eugenio, hæc visiones et verba facta sunt. Et dixi et scripsi hæc, non secundum adinventionem cordis mei aut ullius hominis, sed ut ea in cœlestibus vidi, audivi, et percepi per secreta mysteria Dei. Et iterum audivi vocem de cœlo mihi dicentem: Clama ergo, et scribe sic. » Epochæ data non habet difficultatem, præterquam in Eugenio papa et Hen-

rico archiepiscopo; Conradus enim diu fuit rex et Cono abbas, antequam Sancta cœpit scribere, sive ante annum 1141. Verum Eugenius tantum papa creatus est anno 1145, Henrici archiepiscopi Moguntiui initium in *Gallia Christiana*, tom. V, col. 471, figuratur anno 1142. Respondeo hæc non ostendare quo minus credamus Sanctam crepisse anno 1141. Nam Eugenium nominasse videtur, quia major pars istius operis sub ejus pontificatu scripta est, et quia ille partem operis vidit et probavit, licet sub duobus Eugenii decessoribus aliqua scribere cœpisset. Eadem fuit ratio nominandi Henricum Moguntinum, qui partem operis jam ante Eugenium viderat. Hinc tamen colligimus scripta Sanctæ non statim ubi illa scribere cœperat ad Moguntinum archiepiscopum perlata esse, sed serius, ubi pars notabilis erat absoluta. Albericus in *Chronico*, ad annum 1141, nobis omnino consentit, ita scribens: « Hoc anno S. Hildegardis cum esset annorum quadraginta duorum et septem mensium, librum *Scivias* per Spiritum sanctum visitata incœpit, et per decem annos consummavit, etc. »

18. Restat inquirendum an S. Hildegardis libros suos conscripserit propria manu, et eo plane sermone et modo quo eos habemus conscriptos. Trithemius in *Chronico Hirsaugiensi*, ad annum 1147, ita de scriptis Sanctæ loquitur ac si credidisset, nullo alterius subsidio in scribendo usam fuisse, et sic aliis quoque locis loquitur. At rem videtur magis examinasse in *Chronico Spanheimensi* ad annum 1179, ubi de conscriptis per S. Hildegardem operibus ita scribit: « Hæc sancta virgo divinis revelationibus visitari a juventute sua meruit, ex quibus multa jussione divina ad utilitatem posterorum conscripsit. Verum cum esset Latini sermonis ignara, et præter simplicem psalmodiam nihil ab homine didicisset, interno Spiritus sancti magisterio edocta, omnem scripturam, positionem, seu constructionem orationis perfecte intellexit. Revelationes autem suas et visiones cœlestes partim Latino, partim Teutonico protulit eloquio; quas Godefridus monachus S. Disibodi, capellanus et confessor ejus, fecit Latinas et congruas, redigens in eum ordinem et formam in qua hodie leguntur. Inter cetera vero ejus volumina, magnum in eodem loco volumen, quod Epistolas ejus ad diversos, Homilias, Vitas sanctorum, et alia, quæ divinitus edocta edidit, continet: quod moniales istius loci eam propria manu scrisse falso confirmant, cum et Latini sermonis fuerit ignara, et ad scribendum propter crebras infirmitates et humidum caput penitus indisposita. Nihil enim eorum quæ ibi ostenduntur hodie, propria manu scrisse credendum est, quippe cum nesciret scribere; sed præfatus monachus omnia vel scrispsit, vel scribi procuravit. » Hactenus Trithemius, cuius opinio conformis est antiquis documentis. Godefridus vero ille aut Godefridus monachus, cuius opera in scri-

A bendo usus est Sancta, idem forte est cum filio qui librum primum *Vita* composuit.

19. Eo autem modo, quo exponit Trithemius, composita esse omnia scripta S. Hildegardis, colligitur ex ipsa ejus Vita, in qua num. 2 asserit Godefridus, litterarum ignaram ita fuisse, ut « nec interpretationem verborum nosceret, nec divisionem syllabarum; nec cognitionem casuum aut temporum vocum Latinarum haberet. » Deinde Theodosius in præfatione libri secundi modum scribendi insinuat, ita scribens: « Magnum est etiam illud et admiratione dignum, quod ea quæ in Spíitu audivit vel vidit, eodem sensu et eisdem verbis, circumspecta et pura mente, manu propria scrispsit, et ore edidit, uno solo fideli viro symmysta contenta, qui ad evidentiam grammaticæ artis, quam ipsa nesciebat, casus, tempora et genera quidem disponere, sed ad sensum vel intellectum eorum nihil omnino addere præsumebat vel demere. » Addit auctor ex ipsius Hildegardis epistola ad Adrianum papam, a Deo monitam fuisse, ut, quando desuper ostensa non « protulisset in lingua Latina more apto hominibus, ille, qui limam habet, ad aptum sonum hominum expiere non neglegat. » Ut ebatur igitur adjutore in scribendo, Deo ipso jubente, quia non noverat cogitationes suas Latino sermone explicare. Sic ipsa dicit verbis numeris adductis: « Quodcumque non video, illud nescio, quia velut illitterata sum. Et de his quæ ex illo lumine scribo, non alia verba pono quam quæ audio, Latinisque verbis non limatis. » Dictione est imperfecta. At hæc Sanctam velle dicere existimo: Scribo verba Latina audita, et alia non addo Latina ad explendam dictionem, aut adjuncta expouenda.

C 20. Quare, quantum concipere possum, S. Hildegardis has in scriptis suis habuit partes. Visiones suas vernaculo sermone explicabat, verba vero Latina, quæ in iis audiebat, manu sua scribebat prout audierat. Deinde, ipsa dirigente, Godefridus omnia faciebat Latina, omniaque apte connectebat. Hinc laudatus Trithemius dicit: « Visiones cœlestes partim Latino (nimis verba auditæ), partim Teutonico protulit eloquio, » scilicet personas aliasque res visas. Hoc modo scribere cœpit in monte S. Disibodi, ubi monasticam vitam inchoaverat, teste Theodosio in Vita, num. 14. At primum opus suum, ut idem testatur, diu post absolvit in monasterio novo, de cuius fundatione modo agendum.

§ III. Aucto monialium numero, S. Hildegardis fundat cœnobium in Monte S. Ruperti; non vidit ibi S. Bernardum, nec regulam Cisterciensem amplexa est: scripta Sanctæ ab Eugenio III probata: finitum opus *Scivias*.

21. Ubi S. Hildegardis revelationes suas scriptis consignare cœperat, pusillus virginum costus, cui a morte B. Juttae præfuerat, multum cœpit accrescere. Cum igitur locus in quo habitabant nimis fieret angustus, cogitatum est de construendo

novo cœnobio, ut habeat Vita, num. 6, ubi additur A locum Sanctæ fuisse revelatum. Vel sic tamen mordus intervenire debuit, ut Cono aut Cuno, abbas S. Disibodi, in discessum virginis consentiret. Verum plura non addo de iis, quæ satis in Vita sunt exposita. Trithemius de nova illa fundatione in *Chronico Spanheimensi* ad annum 1148 scribit sequentia: « Anno 1148... sancta virgo Hildegardis, magistra sponsorum Christi in Monte S. Disibodi post mortem B. Juttæ, sicut diximus, constituta, divinitus admonita, cum decem et octo sanctis virginibus ad Bingos transivit, et monasterium in monte trans Naham fluvium, juxta sepulcrum S. Ruperti ducis et confessoris ædificavit, ipsumque locum cum omnibus rebus et possessiōnibus partim pretio de manu comitis Hildenebensis, in Trevirensi parochia manentis, partim commutatione, partimque donatione comitis de Spanheim et aliorum fidelium, in jus proprietatis redigens, defensioni Ecclesiae Moguntinae temporibus perpetuis, apostolico interveniente privilegio, commendavit. » Deinde, post aliqua de natalibus et de scriptis Sanctæ, de causa novæ fundationis rursum ista scribit: « Verum, cum multi in circulo nobiles filias suas magisterio ejus traderent, et ferebat eis locus ad manendum angustus, de licentia tam summi pontificis quam abbatis sui, ad Montem S. Ruperti, sicut diximus, cum octodecim sacris monialibus transivit, inter quas una erat Hildegardis, filia comitis Meginhardi, virgo sanctissimæ conversationis, et B. Hildegardi multum familiaris, ob cuius intuitum comes pater multa eidem loco beneficia impendit. » Hactenus Trithemius, qui fundationem sit anno 1148.

22. In *Gallia Christiana* novissimæ editionis, V, col. 653, cœnobium vocatur: « Sanctus Rupertus Bingensis, seu Mons S. Ruperti vel Roberti juxta Bingam. » Ibidem observatur, esse aliud cœnobium monialium ordinis Cisterciensis, quod etiam vocatur *Mons S. Roberti*, in diœcesi Leodiensi. De tempore vero et loco fundationis laudata *Gallia Christiana* sic habet: « Fundatur hoc cœnobium puerilare ordinis S. Benedicti, anno 1147, a S. Hildegarde, prima ejusdem abbatissa, prope oppidum Bingen ex altera parte fluminis Nahæ, ubi in Rhenum influit, quatuor a Moguntia milliaribus, » Germanicis videbilecit. Hæc satis accurata credo. *Bingen* vero oppidum est in ditione electoris Moguntini, jacetque ad ripam Rheni, Latine olim *Pingua* saepius, nunc passim *Bingum* dictum. Porro videt lector, quo anno hic citius figi fundationem quam apud Trithemium, et recte, cum certum sit, saltem coptam esse anno 1147. Etenim, quando Eugenius papa III anno 1148 scripsit ad S. Hildegardem, ut videbimus, epistolam inscripsit, « Dilectæ in Domino filiæ Hildegardi præpositæ in Monte beati Roberti. » Erat igitur fundatio iam tunc facta, et anno præcedenti inchoata, præsertim cum epistola non in fine anni, sed circa initium, mense Januario aut Februario

fuerit data. Finis tamen ejusdem epistolæ insinuat, fundationem fuisse recentem. Nam ita ad ipsam sribit Eugenius: « Quod autem insinuasti nobis de loco illo quem in spiritu tibi prævidisti, hoc permissione et benedictione nostra et episcopi tui fiat, ita quod ibi regulariter cum sororibus tuis vivas secundum Regulam S. Benedicti sub clausura ejusdem loci. » Ad hæc respondit Sancta: « Ego autem, o Pater, in loco cœlitus mihi ostento, juxta verba benedictionis tuæ, secundum Regulam S. Benedicti, sub clausura ejusdem loci cum sororibus meis maneo, et hoc me tam vivente, quam defuncta, semper observari desidero. »

23. Trithemius in *Chronico Hirsauensi*, ad annum 1147, narrat, S. Bernardum venisse ad Montem S. Ruperti, sive ad oppidum Bingum, ibique cum S. Hildegarde egisse, quando in Germania circa partes Rheni prædicabat, hortabaturque fideles crucem assumere ad expeditionem in Terram Sanctam. Res ligenda esset anno 1146, si satis videretur certa. At Manricus in *Annalibus Cisterciensibus*, et post ipsum Pinus noster ad 20 Augusti, in S. Bernardo, pag. 193, merito dubitarunt. Accedit Mabillonius in *Annalibus Benedictinis* tom. VI, pag. 410, aut fortasse Martenius, qui tomum illum, defuncto dudum Mabillonio, complevit, et anno 1739 edidit. Nam ille edicit candide: « Que de Bernardi cum ea (S. Hildegarde) colloquio resert Trithemius, valde suspecta sunt. » Addit etiam rationes quas paulo magis exponam. At audiamus prius Trithemium, cuius relatio saltem docebit quam varia fuerint iudicia hominum de scriptis Sanctæ, quidque de iis senserit S. Bernardus. « Inde (Francofurto, ubi prædicaverat S. Bernardus) navigio descendens pervenit ad Bingios, ubi Hildegarde monialis, virgo Christi devotissima..., in Monte Sancti Ruperti construxit cœnobium, cum qua dulces fertur de futura felicitate miscuisse sermones. Erat namque divi Bernardo sancta Christi famula et scriptis nota, et relatione mulorum in Domino comprobata. Ad quam cum pervenisset, post orationes consuetas et salutationis obsequia, præcepit sibi volumina exhiberi, quæ illa divinitus inspirata conscripsit.

24. « Quibus diligenter ex parte revisis, ultra quam dici potest admirans, dixisse fertur ad socio: « Hæc scripta non sunt humanitus adinventa, nec potest ea mortalis homo capere, nisi ad Dei similitudinem intus et in anima fuerit reformatus per amorem. » Ad hæc præpositus virginum, monachus devotus et sanctus, nomine Heribertus, viro Domini respondit: « Reverende Pater, vera quidem sunt quæ dixisti; sed multi homines, docti et in docti, religiosi et mundani, animam famulæ Christi quotidianis oblocutionibus cruciant, dum cerebri phantasmatata, aut fallaciter per dæmones in doctæ feminæ garrulantur immissa. » Cui vir Dei: « Non mirannur, inquit, frater charissime, si dormientes in peccatis divinas revelationes existimant somnia, cum sciamus verum dixisse sanctum

¶ Apostolum: *Animalis homo non percipit ea quae sunt Spiritus Dei; stultitia enim est illi, et non potest intelligere, quia spiritualiter examinatur* (1 Cor. ii, 14). Omnibus enim in peccatis superbitæ, luxuriae, avaritiae, seu aliis vitiis, quasi dormiendo, jacentibus, divinæ admonitiones consueverunt somnia videri, quoniam, si vigilarent in timore Domini, signa divinæ operationis vera cognoscerent. Qui autem hæc immitti a dæmonibus existimant, ostendunt se divinæ contemplationis nullam penitus habere scientiam, similes illis judicandi sunt, qui Dominum et Salvatorem nostrum Jesum Christum in Belzebub potestate ejicere dæmonia dixerunt. » Ad sanctam quoque Hildegardem per interpretem: « Et tu, filia, inquit, non timeas locutiones hominum, cum Deum habeas protectorem, quoniam illorum sermones peribunt ut stipula, verbum autem Domini manet in æternum. » Post hæc vir Dei navigio descendit ad Bopariam, etc. » Hactenus Trithemius, ad cuius relationem aliqua breviter observabimus.

25. Primo, verba S. Bernardo attributa omnino conformia sunt tam admirabili sanctitatí et sapientiae ipsius, quam judicio ejusdem de scriptis et meritis S. Hildegardis, in epistola inferius danda expresso. Quapropter facile credidero, similia de scriptis Sanctæ dixisse Bernardum, quando ea Treviros allata vñit et examinare potuit. Secundo, visitatio illa S. Bernardi, et lustratio scriptorum S. Hildegardis in ipso monasterio, prorsus apparent commentitiae, aut certe ex errore solum profectæ. Et enim de adventu S. Bernardi ad S. Hildegardem tacent antiqui scriptores omnes, cum qui de S. Bernardo scripserunt, tum qui de S. Hildegarde, licet biographus noster S. Bernardum commemoret, ut Sanctæ et scriptis ejus addictiissimum. Præterea S. Bernardus ad S. Hildegardem scripsit anno verisimiliter 1148; hæc vero respondit, ut videbimus. Epistolæ autem sic scriptæ sunt, ut videantur invicem nunquam se vidisse. Demum nec S. Bernardus in itinere de quo agit Trithemius, per Rhenum navigio descendisse videtur, cum in libro *Miraculorum* ipsius, tom. IV Augusti, pag. 358, terrestre iter describatur, ita ut ipse non modo Bingium non venerit, sed neque illud præternavigaverit, ant prope accesserit. Ipsa quoque Hildegardis verisimiliter needum erat Bingii, quando eo ad ipsam venisse dicitur S. Bernardus. Visitatio igitur illa S. Bernardi prorsus est improbabilis: neque nos morari debet quod eam admiserit Bailletus, alias non raro justo severior in crisi exercenda, Nam nimis saepè experiri scriptorem illum non tanta diligentia inquisivisse in facta sanctorum a recentioribus tantum tradita, quanta uti debuisset, ut vitas sanctorum scriberet erroribus vulgaribus expurgatas.

26. Sane idem Bailletus aliam quorundam scri-

A ptorum Cisterciensium opinionem æque improbabilem pari facilitate adoptavit. Chrysostomus Henriquez, quem ille laudat, in *Menologio Cisterciensi*, pag. 316, ordini Cisterciensi attribuit Hildegardem, quam tamen initio Benedictinam fuisse agnoscit. Habitum vero ab ea mutatum dicit, « hortante sancto Bernardo. » Laudat pro sua opinione Barnabam de Montalbo, qui asserit mutationem a S. Hildegarde factam eob devotionem, qua in D. Bernardum ferebatur. » Deinde adducit Annales ordinis, in quibus eadem asseruntur. Mitto alios scriptores idem ex errore asserentes. Errorem hunc jam observavit Papbrochius noster ad 18 Junii in S. Elizabetha Schonangiensi (1), quam aliqui æque ac Hildegardem Cisterciensibus ascriperunt, quamvis utraque sit Benedictina. Contigisse hoc videtur ex confusione plurium monasteriorum ejusdem nominis: nam num. 22 monu in diœcesi Leodiensi esse monasterium monialium Cisterciensium, quod Mons S. Roberti dicitur, quemadmodum illud quod juxta Bingium S. Hildegardis incoluit. Hoc vero esse instituti Benedictini certum est. Laudatus Papbrochius pag. 606, num. 41, testem oculatum exhibet se his verbis: « De Hildegarde pridem nobis constabat, qui Bingii fueranus anno 1660, ibique sacra illius et ossa et scripta, nec non cœcum videramus, coloris non candidi, ut Cisterciensium, sed ex ruso subnigri, ut Benedictinarum fuit. » Plura non addo, quia res est minime dubia.

27. Anno 1148 contigerunt quæ biographus num. 5 narrat de examinatis Treviris Sanctæ scriptis jussu Eugenii pape III, et præsente S. Bernardo. Biographus ait, ea Treviris acta esse post concilium Itemense. At Pagius ad annum 1148, quo passim concilium Remense creditur habitum, quod inchoatum est mense Martio, pluribus ostendit, Eugenium fuisse Treviris, ibique concilium celebrasse ante Remense. Certe ex Actis Inventionis S. Matthiae apostoli, apud nos datis tom. III Februarii, cap. 4, pag. 453, habemus, Eugenium III fuisse Treviris 13 Januarii anni 1148, cum eo die templum S. Matthiae dedicaverit. Cum autem ibi tribus mensibus dicatur substitisse, necesse est ut dicamus ipsum jam Treviris fuisse mense Decembri anni 1147. Brouwerus itaque in *Annalibus Trevirensibus*, ad annum 1147, hisce conformia scribit, quando ait, Eugenium III Treviros ingressum esse die Sabbato ante Dominicam primam Adventus. Egit igitur pontifex Treviris totis fere mensibus Decembri, Januario et Februario, ita ut Januario aut Februario mense ligenda sint quæ de examinatis ibi in concilio Sanctæ scriptis tradit Vitæ scriptor. At hic, ut ex dictis liquet, in levi illo temporis adjuncto erravit, quod examen scriptorum postponat concilio Remensi; nec incredibile est in eum errorem incidere potuisse scriptoreum

(1) Vnde Patr. t. CXCV.

contemporaneum, quandoquidem hoc factum plus quam triginta annis esset præteritum, dum ab ipso fuit conscriptum. Ipsa tamen S. Hildegardis in eundem errorem non incidit : nam asserens in Vita, num. 47, scripta sua ab Eugenio examinata, non aliud assignat tempus quam quo Treviris erat pontifex.

28. Trithemius in *Chronico Hirsaugiensi*, ad annum 1150, facta Treviris paulo latius quam legantur in Vita, enarrat, hæc scribens : « Anno prænotato (imo anno 1147) Eugenius papa III venit ad Trevirim cum deinceps et octo cardinalibus, episcopis quoque et abbatibus multis, invitatus ab Adelberon : Trevirorum archiepiscopo, quibus ipse per menses tres ibidein commorantibus in cibo et potu copiosissime providit. Eugenius autem papa, convocatis episcopis, abbatibus et clericis multis ex toto Germania et parte Galliae, synodum celebravit, et multa constituit ad Ecclesiæ Dei honorem simul et utilitatem... In memorato concilio Treviris celebrato miracula, visiones et scripta, quæ omnipo-tens Deus per famulam suam Hildegardem operabatur apud Bingius, ad aures summi pontificis Eugenii plurimorum narratione pervenerunt. Quibus auditis, pontifex volens rem novam et arduam investigare diligentius, misit ad virginem Christi Adelbertum (seu potius Alberonem) Virdunensem episcopum cum quibusdam aliis viris doctis et Deum timentibus, dans eis in commissis quatenus dictorum omnium inquirerent veritatem. Qui cum pervenissent ad famulam Dei, et ea quæ a summo pontifice habebant in communis, cum reverentia exsequerentur, non solam revelationum seriem et famam, sed modum quoque et causas ab ea diligenter inquirebant. Quibus illa simpliciter respondebat ad omnia, et quid circa eam operata fuisset Divinitas, cum summa humilitate aperuit. Informatione sufficienti accepta, nuntii apostolici, libris visionum virginis, illa petente, secum assump-tis, ad papam Trevirim redierunt: et quod omnia invenerunt vera, quæ dicebantur de famula Christi, et solida, renuntiarunt. Deinde volumina quæ illa divinitus illuminata scripserat, una cum epistola quam dederat, Eugenio papæ cum reverentia tra-diderunt. »

29. Monendus hic lector nonnihil exaggerationis esse in illis quæ dicuntur de voluminibus Sanctæ. Neque enim volumina multa eo tempore conscripserat Sancta, sed primum revelationum suarum opus solum inchoaverat, ita ut folia intelligere debeamus per volumina. Quod additur de epistola, incertum, ut minimum, et parum verisimile est. Petiti tamen ab Eugenio, verisimiliter per dictos nuntios, ut sibi liceret habitare in Monte S. Ruperti. At pergamus cum Trithemio : « Pontifex scripta virginis coram multis fecit publice recitari, et per se, lectoris quandoque functus officio, partem non modicam legens recitavit. Omnes qui audiebant verbum lectionis, in admirationem ducti, Omnipo-

A tentis misericordiam, qui talia operabantur in fragili sexu, collaudabant. Aderat his D. abbas Bernardus, aderat et Ludovicus abbas S. Matthiæ Trevirensis, amicus sanctæ virginis : quibus medianitibus, omnium dubitationum nebulae a cogitationibus auditorum pellebantur. Omnibus ergo rogantibus, qui aderant, simul et hortantibus Romanum pontificem, ne lucernam tam insignem, divinaque illustratione succensam, pravorum hominum machinatione patetur extingui, libenter consensit, et litteras virginis Hildegardi tenoris sequentis transmisit. »

30. Litteras Eugenii ex collectione tom. XXIII *Bibliothecæ Patrum* editionis Lugdunensis, pag. 537, huc transfero : « Eugenius servus servorum Dei, dilectæ in Domino filia: Hildegardi, præpositæ in Monte beati Roberti, salutem et apostolicam benedictionem. Miramur, o filia, etc. » Vide infra inter epistolæ sanctæ Hildegardis, epist. 1. Respondit Eugenio Sancta per epistolam admodum prolixam, et ex visione compositam, libertate sibi consueta, quam mirari non debemus, cum ipsa non sequeretur ingenium suum, sed accepta in visione proferret, juvante et combinante omnia monacho directore. Initium epistolæ hoc est : « O mitis Pater, ego paupercula femina scripsi tibi hæc (hanc epistolam) in vera visione in mystico spiramine, sicut Deus voluit me docere etc. » Deinde multa stylo propheticō dat Eugenio monitu, quæ videri possunt. In fine dicit, se manere in loco cœlitus sibi ostendo, ita ut certum sit, ipsam jam'habuisse in monte S. Ruperti, quando ad Eugenium rescrispi.

31. In eodem iam habitasse loco videtur, dum ad ipsam scribepat Eugenius, cuius epistola anno 1148 data est, et verisimiliter mense Januario aut Februario, cum sub finem Februarii aut initium Martii pontifex discesserit Treviris, concilium Remense mense Martio inchoaturus. Certe epistolæ inscriptio, *Præpositæ in Monte B. Roberti* insinuat, Hildegardem ibi tunc habitasse. Attamen non æque certum apparet in eodem loco fuisse Hildegardem quando ipsa examinata est a nuntiis apostolicis. Vita enim num. 5 habet missos suisse « ad cœnobium, sub quo eadem virgo tot annis degebat inclusa, » id est ad cœnobium in Monte S. Disibodi, nulla mentione

D facta de commoratione Hildegardis in Monte S. Ruperti, cuius fundationem auctor narrat post omnia quæ de examine scriptorum diximus. Conjicere quidem possemus auctorem prius omnia spectantia ad scripta narrare voluisse, et deinde novam foundationem. At nuntiorum adventus ad Montem S. Disibodi semper perget suspicionem ingerere, Hildegardem tunc ibi habitasse, nisi eo ex nova habitatione fuerit vocata, ut coram abbate S. Disibodi examen fieret. At hæc evocatio est incerta, et a nullo asserita. Itaque forte S. Hildegardis adhuc habitabat in Monte S. Disibodi, quando fuit examinata, peractuque examine, licentiam ab abbatte et nuntiis obtinuit discedendi ad novum monasterium. At, quidquid sit de conjecturis illis incertis, constat certo

monasterium novum a Sancta inhabitari cœptum A circa tempus quo scripta ipsius Treveris examinata sunt, id est ineunte anno 1148, aut anno præcedente.

32. Porro quando S. Hildegardis ad Eugenium papam rescripsit ebat, absoluta erat « pars scripturarum de revelationibus ipsius. Loquitur autem Sancta de primo opere suo, quod tribus libris distinxit, et *Scivias* nominavit, duabus vocibus connexis, *Scivias*, id est *Noce vias Domini*. Hujus operis verisimiliter liber prius erat perfectus, dum ipsa ad Eugenium scribepat, partem esse absolutam. Omnes tres libri fuerunt perfecti circa annum 1151: nam ipsa decennium attribuit compositioni operis prædicti, quod inchoatum anno 1141 vidimus num.

33. Ex his clare intelligimus, partem solam operis visam suis in concilio Trevirensi, non totum opus, nedum omnia S. Hildegardis Opera, quæ diu post paulatim fuerint conscripta. Probatio vero scriptorum Sanctæ in concilio Trevirensi hæc est. Judicavit Eugenius papa cum Patribus concilii, Sanctam non ex illusione dæmonis, non ex cerebri phantasmatis, ut calumniabantur aliqui, sed ex divinis revelationibus hauiisse quæ scribebat; ideoque permisit Sanctæ ut scribere « prudenter » pergeret visiones suas. Sollicito tamen monet ut in humilitate se conservet; idemque monuit S. Bernardus in epistola inferius danda. Recte quidem illi et prudenter, cum humilitas Christiana donorum Dei et virtutum tutissima sit custos ac conservatrix. At id ipsum non ignorabat S. Hildegardis, a Deo docta et donis celestibus, inter quæ locum non minimum habet humilitas, largissime dilata, ut ex ipsis ejus scriptis intelligitur.

33. Cæterum opus *Scivias* impressum fuit Parisiis anno 1513, typis Henrici Stephani. Deinde recusum fuit Coloniæ anno 1628 una cum *Revelationibus S. Brigittæ et S. Elizabethæ Schonauensi*. His editiones ante me habeo; plures alias aliis investigandas relinquo. Primus liber complectitur sex visiones prolixe expositas; secundus, multo prolixior, septem alias; tertius, omnium prolixissimus, visiones tredecim. Totum opus attente perlegere studei, multaque in eo inveni præclara documenta: sed non pauca sunt obscuriora, quam ut facile a qualibet intelligi valeant. Sancta raro de se loquitur. Ubi vero id facit, insigni cum humilitate loquitur. Accipe, lector, pauca. Librum secundum sic ordinatur: « Et ego homo, litteras non callens more fortium leonum, nec docta ex infusione illorum, sed manens in mollitie fragilis costa [id est inuiler], imbuta mystico spiramine, vidi, etc. » Tertii libri hoc est initium: « Et ego homo sumpta ab aliis hominibus, quæ non sum digna nominari homo propter transgressionem legis Dei, cum deberem esse justa, et sim injusta, nisi quod Dei creatura sum ipsius gratia, quæ me etiam salvabit, vidi, etc. » In illa visione paulo post sic habet: « Et iterum audivi eum dicentem mihi: « O quam pulchri sunt oculi

tui in divina narratione, dum ibi consurgit aurora ex divino consilio. » Et iterum respondi de interiori scientia visionis ipsius: Ego mibi appareo in sinu animæ meæ ut cinis cinereæ putredinis, et sicut pulvis instabilitatis: unde sedeo pavens in umbra sicut penna. Sed ne deleas me de terra viventium ut peregrinam, quia in magno sudore labore in hac visione, et quia etiam de vilitate mei stulti sensus, qui meus est in carne, reputo me frequenter in minimum et in vilissimum locum, ita quod non sim digna vocari homo, quia valde timeo, non audens tua mysteria narrare. O bone ac misericordis Pater, doce me, quæ tua voluntas sit, quid debeam proferre: o tu misericordis Pater, et o tu dulcissime, et o tu plene omnis gratiae, ne derelinquas me, sed conserva me in tua misericordia. Et iterum audivi eumdem mihi dicentem: « Nunc dic, quomodo edocta es. Volo, ut dicas; quamvis cinis sis. » Plura in Opere ipsius possunt.

#### § IV. Fama Sanctæ multum inclarescit; ad ipsam scribunt S. Bernardus, Conradus Romanorum rex, multi episcopi, quibus illa liberrime respondet.

34. Baronius in Annalibus ad annum 1148, relato examine scriptorum S. Hildegardis, num. 33 banc subjungit observationem: « Visitatio ista et examinatione de Hildegarde facta majorem illi conciliavit existimationem, de qua Joannes Saresberiensis hæc habet libro Epistolarum sancti Thomæ, Epist. 171, in fine: Visiones et oracula beatæ illius et celeberrimæ Hildegardis, quæ apud vos sunt [mittite scilicet]. Quæ mihi ex eo commendata est et venerabilis, quod eam dominus Eugenius specialis charitatis affectu familiarius amplectebatur. Explorate etiam, et rescribite, an ei sit de sine hujus schismatis aliquid revelatum. Prædixit enim in diebus pape Eugenii, quod non esset, nisi extremis diebus, pacem et gratiam in Urbe habiturus. » Albericus monachus, scriptor sæculi xii, in Chronicô ad annum 1141 multa refert de *revelationibus S. Hildegardis*, quæ ex ipsa iam dedi, et de scripto opere *Scivias* omnino dictis consentit. De auctoritate ejusdem Sanctæ observat sequentia: « Quæ fuit ista Hildegardis, et quantæ auctoritatis, insinuant epistolæ magnatum terræ ad eam transmissæ, apostolicorum Eugenii, Anastasi et Adriani, imperatoris Conradi et Frederici, patriarchæ Hierosolymitani, et archiepiscoporum, abbatum et præpositorum, et una specialis epistola B. Bernardi abbatis Clarevallensis. » Addit ibi multa quæ omitto quia iam aliunde data sunt.

35. Idem Albericus ad annum 1153 de S. Hildegarde hæc scribit: « Eodem anno quædam virgo Christi Hildegardis de Alemannia, cuin esset magni nominis, Spiritu sancto inebriata, per capitulum et seniores Cistercienses, qui litteras suas ei dederant, sciscitata et rogata ut secundum quod Deus ei manifestaret, rescriberet eis, si quid esset in ordine quod Deo displiceret, rescripsit litteram istam in persona Domini nostri Jesu Christi Cisterciensi

capitulo generali in hæc verba : « Ego fons vivus dico ad illos, qui propter nomen meum tunica mea induit, peregrini sunt in venatione mundi, etc. » Hæc autem Hildegardis, cum neque litteras neque Latinum didicerit, fecit librum Epistolarum egregium, in quibus multa de temporibus novissimis continentur : et alium librum, qui *Scivias*, id est *Sciens*, intitulatur ; et tertium, qui inscribitur : *Divinorum operum expositio*. » Hactenus Albericos.

36. Verum, ut magis perspiciamus quanta fuerit fama S. Hildegardis apud viros, quos præcipios tunc habebat Ecclesia, ipsas adibimus epistolas ad Sanctam datas, et ab eadem rescriptas. Inter priores certe, si non omnium prima, est epistola S. Bernardi, quam conjicio datam anno 1148, tempore concillii Trevirensis : « Dilectæ in Christo filiæ Hildegardi, frater Bernardus Clarævaliensis vocatus abbas, si quid potest oratio peccatoris. Quid de nostra exiguitate, etc. » Vide ep. 29 in libro epp. S. Hildeg.

37-58. Si ad gloriam S. Hildegardis conductit epistola S. Bernardi, ut revera conductit plurimum, non minus S. Bernardo honorifica est epistola S. Hildegardis, præsentim cum ipsa passim omnibus epistolis suis hortari soleat, monere, et subinde acriter etiam increpare; rarissime vero et parcissime laudare, ita ut nullam inter epistolas ipsius inveniam tot laudibus plenam. et omni simul redargutio ac monitione vacuam. (Vide infra inter epistolas S. Hildegardis.) Hildegardis epistola in editis epistolis S. Bernardi postponitur; attamen existimo hanc prius scripsisse, Bernardum vero respondisse. Ut cunque etiam suspicor, scripsisse Hildegardem, antequam ipsa et scripta ejus erant jussu Eugenii III examinata; dictumque examen occasione harum litterarum institutum esse.

39-40. Inter priores principes qui ad S. Hildegardem scripserunt, fuit Henricus archiepiscopus et elector Mogontinus, anno 1153 de dignitate dejectus, et defunctus post annum et medium, ut habet Pagius ad annum 1153, num. 1. Hic ad Hildegardem scribens, epistolam suam orditum his verbis (ep. 5) : « Cum multa bona et admiranda miracula de te audiamus, pigritia nostræ reputandum est, quod te tam sæpe non visitamus, ut possemus, etc. » Tum rogat, imo præcepit, ut quamdam monialem, abbatisam electam, permitat abire cum illis, qui veniebant ipsam abducturi ad prædictam dignitatem. Epistola humana est, exceptio mandato satis forti de tradenda moniali. Mirabitur fortasse lector responsum S. Hildegardis; sed tanto magis videbit, ipsam non suo ingenio epistolas composuisse; sed revelata a Deo scripsisse. Si quem enim revereri et amare alias debebat, revereri debebat archiepiscopum, et protectorem suum, qui se, quantum certe novius, semper benignum exhibuerat. Attamen propheticò more respondet et non obscure exemplo Nabuchodonosor prædicti, Henricum dignitate sua priyan-

A dum, et non diu admodum victurum, prout revera factum est. Multi tamen voluerunt, Henricum non adeo fuisse culpabilem, et deinde pie defunctum. Illam vero monialem, quæ abbatissa erat electa, et cuius electionem tam graviter Sancta improbabat, existimo fuisse sororem Hartvici archiepiscopi Bremensis, de cuius morte agetur num. 46, et de qua verisimiliter loquitur Sancta in Actis num. 23. Cæterum non dubito quin in hac quoque epistola vere dicere potuerit S. Hildegardis, quæ scripsit ad Arnaldum Henrici successorem : « Mystica verba a me non profero, sed secundum ea in viventi lunine video, ita quod sæpe, quæ mens mea non desiderat, et quæ etiam voluntas mea non querit, mihi ostenduntur, sed illa multoties coacta video. » Verum de scriptis ad Arnaldum plura dabo inferiorius.

B 41. Prioribus qui litteras ad S. Hildegardem derunt, annumerandus est etiam Conradus III rex Germaniae (ep. 26), vulgo imperator dictus, licet non fuerit coronatus: nam anno 1152 defunctus est, ita ut epistola ipsius, inter annum 1148 et 1152 figenda sit. Incipit : Quia regali culmine impediti, etc. Addicit favores suos, et filium suum Sanctæ precibus commendat.

C 42. Ad has litteras Sancta respondit, partim Conradum suavitor monendo, partim prædicendo pejora tempora, qualia fuerunt sub Frederico I, Conradi successore. Non obscuræ Sancta prædictis schismata, aliaque Ecclesiæ mala quæ nata sunt sub Frederico I, ad quem deinde etiam scripsit epistolam hac multo fortiorum. Addit multa eodem spiritu propheticō de variis Ecclesiæ temporibus et vicissitudinibus, illaque non difficulter explicari possent, si luberet futura tunc tempora proprius lustrare.

D 43. Arnoldus archiepiscopus Coloniensis circa eadem tempora ad Hildegardem humanissimam scripsit epistolam (ep. 14), qua librum ipsius petiit. Quæ ad Arnaldum respondet S. Hildegardis, mystica sunt pleraque et ut cunque obscura. De libro suo clariora subjungit his verbis : « Nunc autem, o pastor populi tui, ego paupercula scripta veracium visionum istarum tibi misi, sicut petisti, nihil humani ingenii et propriæ voluntatis meæ continguit; sed quæ indesciens lumen compositione sua, et eisdem verbis manifestare voluit, quomodo sibi placuit; cum nec ipsum, quod nunc tibi scribo, ingenio meo, nec ullo humano arbitrio, sed superna ostensione compositum sit. »

44. Ad eadem fere tempora spectat epistola Hillini Trevirensis archiepiscopi (ep. 13), ad quam rescriptit S. Hildegardis epistola partim mystica et ænigmatica, partim etiam prophética et hortatoria in conclusione, quæ talis est : « Species columbæ te docet, et verbum Dei non caret in te scientia. Nunc ergo vigila et in virga ferrea constringe : doce, et vulnera tibi commissorum unge, et in æternum vives. »

**45.** Scripsit etiam circa hæc tempora ad S. Hildegardem Gonterus Spirensis episcopus (ep. 45), qui inter alia sic illam alloquitur : « Quod bonus odor es tam remotis quam vicinis, et de Spiritu sancto solamen omnibus te quærentibus, divinæ pietati gratias referimus. » Sancta vero respondens, multis ad emendationem vitæ hortatur Gonterum. Sic autem orditur : « Lux summæ inspirationis, o homo, tibi dicit : Admonitionem Spiritus sancti, qui in te ascendit, ne abscindas a te per malam consuetudinem operum tuorum, etc. » Tota epistola est hortans ad penitentiam. Talis fere est responsio S. Hildegardis ad episcopum Constantiensem, cuius nomen non exprimitur (ep. 17), et cajus hanc ob causam epistola temporis est magis incerti. Ille Sanctæ preces et litteras petit. Rescripsit sancta Hildegardis minime blandiens, sed inanem gloriam in ipso præcipue redarguens. Epistolam vero concludit hoc modo : « Surge ergo citius, et ambula recta itinera, antequam sol tibi occidat, et antequam dies tui deficiant. »

**46.** Incerti etiam temporis est epistola Hartvici archiepiscopi Bremensis (ep. 10), qui hic *Hertwigus* vocatur, cum ultra annos viginti fuerit episcopus, et obiisse dicatur circa annum 1168. Perscribit ille obitum sororis suæ, Richardis abbatissæ, quæ monialis fuerat sub disciplina S. Hildegardis, et a fratre ad memoratam dignitatem pertracta, ita ut possit esse ea quam petebat Henricus Moguntinus archiepiscopus, ut dictum est num. 40. Porro testatur Hartvicus pie admodum defunctam fuisse, et « ex toto corde lacrymabiliter desiderasse, » ut manisset in claustru S. Hildegardis, a quo invita fuerat avulsa. Hinc veniam de illo recessu petit. Rescripsit Sancta epistolam satis prolixam, et præclaris monitis plenam. Laudat etiam Hartvicum, et Richardem ipsius sororem, de qua dicit : « Plena caritas in anima mea fuit ad ipsam, quoniam vivens lux in fortissima visione docuit me ipsam amare. » Post multas ipsius laudes, animam ipsius fratri commendat.

**47.** Abbas Eberbacensis, ordinis Cisterciensis, in diœcesi Moguntina, et fere inter Moguntiam et Bingen, sed ultra Rhenum, et magis prope Moguntiam, ex prioribus videtur fuisse abbatis qui ad S. Hildegardem scripserunt (ep. 31). Nomen exprimitur, littera *E*, sed mendose, opinor, cum nequeat fere alias esse a Ruthardo, primo illius cœnobii abate, et littera *E* sequentibus etiam non congruat. Laudatus abbas preces Sanctæ flagitat, et sua eidem servitia offert. Ad has litteras S. Hildegardis egregia monita reposuit, et in fine optima abbatii prædixit.

§ V. *Ad Sanctum scribunt Anastasius IV et Adrianus IV, Romani pontifices, Fredericus imperator, episcopi, abbates, aliquique multi, quibus responderet.*

**48.** Quanquam difficile est epistolas S. Hildegardis in ordinem redigere, cum notis chronologicis non sint insignite, volui tamen ex tempore quo personæ floruerunt, qualemcumque saltem ordinem inducere, et sic huc usque dedi solas fere epistolas inter annum 1148 et 1153 scriptas. Nunc prosequendo ordior ab epistola Anastasii IV, quæ data est anno 1153 aut 1154 (ep. 2), cum ille priori anno sit papa creatus, sequenti defunctus. Anastasii epistola hæc habet : « Anastasius episcopus, servus servorum Dei, Hildegardi dilecta filia in Christo, salutem et apostolicam benedictionem. Exultamus in Domino, etc. » *Vide infra inter epistolas S. Hildegardis.*

**49.** Responsum S. Hildegardis prolixum est. Hortatur Dei nomine Anastasiū, ut mala fortiter eradicet. Deinde varia prophetice prædictit, et de suis visionibus aliqua subjungit. Demum iterum hortatur Anastasiū ad subditos corrigendos. Sic orditur : « O persona, quæ es præcellens armatura, et mons magistrationis valde ornata civitatis [id est Ecclesiæ], quæ constituta est in desponsatione Christi; audibilum, qui non incepit vivere, nec lassatur in defectione, etc. » Hanc admonitionem post multa concludit, et ad prædictionem pergit hoc modo : ... « Et ideo omnis terra turbatur per magnam vicissitudinem errorum; quia quod Deus destruxit, homo amat. Et tu, o Roma, velut in extremis jacens conturbaberis, etc. » Roma certe multum turbata est per schisma quod exortum est quinque aut sex annis post hanc prædictionem : et jam ante turbari coepit Ecclesia sub Adriano IV per Fredericum imperatorem.

**50.** Deinde Sancta de se subjicit verba partim laudata in Vita num. 14, ubi tamen scripta dicuntur ad Adrianum IV, ita ut vel in Vitam irreperitur mendum, vel in collectionem epistolarum; sed primum est verisimilius. Epistolam demum claudit admonitione tali : « Tu autem, o homo, apparens constitutus pastor, surge, et curro citius ad justitiam, ita ut coram magno Medico non accuperis quod ovile ipsius a sorde non exterseris, nec oleo uxeris, etc. »

**51-52.** Adrianus IV, qui Anastasio successit sub finem anni 1154, ad S. Hildegardem scribit (ep. 3) : « Gaudemus, filia, et exultamus in Domino, quod honestatis tue opinio ita late longeque diffunditur, etc. » Addit tamen pulchram exhortationem ad perseverantiam, subditque in fine : « De cætero autem commonitoria verba de te audire desideramus, quia spiritu miraculorum Dei imbuta diceris, etc. » Respondit breviter S. Hildegardis, multaque Adriano prædicens et gravia certamine, hortatur ad fortitudinem, non sine ipsius laude, ita ut etiam salutem æternam ipse satis clare videatur prædicere.

**53.** Non multis verisimiliter annis post Adrianum ad S. Hildegardem scripsit Fredericus I imperator, cognomento *Ænobarbus* aut *Barbarossa*, qui coronatus est imperator anno 1155. Epistola igitur si-

genda est inter annum 1155 et 1159, quo defunctus est Adrianus IV, quoque schisma contra Alexandrum III exortum est, favente Frederico antipapæ. Epistola enim a Frederico tum imperatore, et ante schisma, quantum appareat, data est, sed fortasse non ante dissensiones inter Fredericum et Adriannum exortas. Fredericus autem ad Sanctam ita scribit (ep. 27) : « Notum facimus sanctitati tuæ, quoniam ea quæ prædicti nobis, cum Ingelheim manentes, te ad præsentiam nostram venire rogamus, jam in manibus tenemus, etc. » Ex his habemus primo S. Hildegardem habuisse colloquium cum Frederico in Ingelheim, quod est inter Moguntiam et Bingium; secundo, tunc aliqua Frederico a Sancta suis predicta, quæ impleta sunt. Habitum verisimiliter illud colloquium, dum rex erat Fredericus, et neandum coronatus imperator, sive inter annos 1152 et 1155, de anno tamen certo non constat, ut neque de rebus prædictis, nisi forte Sancta prædixerit Frederico dissensiones, quas cum Adriano IV erat habiturus. Habemus tertio, S. Hildegardem habuisse aliquam controversiam, quæ judicanda erat in curia Frederici; at qualis illa fuerit æque est ignotum.

54–55 Ex responso vero S. Hildegardis audeo colligitur, molitiones varias Frederici ab ipsa minime suis probatas, aut potius a Spiritu sancto, qui per Sanctam alias indoctam loquebatur, aperte improbatas. Nam imperatorem sic incipit alloqui : « A summo Judice hæc verba diriguntur ad te: Valde admirabile est, quod hanc personam homo habet necessariam, scilicet quæ tu, rex, es. » Deinde dat parabolam minus claram, qua ipsius imperium vindetur improbari, et mox clariorem subjicit monitionem, ita scribebat : « Nunc, o rex, sollicite provide, qnia omnes regiones sunt obumbratae cum falsaci turba illorum, qui in nigredine peccatorum justitiam delent, etc. » Cujus epistolæ verba si quis attente consideret, videbit satis longum imperium Frederico prædicti, sed turbulentum, quale revera fuit, maxime eis discordias ipsius cum Romanis pontificibus, quibus lamen suum imposuit ante mortem.

56. Epistola Arnoldi archiepiscopi Moguntini (ep. 6) data non est post annum 1160, et verisimiliter non ante schisma anno 1159 exortum (cui Arnoldus adhæsit cum Frederico imperatore) aut saltem non diu ante. Arnoldus preces Sanctæ flagitat. Respondit S. Hildegardis, Arnoldum fortiter increpans, et interitum ipsi prædicens, ut multi jam observarunt, cuius cædem, a Moguntinis anno 1160 in Nativitate S. Joannis Baptiste peractam, ex Conrado narrat Baronius ad annum 1160, num. 32, observans, ipsum eodem anno in conciliabulo Papiensi primum subscrisse sententiae contra Alexandru III legitimam pontificem fatæ.

57. Florebat eodem tempore S. Eberhardus ar-

chiepiscopus Juvavensis, sive Salisburgensis, qui partes Alexandri pontificis defendebat, multumque sollicitus metu Frederici imperatoris, ad S. Hildegardem circa annum 1160 ita scribebat (ep. 12) : « Ego peccator in valle lacrymarum positus, multis æculi turbinibus et procellis attritus, intus timores, foris pugnas passus, etc. » Deinde petit litteras Sanctæ, sed sigillo obsignatas.

58. Ad sanctum hunc episcopum alio plane sylo utitur Sancta quam usa fuerat in priore epistola; nam Eberhardum passim laudat et pulchre docet, labores exteros, ex charitate et obedientia suscepitos, minime obesse viro Deum amanti. Vita hujus S. Eberhardi, cujus nomen in epistola non exprimitur, sed ex sede et tempore innoscit, data est apud nos ad 22 Junii. Defunctus est anno 1164.

59. Ad eadem fere tempora fortasse spectat epistola Conradi I, episcopi Wormatiensis, qui tom. V *Gallie Christianæ*, col. 674, defunctus dicitur anno 1163. Attamen magis credo scriptam esse ante schisma Ecclesiæ. Quidquid sit, Conradus aliorum more ad S. Hildegardem recurrit tanquam ad oraculum, eique hæc scribebat (ep. 16) : « Deo gratias agimus, qui te lucernam clarissimam aureo candelabro imposuit, etc. » Addit, nuntium plura de rebus suis dicturum, et responsum flagitat. Respondit Sancta partim hortando, partim laudando.

60. Adelbertus episcopus Virdunensis, qui anno 1148 ab Eugenio III ad S. Hildegardem examinandam fuerat legatus, cum primicerius erat, anno 1156, ut aliqui habent, admotus episcopatui, quem deinde cum vita monastica mutavit, circa eadem tempora, verisimiliter ante schisma, ad S. Hildegardem scripsit (ep. 18), sic ex r. liens : « Benedicta gloria Domini de loco sancto suo, quæ te sibi a teneris annis mancipavit famulam. » Tum hortatur ad humilitatem, et preces flagitat ac litteras. Respondens vero Sancta, hortatur ad curam pastoralem, sic incipiens : « Lux vivens, quæ miracula ostendit, dicit : Qui Pater es in persona tua, et pastor in propositione animarum, extende brachium tuum, ne inimicus homo superseminet zizania in agro tuo, etc. »

D 61. Magis incerta est epocha epistolæ patriarchæ Hierosolymitani, qui ad S. Hildegardem scripsit ex Oriente epistolam, ut ipsius ac sororum ejus precibus se commendaret. Nomen patriarchæ solum insinuatur littera I, et quidem mendose, ut existimo, quia Amalricus fuit Latinus patriarcha toto illo tempore quo faina S. Hildegardis adeo inclinaverat. Itaque dubitandum non videtur, quin Epistola sit Amalrici, qui Hildegardem sic alloquitur (ep. 22) : « A multis per longa terrarum spatia partes nostras adenntibus, et genua sua ad sepulcrum Domini flectentibus, multoties perceperimus, quod divina virtus in te et per te operetur : unde ipsi gratias indefessas, prout possumus, humiliiter offerimus. »

Mox ait, se diu desiderasse occasionem scribendi, qua demam oblata utitur; et in laudes Sanctæ excurrit et ejus preces expostulat. Respondit S. Hildegardis per epistolam initio plenam allegoriam satis obscuris. Deinde vero patriarcham his consolatur verbis: « Pugnam quam intus et exterius, in utroque scilicet homine, pateris, Deus in temporibus tuis circa te hoc modo allevabit, ut eam sustinere possis: unde fiduciam tuam in ipsum pone, nec de misericordia ejus despera. Et hoc faciens in gratia Dei ad vitam vives. »

62. Post hanc sequitur epistola Henrici, episcopi de Bevez (ep. 25), cuius nominis nullam invenio civitatem, ita ut suspicer nomen esse corruptum. Quidquid sit, ille etiam ex longinquis partibus ad S. Hildegardem recurrit, ita scribens: « Manifesta Dei circa te dignatio mihi peccatori ac turbinibus saeculi gravato, magna est consolatio, etc. » Respondens S. Hildegardis, pulchra utitur parabola, qua ipsum ad veram sapientiam et charitatem horretatur.

**§ VI. Sancta a multis personis consulta de occulis et arcana, quæ sine revelatione divina scire non poterat.**

63. Tanta est multitudo litterarum quas accepit et quibus respondit S. Hildegardis, ut nullo modo ad suos singulæ annos reduci possunt defecuti notarum chronicarum, præsertim cum non paucæ sint personarum quæ aut minus sunt cognitæ, aut quæ diu in eodem officio fuerunt versate. Hac de causa ad quemdam rerum ordinem epistolas Sanctæ reducam, et modo recensebo illas quibus consulta fuit de occultis et arcana. Harum tantus est numerus, ut manifeste liqueat, quasi universalem fuisse hominum persuasionem, occulta et arcana multa S. Hildegardi revelata fuisse. Ordior a Cunone aut Conone abbe S. Disibodi, sub cuius præfectura fuerat Sancta, antequam fundaret coenobium in Monte S. Ruperti. Hic igitur ipsam optime noverat, et eidem hæc scribit (ep. 38): « Quia Sanctitas vestra in eo, qui nec fallit nec fallitur, plurima secreta spiritu videt, peto, ut, si qua de patrono nostro B. Disibodo Deus vobis revelaverit, mihi aperiatis, quatenus cum fratribus meis illi ex hoc devotissimas laudes referre non differim. » Precibus ipsius enixe se commendat.

64. Respondit Sancta ad interrogata de S. Disibodo, de quo aliqua generatim ibi scribit, ut in ipsa epistola videri potest: de Vita ejusdem Sancti scripta inferius agemus. Verum non solum id egit Sancta, sed Cunonem etiam libere reprobavit de nimia in subditos severitate, et instantem mortem eidem prædictit.

65. Adamus abbas de Ebra, sive Ebracensis, ordinis Cisterciensis, in diœcesi Herbipolensi, vir sane multum laudatus apud Manicum in Annalibus Cisterciensibus, ad S. Hildegardem scribit sequentia (ep. 30): « Cum primum notitiam nominis vestri suscepisti, gavisus sum gaudio magno, » etc. Mox pe-

A tit preces, et rescripta Sancte ad dubitationem suam, quæ videtur fuisse de retinendo aut deponendo abbatis munere, ut colligitur ex response S. Hildegardis. Interim observo, Sanctam aliquando excurrisse versus partes Herbipolenses, sicut eamdem in aliis quoque provinciis fuisse videbimus. Quod vero spectat ad negotia Sanctæ per Adamum abbatem imperatori commendata, qualia illa fuerint, ignoramus. At vix dubitamus quin eadem sint de quibus loquitur Fredericus imperator in epistola ad S. Hildegardem, commemorata num. 53. Nunc pauca de Sanctæ responso. Epistola est admodum longa, parabolis non nimis obscuris tota fere contexta, laudibus Adami abbatis conspersa, et præclaris monitis. De officio non deponendo ipsum inonentes inducit varias virtutes, et nominatum charitatem et humilitatem. Solam dabo conclusionem: « Et tu, Pater, audi: Sicut stella matutina auro-rain in lumine suo præcurrat, sic omnibus præbe auxilium ab osculo dilectionis, quam tibi Deus dedit: et vitam tibi dabit, quam in prima die insperavit. »

66. Ordinis item Cisterciensis erat abbas S. Anastasi in Urbe, quem ad scribendum S. Hildegardi, præter vulgarem famam, movere potuerat non solum S. Bernardi auctoritas, sed etiam Eugenii III, qui ex abbate ejusdem coenobii pontifex fuerat electus. Quid ille petat à Sancta, quam ante mirifice laudat, his verbis exprimit (ep. 52):... « Rogo ut Spiritus, qui revelat arcana et occulta sapientiae suæ, indicet tibi, quid mihi expediat in portando obedientiæ Christi onere, scilicet perseverare, an quiescere, ut vacem ipsius contemplationi. » Ad propositam dubitationem S. Hildegardis ita respondet: « Perfice ergo sustentationem ovis tui, et da ei præcepta, scilicet virginem magistri præbendo, et postea unguentum medici exhibendo, quia utilius tibi est, ut in hoc labore vigiles, aliis per doctrinam tuam in subjectione ministrantibus, quam te ipsum in voluntate tua exerceas. »

67. Conradus abbas de Keisheim, (in titulo scribitur, de Kelsheim, et forte legendum de Reisheim, ut habet Trithemius) similem dubitationem S. Hildegardi proponit (ep. 33). Respondit Sancta non dissimulando criminis subditorum ipsius, sed ea gravibus verbis innuendo, nec ipsum videtur Conradum excusare, sed ad penitentiam hortator. Tum euudem sic alloquitur:... « Ergo pastoralem curam non relinque... » Addit tamen restrictionem verbis obscuris, quæ insinuant, ipsi relinquendum officium, ubi nihil boni præstare apud suos posset.

68. Manegoldus abbas celeberrimi olim coenobii Hirsaugiensis in Silva-Nigra, et in diœcesi Spirensi, simile quid petierat, ut colligitur ex response S. Hildegardis, quamvis ipse in epistola id non declareret, sed ingenitem de S. Hildegarde existimationem solum insinuat cum hac petitione (ep. 34): « Rogo te,

mea mater et domina, memento mei in tuis sanctis-  
simis orationibus, dilige humillime te diligentem:  
recognosce in Christo te reverentem, et litteras  
mibi rescribe in Deo rogata. » Sancta respondet,  
varia prædicens. Ejus verba de turbine ad futurum  
tempus referenda omnino existimo, licet Trithemius  
in *Chronico Hirsaugiensi*, ad annum 1161, recitans  
hanc epistolam, crediderit eam fuisse scriptam,  
quando orta erat dissensio inter monachos, qui ea  
de causa ad S. Hildegardem scripserunt, et abba-  
tem hunc Manegoldum. Agnoscit quidem Trithemius  
turbas Hirsaugiensis cœnobii a Sancta fuisse præ-  
dictas, sed verbis coram, non scriptis litteris. Agam  
de re tota § sequenti, ibique dabo epistolam mo-  
nachorum cum Sancte responso.

69. Abbas S. Mariae, Trithemio S. Mariae ad *Martyres apud Tretirim*, similem interrogationem  
propositus S. Hildegardi (ep. 37), videlicet utrum in  
hoc officio honoris et onoris, prælationis et periculi,  
suum animæ salutem mereri providerit, vel ab hoc  
absolvi, utile ei fore perspexerit. » Non respondit  
S. Hildegardis ad quæsita omnia: insinuavit tamen  
nimis anxiū esse abbatem, eique potius cogitan-  
dum esse de se et subditis corrigendis, quam de  
officio dimittendo, ita concludens: « Sed ego  
hanc causam, quam requiris, inntilem tibi esse  
vidi. Unde te ipsum cum officio tuo coerce, appre-  
hendo aratro. Deus autem succurrat tibi in omni-  
bus necessitatibus tuis, et non sinat te inutiliter  
laborare. »

70. Abbas Campidonensis in Suevia ad S. Hilde-  
garde similiter recurrit, arcana intelligere desi-  
derans (ep. 40). S. Hildegardis responsum dedit sa-  
tis prolixum, hortans ad excienda diligenter mala  
semper pullulantia. In fine egregiam addit consola-  
tionem, ubi observarat « per pœnitentiam et con-  
fessionem » deleri peccata, hæc scribens: « Sic tu,  
chare fili Dei, fac, quia in æternum vives, et quo-  
niam lapis in cœlesti Jerusalem eris; ideo etiam  
acriter luctari debes. »

71-72. Magna sollicitudine ad S. Hildegardem,  
tanquam ad interpretem Dei, recurrit abbas S.  
Martini Coloniensis cuius nomen A expressum,  
Alardus est, ut existimo, quia ipse Sanctæ con-  
temporaneus fuit, et defunctus est ante annum  
1160. Hic epistolam suam ita ordit (ep. 41):  
« Domina, domina, ut vere creditur, a Deo di-  
lecta et benedicta, omnia, quæ per vos virtus  
operator divina, vera profecto esse novi et sancta. » Desiderasse se ait ad ipsam venire, si fieri  
potuisset, ut omnia verbis explicaret. Responsum  
S. Hildegardis et pulchram instructionem, et magnam  
cum adhortatione perpetua consolationem con-  
vinet.

73. Anxia etiam et dubia erat abbatisa S. Glo-  
desindis Metensis, quæ ad S. Hildegardem hæc  
scribit (ep. 42): « Quia de gratia vestra et bene-  
volentia multum præsumimus, nolumus vos latere,  
quod in periculo magno positæ sumus, dum multo-

A rum regere animas cogimur, quæ nobis non sub-  
cimus, etc. » Reposuit Sancta epistolam satis pro-  
lixam, in qua varia dat monita ad recte regendum,  
et prefecturam non deponendam, satis clare insi-  
nuat.

74. Hactenus hic spectantes evolvi epistolas,  
Colonie primum editas, et in *Bibliotheca Patrum*  
recusas. Hisce plurimas adjectit Martenius tom. II  
*Collectionis amplissimæ*, ex quibus aliqua ad propo-  
situm nostrum similiter decerpam. Verum cum  
multa ibi locorum nomina videantur luxata, aliqua  
conabor restituere ex Trithemio in *Chronico Hir-  
saugiensi*, ad annum 1150, ubi enumerat eos qui ad  
S. Hildegardem scripserunt. Albertus abbas Elva-  
censis in Suevia (nunc prepositura ibi est Canonici-  
orum) ad S. Hildegardem scribens (ep. 62) orat  
ut divinum de suis iniunctis consulat oraculum et  
rescribat quid sibi de Dei misericordia exspectan-  
dum sit. Sancta, ad hæc respondens, partim hor-  
tatur ad maiorem constantiam, partim afflictum  
consolatur, ac prædictit, tempus ultionis divinæ nec-  
dum venisse.

75. Bertholdus abbas Zwinielensis (Trithemio  
*Zwifaltensis* in Suevia) conqueritur « de injuriis et  
tribulationibus, quas crudeles persecutores ipsi in-  
ferebant, » petitque ut « voluntatem Dei inquirena,  
aliquid solatum per litteras remittat, » idque clari-  
tate ingenio suo accommodatum (ep. 65). Sancta  
breviter sic rescribit: « Lux vivens dieit: Quæ-  
dam hominem vidi, quem quasi debilem ac claudum

C in præcellentia magisterii dimisi. Quomodo? Qui  
in imbecillitate carnis suæ, velut nudi naufragi, re-  
belles erant, hos ipse fugit propter timorem bellum.  
Sed nunc illum video, sicut humilem, fleabilem, pe-  
rigrinum. Unde illum inspicio, velut filium hæreditatis,  
virga verberatum propter inquietudinem morum  
mentis suæ, etc. »

76. Abbas Rettinbasilensis, cum etiam electus  
esset abbas Salemensis in Suevia, ordinis Cister-  
ciensis, dubitans quid facere deberet, cum S. Hil-  
degarde rem communicavit (ep. 66), « sicut cum  
sponsa et famula Christi et conscientia secretorum  
Dei, » petitque, ut « sancti Spiritus voluntatem...,  
D simpliciter de hac re insinuaret. » Respondit San-  
cta hoc modo: « Quicunque agrum vel ovile pro-  
pter fidem procurationis suscepit, ipsa dimittere  
non debet, sed sicut patersfamilias ea regat. Qui enim  
ovile suum relinquit, et aliud recipit, præceptorum  
Dei prævaricator nominatur. » Addit pia ad regen-  
dum monita. Abbas Zwtellensis, ordinis Cister-  
ciensis in Austria, cura gregis multum gravatus,  
consultit Sanctam, an albatis deponere dignitatem  
debeat, petitque (ep. 70), ut, « quidquid placuerit  
Spiritui sancto, » rescribat. At Sancta partim hor-  
tatur ad curam pastoralem strenue et mansue con-  
tinuandam, salutaria dans ei in finem monita.  
Consilium vero istud abbatis ab initio improbat, sic  
ordiens: « In mente tua cogitando exaggeras, quod

de unoquoque labore quiescere vel desistere ve-  
lis, etc. »

77. Richardus, abbas in Sprinckershat, (Trithemio Germanice *Sprengerbach*, olim idiomate magis Belgico *Springersbuch*, ut invenio nomen expressum in aliquo diplomate apud Hontheimium in Historia diplomatica archiepiscopatus Trevirensis, sed etiam ibi nomen variatur. Est autem Regularium Canonicorum in diœcesi Trevirensi), cum crederet se viribus destitutum et tam mentis quam corporis, » diu desideraverat S. Hildegardem visere, quando per litteras ad ipsam venit (ep. 74). Rescripsit Sancta, ipsum hortans ad onus portandum, consolansque ut virum Deo charum. Prælatus in Hegennebe (apud Trithemium *præpositus Canonicorum Regularium in Heyna*) de multis queritur corporis et mentis infirmitatibus et defectibus, ut et de 'jugo iniunctorum suorum : atque his omnibus malis liberari cupit per S. Hildegardis preces. Respondit breviter S. Hildegardis, fugeret prælationem, « si te non audiunt, » inquit. Magis tamen eidem suadet ut eam retineat, et vigil sit.

78. Hanc questionem summa cum sollicitudine S. Hildegardi proponit abbas de Vescera, ordinis Præmonstratensis, in comitatu Hennebergensi (ep. 78), « solarium simul et consilium » querens, quod se inutilem crederet. Huic omnino suadere videtur Sancta, ut curam pastoralem deponat ob defectum fortitudinis. Nam post aliqua defectum illum insinuantia, hæc subdit: « Unde idem faciat se simili ovi, et non pastori. Tu homo es, sicut undans in aquis, qui vix liberatur, ne demergatur: ita quod ubique prudentiam inspicis, sed tamen deficitis in viribus, non autem in voluntate. Unde et gratia Dei ad te resplendet. »

79. Præpositus Vallis-Dei, diœesis Moguntinae in Rhingavia, ubi modo sunt moniales ordinis Augustiniani, rogat S. Hildegardem (ep. 85) ut velit solvere, quod promiserat. Ex responso autem liquet, ipsum petuisse consilium de præpositura deponenda. Hoc enim Sancta fortiter dissuadet

80. Abbas in Rappenberg (Trithemio *præpositus in Coppenberg*, ac forte legendum in *Cappenberga*, ordinis Præmonstratensis in Westphalia) longe diversam S. Hildegardi questionem proponit (ep. 86). Voluit ipse ad Sanctam venire; sed inquit, « in tanto turbine tempestatum et procellarum, qua tota Ecclesia nunc qualitur et turbatur, impeditus, rebus et corpori timens, retardatus venire non potui. » Videntur hæc insinuare schisma Ecclesie, quod contra Alexandrum III fuit Fredericus imperator, ita ut prælatus Ecclesia sua ejectus, de illo verisimiliter Sanctam consuluerit, per fratrem, quem pro se misit, et de quo scribit: « Ad consulendum enim Spiritum Dei, qui in vobis habitat, de præsenti statu Ecclesie nostræ, eum ad vos dixi. » Ad hæc S. Hildegardis prælatum pulchre consolatur, docens Deum adversa homini immi-

40  
A tere, ut eum corrigat. In fine sic hortatur : « Ideo tormenta tua ne timeas, quia locum tuum in dispersione non video, sed ligaturam oneris tui (id est præfecturam) Deus sic vult : et oves, quæ ad te currere volunt, collige. Quæ autem te nolunt, in miseratione tolera, donec te vocent, et in æternum vive. »

81. Quanta esset multorum existimatio de cognitione arcanorum quorumlibet in S. Hildegarde, ostendunt etiam epistole sequentes trium præpositorum (epp. 87, 88, 89). Prima est præpositi S. Victoris Moguntini, qui multis peccatis inquinatum se fatetur, « quæ vos, inquit, domina, Spiritu sancto revelante, melius scitis : meque si re sciatias an mihi sit spes salutis, an prædestinatus ad vitam, aut præscitus ad mortem ; etc. » Verum S. Hildegardis ad ultimam quæstionem non respondit, ut passim alias, licet aliquando viris sanctis æternam vitam clare videatur prædicere. Hortatur igitur declinet a malo et facial bonum; spemque ingerit his verbis: « Unde elige tibi rectas vias, et in æternum vives. » Metum etiam incutit, ita concludingens: « Ergo, o fili Dei, cito surge, antequam tibi sol occidat. » Præpositus Confluentinus Sanctam sic alloquitur: « Quia in omnibus tribulationibus meis semper tuis consolationibus me mierasti [forte recreasti], et cuncta jam sunt impleta quæ mihi prædictisti, queso ut et nunc misericordiae Dominum in cunctis quæ me foris et intus premunt, consolari deposcas, etc. » Rescribens Sancta, hortatur, « vicissitudinem morum » corrigit, monetque occulta esse Dei iudicia, hoc addens: « Sed Deus non jubet, ut iudicia sua super te edisseram, sed ut pro te orem. » Præpositus S. Andreæ Coloniensis multis temptationibus oppugnatum se queritur, Sanctamque consultit, « paratus, inquit, facere quidquid mihi, sive revelatione divina, sive consilii tui sapientia præceperis. Ne paveas, nec celes, etc. » Ad hæc ita respondit S. Hildegardis, ut simu doceret præpositum, qualis moribus esset, instrueretque et moneret, ut fieret melior,

82. Abbas quidam multum sollicitus de schismate quod erat contra Alexandrum III, patrocinante Frederico imperatore, et cuius causa multi prælati persecutionem patiebantur, consilium S. Hildegardis quæsivit, ita scribens (ep. 95): « Igitur quoniam Ecclesia in apostolica dignitate et nomine claudicat, et ad quod caput suum respiciat, veraciter ignorat,... inito bono consilio, ad vos confugio, simulque efflagito, ut quidquid, Spiritu sancto edocta, de hoc vel de me ipso sentiat, inibi rescribere velitis : vestris enim consiliis in omnibus obedire paratus sum. » Non absolute respondit ad hanc questionem S. Hildegardis, quia, ut inuit, responsio non profuisset. Nam sic orditur: « Hæc verba ad te dicere vidi et audivi : Mens tua aratro similis est, quod dura, aspera, ac mollia evertit et dividit. Tu enim cognoscere, evertere ac dividere illa attendis, quæ in tanta duritia sunt, quod ea per-

fringere non potes; et quæ in tanta asperitate sunt, quod te vulnerarent, si ea tangeres, et quæ in tanta mollitie sunt, quod ea contereres, si illa dire et aspere tangere velles. Duritia namque, quæ a Sole justitiae claudicavit, Ecclesiam nunc circumdedit, quam tu perforare non prævales. Unde in corde tuo ad Deum dic: « Domine, qui omnia nosti, in magistris meis tibi obedire volo, quandiu Catholice fidei me resistere non cogunt. » Hæc utsunq[ue] exponuntur. Duritia erat in ipso schismate, asperitas in principibus sacerdotiis, mollitie in episcopis; ac si diceretur: Durius est schisma, quam ut possis illud tollere: « et principes sacerduli in tanta asperitate sunt, quod te non audirent, si eis diceres, quod in scientia tua justum habes, » ut sequitur: episcopi vero tantam mollicitem nunc sectantur, ut nescires quid cum illis ageres. Monet tamen Sancta abbatem, ut Christi exemplo discipulos suos teneat, reliquos Deo dimittat.

83. Quemadmodum abbates multi, sic non paucæ abbatissæ S. Hildegardem consuluerunt. Abbatissa in Altuvich (Tribunio in Altwick, Trajectensis diœcesis) ad Sanctam hæc scribit (ep. 100): « Dominus noster... inspiravit cordi meo, ut puto, quatenus onus regimini, quod graviter porto derelinquam, et me solitudini alicujus cellulae includam... » Post pauca S. Hildegardis ita respondet: « O filia, non est utile apud Deum, ut onus tuum abjicias, et ovile Dei reliquas, cum illud lumen habes per quod illi luceas etc. » Abbatissa in Kizingun (forte Kitzingen in Franconia ad Mænum, ubi modo sunt Ursulinæ) post multa elogia Sanctam his verbis compellat (ep. 101): « Sonet vox tua in auribus meis, et quid salubrius sit, utrum onus, quod porto, deseram, an diutius seram, mihi petenti divinitus enarra. » Respondet S. Hildegardis, abbatissam laudans, et ad fiduciam de Deo excitans. Abbatissa in Widergoldestorf idem rursum petit hoc modo (ep. 108): « Quapropter, dulcissima, obnixe supplico, ut dignemini a Deo perquirere vobis, utrum sit ipsius voluntas ut istam sarcinam portem, aut abiciam; quia plus adhuc constrictione obedientia, quam Dei amore perseveravi. » Hortatur S. Hildegardis ut perget martyrium, quo eam in officio suo affligi facetur, constanter portare, sic eam consolans: « Sed tamen in hac parte plurimi sancti sicut martyres ad Deum veniunt. Ac ideo et tu confide in Deum, quia non derelinquet te, et Spiritus sanctus dolorem tuum minuet. »

84. Abbatissa de Crouchdal, in Vita Crutenda, quæ S. Hildegardem apud se viderat, ad ipsam sic incipit scribere (ep. 109): « Postquam diu desiderata præsentia et affabilitate vestra, Deo opitulante, merui relevari a pusillanimitate spiritus, et tempestate priori, aliquantis per quievi, et quia verba vestra non ab humano ingenio, sed a Luce vera... non dubito procedere, consilio vestro, quod proposui facere, distuli adhuc perficere. » Ex responsu liquet, ipsam etiam consilia agitasse de officio de-

A ponendo. Respondet S. Hildegardis breviter: « Ubi vides lutum, illud ablue, et quod aridum est, fac saporem habere. » Deinde monet ne temere de aliis judicet. De solitaria vita sic ipsam instruit: « Quoniam in solitaria vita, quam requirit sonus verborum tuorum, non valeres quiescere propter vicissitudinem diversorum morum: quia tunc novissima tua multo pejora fierent, quam prima, et etiam tam gravia, ut jactura lapidis est. »

85. Abbatissa superioris monasterii Ratisponensis ad S. Hildegardem scribens (ep. 112), « de duabus inquisitionibus, » responsum petit, « si videlicet, inquit, de re, pro qua jam maxime affigitur cor meum, aliquid periculum timendum, vel de Dei misericordia presumendum sit. » Hoc in alia epistola expositum fuerat. Alterum est de officio abbatissæ deponendo. Ad hoc ita S. Hildegardis respondet: « Nunc autem, dulcissima filia, curam tibi creditam in tali veritate provide, ne propter tardium aut laborem eam dimittas. » Mox hortatur ad studium bonorum operum. Primam vero quæstionem, quæ forsan erat de prædestinatione, gravibus verbis reprehendit.

86. Sacerdos quidam, volens amplecti vitam monasticam, dolensque suu[m] illud propositum differri, ad Sanctam recurrat (ep. 119). Rescribens S. Hildegardis hortatur ad constantiam in proposito: nec tamen edicit locum aut ordinem cui ille se aggredaret. Ratio silentii non alia erat, opinor, quam quod Deus de illis nihil ipsi revelaret. Sic frequenter observo, ad interrogata non respondere Sanctam, aut solum ex parte respondere, quia plura petebantur quam Deus per ipsam manifestare volebat.

87. Non minus arcanum erat quod quærebat magister quidam Trajectensis (ep. 123), taleque, ut rarissime ea de re responderit Sancta, quando erat interrogata, licet id ipsum personis aliquot plis interrogata indicaverit. Queritur ille se ob peccata sua multis modis esse afflictum. Rescrit Sancta instructionem, et tum addit: « Nunc autem, o serve Dei, in meliore via parvæ fenestellæ in splendido lumine in te apparent, ita quod exoptando bonum desideras. In altera vero via in nigro turbine occupatus es. Sed tu, o miles, cum clara militia surge, et turbinem hunc vinces, quoniam gratia Dei te tangit et monet, etc. »

88. Anonymus quidam Weisionensis multum obtestatur Sanctam, non solum ut pro se preces fundat, sed etiam ut apud Deum exquirat arcana his verbis proposita (ep. 133): « Quid sit, quod metietis ad se clamantem de profundis nequitiarum et de luto fascis eripere dedignatur, si sperare ulterius veniam, si spiritum contribulatum et contritum mihi largiri velis, domina, intenta prece exquire, » etc. Verum S. Hildegardis pro responso ad ejusmodi quæstionem, quam satis clare improbat, rescrit utilem monitionem, ut stabilis sit in bœno. Canonicus quidam Trajectensis ita ad S. Hildegardis

dem scribit (ep. 134) : « In humilitate itaque sup-  
plico,... quatenus arcana divinæ revelationis de  
statu meo, præcipue secundum interiorem bomi-  
nem, mibi in ministerio tuae manifestationis ad  
doctrinam et candelam spiritus mei exhibeas. Quod  
debes quidem ex promiso; quia cum in transitu  
meo versus Romam irem, hæc a tua charitate  
impetraverim. » At respondens S. Hildegardis  
monet ut velocius surgat, et a diabolo fu-  
giat.

§ VII. *Sancta a multis congregationibus consulta de  
iis quæ emendari possent, aut etiam de arcau-  
aliis, et irritata ad monita conscribenda.*

89. Hactenus ostendi S. Hildegardem ab abbatis-  
bus et abbatissis multis, et ab aliis etiam personis  
consultam fuisse de rebus occultis, quas sine reve-  
latione divina scire non poterat. Nunc integras  
clericorum aut monachorum producam congrega-  
tiones, quæ simili de causa et pari fiducia ad Sanctam  
scripserunt. Agnen ducat cleris ecclesiæ  
metropolitanæ Coloniensis, qui S. Hildegardem in  
urbe sua viderat, et monita salutaria dantem ad-  
mirabundus audiverat. Unde Philippus decanus cuius  
omni clero ad ipsam hæc scribit (ep. 48) : « Quia  
maternam pietatem vestram diligimus, vobis notum  
facimus, quia postquam a nobis recessistis, cum per  
divinam iussionem ad nos venissetis, ubi verba vi-  
te, prout Deus vobis inspiravit, nobis aperuistis,  
in maximum admirationem ducti sumus pro eo,  
quod Deus in tam fragili vase, in tam fragili sexu  
hominis, tanta mira secretorum suorum opera-  
tur. » etc.

90-92. Remisit Sancta scriptum longissimum,  
quo gravissimis verbis et Dei nomine negligentiam  
clericorum in cura animarum, aliaque vitia repre-  
hendit, monitaque dat plurima multasque etiam  
miscet prædictiones. Circa medium epistole multa  
incipit prædicere mala, quibus Deus Ecclesiam  
castigaturus erat, quia ecclesiastici nec in moribus  
nec in doctrina tales erant quales esse debui-  
sent. Tam clare autem prædictit futuros hære-  
ticos, ut ea de re nullum videatur dubium re-  
linqui. Altissime bona aliqua immiscet, et sa-  
tis declarat hæreticos non omnino prævaluros.

Videtur hic S. Hildegardis Lutheri tempora præ-  
dixisse; sed id clarus perspicit, qui omnia non  
modo Coloniensibus, sed etiam Trevirensibus, et  
Werneru de Kirchheim prædicta, accurate voluerit  
expendere. Periculum non modicum eo tempore  
imminuit Coloniæ, quæ archiepiscopum suum vidit  
ab hæreticis corruptum; sed feliciter caput erexit  
et hæreticos expulit, ut Sancta ipsos monere vi-  
detur.

93-96. Treviris item fuerat S. Hildegardis, in ea-  
dem verisimiliter excursione qua Colonienses invi-  
sit. Illic præpositus S. Petri cum toto clero Trevi-  
rensi ad eamdem scribit (ep. 49); cui S. Hildegardis  
prolixe respondit, multa monendo et increpan-  
do. Postquam negligentiam pastorum et prælatorum

A multis redarguit, ad prædictiones bonorum et malo-  
rum futurorum pergit, et non dubito observare,  
nihil in omnibus istis me reperi quod non fuerit  
impleatum. Facile hoc videbit, qui Historiam ecclæ-  
siasticam utcumque cognitam habet, modo atten-  
dere voluerit quantum Ecclesia sæculo XVI passa sit  
detrimentum, quantumque eo etiam tempore Catho-  
lici doctrina et moribus præstare cœperint majoribus suis, qui multis ante S. Hildegardem sæculis,  
et aliquot etiam post ipsam vixerunt. Treviris ab  
hæreticis multum passa est, ut predixerat Sancta;  
sed prævaluuit, et mores pristinos emendavit, ut fu-  
turum clare enuntiat.

97. Jam vidiinus num. 47 epistolam abbatis Eber-  
bacensis ad Sanctam. Eadem quoque cum tota con-  
gregatione scripsit Meffridus, prior illius cœnobii  
Cisterciensis, preces flagitans, et epistolam Sanctæ,  
quam de sacerularibus inquietunt (ep. 51), et idiotis ad  
spiritalem conversationem conversis, quos nos con-  
versos dicimus, Spiritu sancto vos scripsisse au-  
divimus. » Misit haud dubie Sancta epistolam, « ad  
Griseos monachos, » id est Cistercienses, inscrip-  
tam, quæ admodum prolixa est (*resp. ad ep. 51*).  
Multam sane laudem ordinis illius epistola conti-  
net; sed arguit illos, « quos ipsi conversos vocant,  
quorum plurimi se ad Deum in moribus suis non  
convertunt, » inquit Sancta. Alia quoque documenta  
prudens lector inveniet in eadem epistola.

98. Werneru de Kirchem (oppidum est Sueviæ  
in ducatu Wirtenbergensi, ubi etiam fuerat Sancta)  
« cum cæteris societatis suæ fratribus, » non modo  
preces S. Hildegardis enixe postulavit, insigni eam  
ornans elogio, sed etiam, quemadmodum Colonieu-  
ses et Trevirenses, verba ipsius scripto commen-  
data habere voluit (ep. 52).

99-100. Sancta ita incipit respondere : « In  
lecto ægritudinis diu jacens, anno Dominicæ In-  
carnationis millesimo centesimo septuagesimo, vidi  
vigilans corpore et animo pulcherrimam imagi-  
nem, » etc. Sequuntur querelæ gravissimæ illius  
imaginis, quæ, ut inferius exponitur, Ecclesiam  
repræsentabat, contra vitia et peccata non levia  
sacerdotum. Deinde sequuntur prædictiones quæ  
seculo XVI omnino inplete sunt, hoc modo : « Pri-  
uipices enim, et teinerarius populus super vos, o sa-  
cerdotes, qui me hactenus neglexistis, irruent, et  
vos abjicient et fugabunt, et divitias vestras vobis  
auferent, pro eo quod tempus sacerdotalis officii  
vestri non attendistis. » etc.

101. Nescit sane, quid sæculo XVI factum sit in  
magna parte Germaniæ, et in aliis quoque regnis,  
iuno in ipsa Suevia, ubi hæc dicta fuerunt, qui  
non perspicit omnia esse completa. Ad majorem  
vero prædictionis claritatem observo, hic non addi-  
tillam consolationem, quæ additur in scriptis ad Colonienses et Trevirenses, quod civitates istæ in fide  
deinde sint futuræ magis florentes, sicut revera in  
Kirchheim factum non est. Contra additur alia præ-  
dictio, his verbis expressa : « Et iterum ego pau-

percula seminea forma gladium evaginatum in aere pendente vidi, cuius acies una ad cælum, altera ad terram versa erat. Et gladius iste super spiritalem populum extendebatur... Et vidi, quod gladius iste quædam loco spiritualium hominum abscondebat, quemadmodum Jerusalem post passionem Domini abscissa est. » Hoc iterum clarissime factum est Lutheri temporibus. Demum adjungitur hæc qualisunque consolatio : « Sed tamen vidi, quod plurimos timoratos, puros et simplices sacerdotes in adversitate ista sibi Deus observabit, » etc.

102. Ad S. Hildegardem alia de causa scripsit congregatio fratrum in Hagenbe (ep. 53), discordias scissa, quod Sanctæ innotuerat, et cui malo jam mederi cœperat. Respondit S. Hildegardis per epistolam longam, quæ de multis vitiis et virtutibus instructionem continent, admonitionemque et adhortationem ad studium virtutum.

103. Sacerdotes in Rutdelingun {forte Reutlingen, vulgo Reutlingen} in Suevia] ad S. Hildegardem ita scribunt (ep. 124) : « Exsultavimus et delectati sumus in his quæ dicta sunt nobis, scilicet legationem consolatoriam nobis adefutaram. Et exspectantes exspectavimus, et nondum intendisti. » Paulo post innuunt novi aliquid se aggræssos, precesque Sanctæ instanter postulant. Suspicior fuisse congregationem sacerdotum, qui vitam religiosam erant amplexi, quique consilia S. Hildegardis sequi volebant. Certe ita respondet Sancta, ac si scriberet ad sacerdotes, qui mundanis rebus nuntium remiserant, dicens : « O quales illi sint qui in peregrinatione vitam requirunt, et qui in exilio alieni sunt partis illius, quam propter Deum reliquerint. » Ceterum laudat ipsorum propositum, et bortatur ad fortitudinem in servitio Dei.

104. Præfectorus cuidam hospitali domui, dictus magister pauperum in Lutherum, » cum suis S. Hildegardem consulit (ep. 136) his verbis : Salutaria itaque sanætatis vestræ documenta exoptamus a vobis audire, et statum vitæ nostræ diligenter a vobis intelligere, etc. Rescribens S. Hildegardis, eleganter exponit parabolam hominis qui in latrines inciderat, per Samaritanum sublevati et curati; monetque ut, sicut Christus vulnera Adami salvavit per se et suos, ita ipsi initentur verum illum Samaritanum, curando scilicet corpus et animam pauperum.

105. Monachi Benedictini Sigebergenses, in diœcesi Coloniensi trans Rhenum, ad S. Hildegardem ita scribunt (ep. 137) : « Quam speciali charitatis affectu vos in matrem spiritualem elegerimus, et in consortium orationum nostrarum suscepserimus, omnium secretorum cognitor novit, etc. » Rescripsit demum S. Hildegardis monitionem cum laude cœnobii Sigebergensis, in quo tamen non omnes æque ferventes fuisse insinuat.

106-107. Monachi Hirsauenses, quorum abbatem S. Hildegardi scribentem vidimus num. 68, alia de causa ad ipsam recurrent (ep. 138). In cœnobia

A illo, alias florentissimo, discordia orta erat inter abbatem et priorem, cui major monachorum pars adhærebat. Hi ea de causa Sanctæ sententiam exquirunt. Rescripsit Sancta litteras multum consolacionis habentes, quæ pacem reduxerunt. Contumaciam ait inferiorum contra superiores ortam fuisse ex defectu misericordie horum, et omnes invitantur ad misericordiam invicem exhibendam. Trithemius, qui discordiam illam narrat in *Chronico Hirsauensi*, ad annum 1161, post recitatas S. Hildegardis litteras subjungit : « Postea vero quam fratres bas a B. Hildegarde litteras suscepissent, non parum in Domino gavisi sunt, et mentibus compuncti, de pace inter se tractare unanimiter coeperunt. Manegoldus quoque abbas (de cuius ad Sanctam epistolam, et hujus responso actum est num. 68) monita virginis secutus, omnem de corde amaritudinem expulit, et se patrem filii juxta Regulam deinceps sapientissimum pro viribus exhibitum in omnibus reprobavit. Unde fratres dulcedine verborum ejus compuncti, se ut humiles et obedientes patri subiectos præstare in cunctis pollicentur. Per misericordiam itaque omnipotentis Dei, et orationes S. Hildegardis, pax inter dissidentes reformata est, et finis optatus turbationi impositus. » Porro laudatus Trithemius ad annum 1160 scribit, S. Hildegardem tunc Hirsauie fuisse, et monachis illam discordiam, nisi se ewendarent, prædixisse. Verum in allegatis litteris nulla sit mentio illius excursio- C nis ad Hirsauenses, et prædictionis S. Hildegardis. Quapropter, etiamsi revera apud Hirsauenses aliquando fuerit Sancta, ut videbimus § 12, omnino nihil persuadeo illam Sanctæ excursionem serius ligendam. Quod vero spectat ad prædictionem relate discordia, non aliam fuisse putem quam quæ legitur in epistola ad Manegoldum abbatem, num. 68.

108. Monachi Eberbacenses, quorum abbas S. Hildegardi ante scripsit, ut vidimus num. 47, ut et eorum prior num. 97, unanimi consensu ad Sanctam bas detulere preces (ep. 139) : « Precamurque humili petitione, ne quod in nobis corrigendum est, nos celetis; sed ut Domino, qui vobis multa secreta reserat, placuerit, nobis id insinuare studeatis. » Fecit Sancta quod petebatur, monuitque ut caveant a discordia et contentione.

109. Prior et monachi Zwifeldenses ad Sanctam recurrunt pro reformatione sua (ep. 140). Respondit Sancta per monitionem longam et forte, qua negligentiam et varia monachoru illorum vita acriter perstringit, eosque ad pœnitentiam et emendationem hortatur. Moniales Zwifeldenses simili modo ad S. Hildegardem scribunt (ep. 141) : « Rogamus etiam pietatem vestram, inquit, ut, cum divina visioni insistitis, commonitoria verba ad nos dirigatis, et quomodo a via negligentie ad viam correctionis redire debeamus, nobis ostendere non negligatis. » Hisce fortissimam monitionem remisit Sancta, arguens et increpans, hortansque ad

vitam magis regularem. Ceterum de Swifaltensibus in Suevia monachis et monialibus hic agi, ostendam num. 179

110. Prior et monachi Montis S. Disibodi, quibus S. Hildegardis non poterat non esse notissima, monita ipsius partim precibus, partim querelis exigunt (ep. 142). Rescripsit S. Hildegardis prolixam abortionem, cui admiscere videtur prædictiones futurorum, quaque monet monachos illos, ut ad primum servorem redeant.

111. Monachi S. Eucharii Trevirensis ad S. Hildegardem tanquam ad matrem scribunt (ep. 143), laudantes Deum, qui, inquit, « bæc a sapientibus et prudentibus hactenus abscondit, quæ mirabiliter diebus nostris humilitati tuæ revelat. » Sancta prolixe rescripsit, nonnulla in monachis istis laudans, nonnulla reprehendens, docensque obedientiam, humilitatem, charitatem et alias virtutes. Sequitur epistola « prioris et monachorum Cistellensium » ad Sanctam (ep. 144), quam « ut superiorem et ut charissimam matrem » venerari se dicunt. Si consulimus responsum ad hanc epistolam, videbimus idem hujus responsi esse principium cum initio epistolæ S. Hildegardis, relato in Chronico Alberici ad annum 1153, ubi illa Sanctæ epistola dicitur anno 1153 scripta « Cisterciensi capitulo generali. » Recete, opinor, id habet Albericus, quia Cisterciense cœnobium aliquando etiam vocatug *Cistellense*, ut habet Valesius in *Nostra Galliarum*, pag. 146, et revera *Cistellæ* nomen cum Gallico *Cisteaux* magis convenit, quam vulgare nomen *Cistercium*. Hi autem Cistellenses inter alia S. Hildegardem sic alloquuntur : « Clementiam vestram petimus, ut, quod in nobis et in ordine nostro, scilicet monastico, vobis, imo, divinis oculis displiceret, secundum quod Deus vobis ostenderit, nobis rescribere non ambigatis. » Præstitit S. Hildegardis quod petebatur; rescripsit epistolam bene longam, qua vehementer queritur, « dulcissimam charitatem » ab ipsis scissam esse. Priore tantum epistolæ partem dedit Martenius, quod tria folia a codice abscissa essent.

112. Ultima tandem epistola illarum quas edidit Martenius, ad S. Hildegardem, est « Henrici [imo Helingeri] abbatis et conventus Montis S. Disibodi (ep. 145), » nec responsum Sanctæ ad hunc edidit Martenius. Jam vero occasione mutati nominis Helingeri in Henricum, quæ tam certa est quam notabilis luxatio, lectorem monendum censeo, plura nomina propria hominum aut locorum procul dubio luxata esse apud Martenium, et non pauca me restituere conatum ex Trithemio aut aliunde, non tamen omnia certo emendare potuisse : nam etsi clare subinde videam nomina Germanica ab editore Gallo a naturali sono detorta esse, non æque est facile vera substituere. Malui igitur invenienda relinquere illa quæ non poterant conjectura quasi certa restitui. Epistola Helingeri ostendit fructum quem præsens in Monte S. Disibodi tulerat Sancta

A Monachos vero ad majorem etiam ex ejus monitis fructum colligendum anhelasse monstrat ipsa postulatio.

113. Altera eorumdem petitio subjungitur hoc modo : « Super haec unanimi consensu januam vestræ charitatis opportune et importune pro descriptione gestorum ac virtutum, nec non et vita patroni nostri, nec non et vestri, beatissimi Disibodi, in cuius domo ab ipsis cunabulis nutrita estis, pulsamus, » etc. Huic petitioni, quantum voluit, satifecit Sancta. Nam habemus Vitam S. Disibodi, editam apud nos ad 8 Julii. Eadem exstat in codice nostro, qui notatur O Ms. 12. Quid vere ad priorem postulationem responderit S. Hildegardis, et, an omnino ad illam responderit, plane ignoro. B Dicit quidem Martenius : « Responsum ad hanc epistolam (Helengeri) exstat inter editas S. H. Hildegardis epistolæ ; sed fallitur, nam solum exstat responsum ad aliam Helengeri epistolam (ep. 39), num. 123 memorandam. »

#### § VIII. Sancta etiam consulta de quæstionibus theologicis scripturisicis, aliisque ad fidem vel ad mores spectantibus.

114. Quanquam non possumus non mirari Sanctam a tot viris, dignitatibus et scientia inclytis, de rebus occultis et arcanis consultam suisse, magis tamen obstupescere cogor dum perspicio, ad mulierem indoctam, et omnis scientiæ studio acquisitiæ expertem, delatas suisse quæstiones ex theologia subtilissimas, ex sacris litteris difficultias, ipsamque non dubitasse responsa dare theologicæ et scripturistica, quævis aliquando ad quæsita, curiosa magis quam utilia, plenum responsum non dederit. Eberhardus episcopus Bambergensis, qui Sanctam ante inviserat, quæstionem eidem subtilem-admodum proposuit, ita scribens (ep. 14) : « Cum de curia imperatoris per te transiremus, quia Spiritu sancto imbuta es, tuæ charitati exponendum commisimus. In Patre manet æternitas, in Filio æqualitas, in Spiritu sancto æternitatis æqualitatisque connexio. Quid et nunc, secundum quod Deus tibi revelavit, expositum videre desideramus. » Orditur Sancta a brevi hortatione, qua ad gregem suum diligenter pascendum excitat Eberhardum. Tuni D Patris æternitatem, Filii æqualitatem, connexionem Spiritus sancti, oratione satis longa et subtili sic exponit, ut doctissimus theologus multum sudaret, et frustra fortasse, ad talēm expositionem dandam. Concludit demum epistolam hoc modo : « Nunc, o pastor et Pater populorum, Deus tibi det, ut ad lumen pervenias, ubi scientiam veræ beatitudinis accipias. »

115. Sacerdos quidam, cuius nouen per C solum designatur, multum se precibus S. Hildegardis commendat (ep. 43), ut, inquit, « orationibus vestris ad Dominum adductus, merear illuminari, et a cæcitate cordis sanari. » Et mox : « Be corpore et sanguine Christi, in quibus tota spes fidelium est, etiam docete me, » etc. Respondere sic incipit

**Sancta :** « In vera visione vigilantibus oculis de sacramento Dominici corporis hæc verba audivi et vidi : Deus id, quod fuit, permansit; et, quod non erat, assumpsit. » Subjungit Incarnationem Filii Dei, eaque enarrata, ita pergit : « Itaque eadem virtus Altissimi, quæ in utero Virginis carnem operata est, super altare ad verba sacerdotis oblationem panis et vini in sacramentum carnis et sanguinis convertit, virtute sua illud sovens. » Addit alie multæ quæ brevitatis causa mitto, ibidem vindicta.

**116. Wibertus aut Guibertus, monachus Gembalcensis, ordinis S. Benedicti in Brabantia, triginta et octo quæstiones difficillimas, ex Veteri Novoque Testamento, et ex historia ecclesiastica collectas, quas monachi Villarienses, abbatæ item in Brabantia celeberrimæ, ad Sanctam proficisci comiserant, S. Hildegardi transmisit, eamque per litteras rogavit, ut earum solutionem aggredetur. Cur eas ipse non tulerit in litteris (nunc inter opuscula) exponit. Aggressa est Sancta opus arduum quod proponebatur, et ad omnes quæstiones respondit. Attamen tale est responsum istud, ut dubia omnia non solvantur. Responso addidit litteras elegantes, quibus Wibertum hortatur ad virtutes instituto monastico congruas et necessarias, maxime ad caritatem et humilitatem.**

**117. Congregatio cœnobii Hunniensis utilem magis pro vita recte instituenda doctrinam a S. Hildegarde petuit, videlicet expositionem Regulæ S. Benedicti, dicens ad eam se confugere « in necessitatibus articulo, tanquam ad firmissimum inexpugnabilem municipii asylum, ac post magnifica elogia, hæc subdens : « Pedibus sanctitatis vestræ convoluti, omnes in commune petimus pietatis vestræ almitatem ut aliquid super Regulam B. Benedicti Patris nostri memoriale vestrum relinquatis, admodum nobis necessarium... » Fecit Sancta quod rogabatur, et in Regulam S. Benedicti scripsit commentarios, post epistolas ipsius impressos.**

**118. Sacerdos quidam Trevirensis, qui curam animarum habebat, simul flagitat pro se preces S. Hildegardis, et « consolatoria verba (ep. 125), » ac deinde addit : « Et quomodo his præsse possim, quos sub regimine sacerdotii regere debeo, benigne insinuetis. » Breviter quidem ad hæc, pulchre tamen, aliqua documenta rescribit Sancta. Primo monet, ut peccatorem « medicus frequenter cum misericordia ungat, nec fetentem livorem in illo esse sinat, quia lepra per summum Medicum abstergitur, ubi se homo sacerdoti ostendit. » Secundo observat, aliquo venire sine debita præparatione et proposito se emendandi. Addit tertio : « Homo autem, qui semper cum dolore iniquitates suas deserit, ita quod non vult in sordida peccata sœpius demergi, non est prædicto modo ligandus, sed in doloribus suis ungendus, in quoconque loco sit. Magnus enim Medicus vigilantes suscitat, et dor-**

mientes corripit, et in malis suis perseverantes occidit. »

**119. Magister quidam theologus Parisiensis ostendit (ep. 127), magnam etiam suis Parisiis famam S. Hildegardis. Nam post varia elogia, difficilem et subtilem ei proponit quæstionem, ita scribens : « Nos autem, quamvis a te longe positi simus, fiduciam in te habentes, quædam a te petimus; scilicet quoniam plurimi contendunt, quod Paternitas et Divinitas Deus non sit, quid inde in coelestibus sentias, nobis exponere et transmittere non differas. » Error ille erat Gilberti Porretani episcopi Pictavienensis, qui illum retractavit anno 1148 in concilio Remensi, agente maxime S. Bernardo. Ad proposittam quæstionem insigni cum humilitate respondet B. Hildegardis, comparans se cum parva pena, quam de terra levat, et volare jubet Deus.**

**120. Frater quidam** (ep. 128) multum conqueritur de schismate, quo divisa tunc erat Ecclesia; sed ea de re tunc S. Hildegardis nihil respondit. Ille vero in fine aliam proponit quæstionem his verbis : « Nam a malignis spiritibus multoties tam occulte quam aperte impugnor, qui me plurimum fatigant et seducere volunt : et quid de his sentias, rogo, ut per scripta tua mihi renunties. » Ad hanc quæstionem prolixe satis respondit Sancta, dividens aerios spiritus in quatuor partes, hominesque variis modis ab illis tentari asserens. Primæ parti attribuit tentationes « per luxuriam..., in omni genere vitiorum. » Secundam partem dicit dominari « in omni inconstantia, et hominem, inquit, in insanam iracundiam immittit. » De tercia ait, eam « velut in ostensione angelorum et prophetarum » errores producere, multumque lädere « in vana gloria per jacantiam et per contumaciam. » Quartam denum partem ait « in multiplici diversitate » familiarius agere cum hominibus, abhorrire tamen a cruce et passione Domini; permittere vero « quædam bona in hominibus, » sed « ipsis in eisdem bonis moderationem abstrahere. »

**§ IX. Multi ad Sanctam scribunt, ut preces, consolationem, monita aliaque similia obtineant: quibus illa rescrit.**

**D** **121. Vidimus** S. Hildegardem a multis suis consultam de rebus arcanais, aut de quæstionibus difficultibus. Nunc eamdem videbimus plurimorum litteris pulsari variis de causis, ac si commune suisset omnium sere refugium. Primam hic pono S. Elisabetham Schonaugiensem, quæ eodem tempore in diœcesi Trevirensis florebat, et multis revelationibus inclarerat. Citius tamen obiit S. Elisabetha, nemirum anno 1165, ut apud nos ostensus est ad Acta ipsius, data ad 18 Junii (Patr. l. CXXV), ubi etiam recitat epistola satis prolixa, quam ad impetrandam consolationem scribit ad S. Hildegardem. (ep. 45).

**122. Respondit** S. Hildegardis de more præmittens non se loqui de suo ingenio, « sed de serena Luce. » Tum disscribit de homine, et de inspiratione Dei, qua

homines aliquos præ cæteris illustrare dignatae. Demum ad S. Elisabetham ita se convertit: « Audi, o sollicita filia, quia homines istos, quos inspiratio Dei ita imbuīt, aliquantulum fatigat ambitiosa suggestio antiqui serpentis... » Ex Chronico Alberici monachi, ad annum 1155, colligitur, S. Hildegardem aliquando etiam a S. Elisabetha visitatam fuisse.

**123.** Helengerus, abbas S. Disibodi, et Cononis anno 1155 successor, qui S. Hildegardem diu noverat, ita eidem scribit (ep. 39): « Cum totus mundus veraci præconio clamet vos sancti Spiritus ditatam esse jubilo, ego, qui primus debueram esse, et alios ad beatitudinem vestram invitare, huc usque inertis timore delitui: sed nunc tandem timore et pudore corruptus, his verbis vos salutare necessarium duxi. » Mox se ipse accusare incipit, et conqueri de male observata in suo monasterio disciplina regulari. In fine vero ait: « Consolationis ergo vestræ scripta humilitati meæ dirigite, » etc. Rescripsit Sancta multum hortando ad emendationem vitæ. Demum circa finem hæc addit: « Ego autem paupercula video in te nigerrimum ignem contra nos accensum: sed ejus in bona scientia obliviscere, ne gratia et benedictio ipsius a te recedat tempore officii tui. » Habuit revera S. Hildegardis difficultates cum abbe S. Disibodi circa liberam electionem directorum suorum, ut postmodum videbimus.

**124.** Abbas S. Emmerami Ratisponensis (qui provisorem se vocat in inscriptione, sed epistola ultraque satis innuit præfectum fuisse sive abbatem cœnobii) opem S. Hildegardis pro alio implorat, (ep. 35). Utrum fuerit monachus, an alius, qui mittebatur ad Sanctam, non liquet manifeste; nec invenio quo successu S. Hildegardis pro ipso laboraverit. Attamen ex bujus responso suspicor monachum fuisse gravibus conscientiæ stimulis et fortasse scrupulis agitatum. Qualisunque fuerit, Sancta abbatem gravibus verbis hortatur ad curam gregis sui.

**125.** Abbas Neuenburgensis magno etiam cum affectu scribit ad S. Hildegardem (ep. 36), dicitque belli timore impeditum se fuisse, quominus ad ipsam veniret. Tum preces ipsius studiose flagitat. Rescripsit S. Hildegardis, ipsumque hortata est ad fortitudinem in cura pastorali, recte observans bellum tempore non abhicienda militi arma ob difficultates exortas. Similia per litteras (ep. 44) petit abbatissa in Elostat, insigne texens Sanctæ elogium. Brevisiter, sed amice admodum rescribit S. Hildegardis, ipsam animans ad laborem pro suis continuandum. Prudentia tamen opus esse in Dei servitio, recte observat. Similiter amicam epistolam (ep. 46) scribit G. præpositus Francofurtensis, cui illa respondit per adhortationem seriam ad mores corrigendos.

**126.** Epistolas olim editas quæ huc spectant,

A hactenus recensui. Accedunt aliæ multæ apud Martenium tom. II *Collect. Ampl.* nuper vulgatæ. Ille scribit (ep. 63) abbas Mullenbrunnensis (alias *Mulbrunnensis* in diœcesi Spirensi et in ducatu Wittenbergico) petens litteras, « quibus instruatur, confortetur, consoletur corpus ipsius et anima. » Abbas S. Michaelis Bambergensis, morti se propinquum credens, preces S. Hildegardis vehementer rogit (ep. 64), et « scripta consolationis. » Utique sic rescripsit Sancta, ut ad virtutem hortetur, et instructionem utiliem subministret. Abbas S. Eucharii Trevirensis ad Sanctam scribit (ep. 67), preces flagitans et « admonitoria verba. » Idem rursus litteris aliis (ep. 68) exigit « litteras promissas, » et in fine addit: « Sed et etiam, quod tibi visum fuerit de negotio tibi commisso, rescribas. » Ad priorem epistolam S. Hildegardis apta rescripsit ad pascendum gregem monita, ut etiam ad secundani.

**127.** Abbas Bosonis-villæ in Lotharingia, cum ob turbas in cœnobia suo ortas infamia laboraret cum monachis, ad S. Hildegardem scribens (ep. 69) flagitat super hoc « aliquod consolationis verbum, » et preces, quibus reconcilientur « Deo et hominibus. » Rescribens S. Hildegardis, cœnobii illius statum exponit, et ad emendationem hortatur. Nicolaus, abbas Halesbrunnensis (*Trithemio in Heilsbronn*), insinuans (ep. 71) se solitum S. Hildegardem subinde visitare, litteras, quibus præmoneatur petit, ac preces, quibus a malo eripiatur. Rescribit Sancta, ipsius intentionem laudans, ipsumque ad laborem adhortans. Addit alia quædam obscuriora. Hanc sequitur epistola (ep. 72) quinque simul abbatum ordinis Cisterciensis, ac diœcesis Bisontinæ, videlicet Bellæ-vallis, Cari-loci, Clari-fontis, Charitatis et Bethaniæ. Hi duo diversa petunt, Sanctam prius magnifico elogio ornantes. Primum sic exprimunt: « Quatenus aliqua nobis de nostro statu divinitus vobis revelari, nobisque insinuare curetis, humillime depositimus. » Alterum hoc modo: « Sed hæc mulier præsentium latræ, semina nobilis est, et cujusdam amantissimi viri uxor est. Hæc devotione multa venit ad te humilis et pedestris, cum in equis et multo comitatu possit venire. Causa autem hæc est adventus ejus. Jam multo tempore sterilis permanxit, cum tamen primum pueros generavit; sed illis mortuis, et alios non gignens, dolore vehementi afficiuntur ipsa et maritus ejus. Hinc est, quod ad te ancillam et familiarem Christi consugit, habens fiduciam, quod meritis et orationibus tuis obtineas apud Deum, ut possit adhuc secundari, et benedictum fructum ventris in prolis procreatione exhibere Christo, » etc. Ad primum S. Hildegardis cum laude illorum abbatum egregia reposuit monita et documenta. Ad secundum ita respondit: « Quod vero matronam Dei adjutorio secundari petitis, hoc in Dei voluntate et potestate est; quia ipse novit, ubi prolem concedat, ubi prolem auferat... Ego enim, quoniam rogasti, pro

ipsa Deum orabo; sed ipse faciat, quod inde pie et misericorditer fieri disposuit.

128. Abbas Eberburda, extra Germaniam positus, forsan Averbodiensis in Brabantia, cum bujus abbatia nomen Belgicum et Gallicum utcunque cum *Eberbude* consonet, epistola satis prolixa, et elogii plena (ep. 73), preces S. Hildegardis postulat. Hæc contra hortatur ut gregem suum diligenter pascat, et in se etiam oculos deflectat. Alius abbas (ep. 75), qui frequenter coram egerat cum S. Hildegarde, quam cum antiquis prophetis comparat, petit « verba consolationis, » quibus « in procellis fluctuantem erigat. » Illa vero per varias figuras ipsum hortatur ad strenue vigilandum, « antequam, inquit, umbra obitus tui appropinquet. » Præpositus de Flanheim « tunc Regularium, » ait Trithemius, diœcesis Moguntinæ, ita preces suas S. Hildegardi proponit (ep. 76). « Interim igitur accepta sit vobis, quæso, devotio mea: et, sicut dudum verbo rogavi, orate pro me ad Dominum, ut vobis revelet, quæ circa me sunt, » etc. Monet Sancta ut strenue vigilet, et ovile suum corripiat, hæc in fine addens: « O bone miles, nunc surge, quia gratia Dei ad te currit, et in æternum vives, ita quod vivens lapis sis in coelesti Jerusalem. » Prælatus monachorum in Elvesiat conqueritur (ep. 79) de non accepto ad litteras suas responso, et preces S. Hildegardis postulat. Hæc vero rescribens, videtur in illo aliquid scrupuli improbare, Namque hortari ad sacrificandum, dicens: « Tu habes fiduciam cogitando in Filium Dei: sed tamen dubitas cibum illum frangere, quem ipse comedere vis in dictante mente tua » etc.

1.9. Prælatus in Selboth, in diœcesi olim Moguntina, magnis elogii S. Hildegardem celebrans, non modo preces enixe flagitat (ep. 80): sed etiam hæc addit: « nec de hoc ambigo, quin omnem statum meum, et omnia qua circa me aguntur, præterita, præsentia et futura, per præsentes litteras, ipso revelante, cognoscas. Unde, si ullo modo vilitas parvitatis meæ id petere præsumit, pedibus sanctitatis tue totu animo et corpore submissus deprecor, ut pro eodem statu meo, sive admonendo de præteritis atque præsentibus, sive præmonendo et cautum faciendo de futuris, et viæ meæ fine, si id contrarium tibi non sit, per scripta tua animam meam lœtificare ne dedigneris. » Respondit S. Hildegardis ad petita, non tam ad omnia. Humilitatem vero ipsi maxime necessariam esse insinuat, et hanc addit rationem: « Quia Deus non habitat in illo habitaculo quod in se ipso stare vult, sed amat domum illam quæ se nescit, et dat illi unguentum optimum. » Præpositus in Herde (ep. 81) ita ad Sanctam scribit: « Quas gratiarum actiones, Domina et Mater sanctissima, vestræ condigne referre poterimus pietati, quæ ad visitationem nostri monasterii, nec imbecillitatem nimiam corporis vestri atteudere voluistis, nec difficultatem itineris præuimia cordis vestri dulcedine abhorruistis: et rur-

A sum literata visitatione nos lœtificare studiustis. » Deinde preces flagitat et « rescripta. » Rescribens S. Hildegardis hortatur ut in loco suo stet, ac si petiisset consilium de loco mutando, quod præsens fortasse fecerat.

B 150. Præpositus Augustinianorum Hameliensis in ducatu Brunswicensi, qui S. Hildegardem aliquando inviserat, diuturna corporis infirmitate fatigatus, preces et scripta Sanctæ postulat (ep. 82). Et hoc adjicit: « Finem laborum, si licet, Sanctissima, ut remandas, imploro. » Reposuit Sancta instructionem et adhortationem ad corporis infirmitates fortius et constantius tolerandas; sed laborum finem non memorat. Abbas in Wadeo (apud Triethemium in Wadeos). Wadeotiensi designatur seu Vadegotiensis, ordinis Præmonstratensis in diœcesi Trevirensi) vehementer Sanctam videre desiderans, visitationem ipsius flagitat (ep. 83), saltem scripto et precibus, si nequit præsenzia corporali. « Misit illa scriptam epistolam, qua hortatur ad cautelam et penitentiam. Sic præpositus in Underrestorf (Triethemio in Elversdorff) brevi epistola (ep. 84) auxilium consolationis a S. Hildegarde petens, responsu ipsius monetur ut Deum timeat, in ovibus pascendis fortitudinem adhibeat, et candorem in verbis. Præpositus Erfordiensis in Thuringia commendat « familiarem » suum (ep. 90), « amore Dei, proficiscentem ad S. Hildegardein, cuius etiam preces flagitat. Rescripsit S. Hildegardis salutaria monita, inter alia dicens: « Cessa a peccatis tuis, quoniam Deus non vendidit te in perditione, sed requirit te in perdita ove, quæ revocata est ad vitam. » Hartmannus præpositus ecclesie metropolitanae Moguntinæ postulat doceri (ep. 91) quid in se Deo displiceat, et quomodo illud emendare possit. Reposuit Sancta monitionem, ut sugeret duplicitatem, et alia quædam vitia, ita finiens: « Nunc autem ora et confide, quod Deus non dereliquerat te, et aurora cito ad te procedet in liberatione. »

151. Heldericus, præpositus S. Simeonis Trevensis, preces S. Hildegardis flagitat (ep. 92), eamque insigni celebret elogio. Reposuit Sancta hortationem seriam, ad « rubiginem peccatorum abstergendum, antequam umbra mortis superveniat. » Præpositus in Kneihstede, ordinis Præmonstratensis in diœcesi Coloniensi, multum de Sancta confidens (ep. 93), querit « remedium consolationis, » cupitque doceri, « quo ordine magis placare possit offensam divinæ majestatis. » Rescribens Sancta hortatur ad magnam de Dei ope fiduciam. « Tu etiam, inquit, in ipsum confide, ita quod omnia opera tua ante eum ponere non erubescas, et dic, sicut filius patri suo dicit, cum delinquens corripitur, quod prolis suæ in ipso non obliscatur. » Præpositus Bonnensis (ep. 94) mirum in Sanctam declarat amorem, quia, ut dicit, ipse probaverat omnia quæ ante de ipsa per famam audiverat. Respondens S. Hildegardis, egregiam mittit instructionem, hortans maximè ad mundi contemptum.

**132.** Abbatissæ quoque complures ad S. Hildegardis recurrerunt, ut preces, consolationem, monita salutaria, aliaque similia ab ipsa impetrarent. Inter has prima occurrit Hadelheidis, abbatissa Ganderheimensis (ep. 96), in ducatu Brunswicensi, olim Sanctæ discipula, quæ suum declarat affectum, preces pro se et pro grege suo petit, venturam se « expedito tempore » ad Sanctam promittit, « ut ore, inquit, ad os loquamur, manu ad manum, quod bonum est, operemur; sicutque antiqua stabilitur societas, quam in nobis confirmet Deus caritas. » Rescribens S. Hildegardis, hortatur, ut uni Deo constanter servial. Altera abbatissa loci non nominati preces similiter postulat, et « consolationis litteras (ep. 97). » Hanc Sancta respondens hortatur ad constantiam, et fiduciam de Deo. Abbatissa in B Wethderswinkel (Trithemio in *Weckerswinkel*, legendum in *Wechterswinkel*), eratque ordinis Cisterciensis in diœcesi Herbipolensi) cupit assumi in filiarum S. Hildegardis numerum (ep. 98), petique ipsius orationes, et « litteras commonitorias, quas, inquit, pro Dei amore libenti animo semper observabo. » Huic Sancta sic respondet : « Vivens Lux dicit: Aridum sabulum innile est, et terra quæ per aratum nimis frangitur, rectum fructum non dabit... Et sicca terra quæ saxosa est, germinat spinas atque alias inutiles herbas. Sic incongrua abstinentia, quæ non habet justum modum et rectum statum, prosternit carnem hominis, quia non datur ei viriditas justæ refectionis : unde etiam homo arescit, » etc. Tota epistola pergit idem argumentum pulchre tractare. Abbatissa de Altena (ep. 99) queritur de non acceptis diu litteris, easque petit. Respondet Sancta per varias parabolas, quibus hortatur ad fortiter Deo serviendum.

**133.** Abbatissa S. Mariae Ratisbonensis (ep. 102) sibi multum gratulatur de notitia S. Hildegardis, quam sibi suisce saluti declarat, imo et meritis ipsius, « in articulum mortis ruentem, » se servantam insinuat. Sancta vero ipsam hortatur ad patientiam, monetque ut ab ira caveat. Abbatissa in Koufungim (Trithemio in *Kessungen*) hæc ad S. Hildegardem scribit (ep. 103) : « Celebre factum est in ore omnium voluinen illud volans, quod prophetæ datum est in escam, in tuo quoque ore.... requiesce... Discurse autem, festina, excita Ecclesiam, imo principes Ecclesiæ... Virgam enim ab Aquilone super iniquitatem vigilantem te vidiisse, et gaudeamus et contremiscimus : unde et litteras tuas consolatorias recipere desideramus » etc. Ad hæc nihil respondit S. Hildegardis, sed serio monet abbatissam de vita emendanda ante mortem, quam non longe abesse predicit. « In spiritu, inquit, veraciter tibi dico : animam tuam custodi.... Hoc ante diem mortis facito... » Abbatissa in Gerbestethde (apud Trithemium in *Gerbstedde*) preces S. Hildegardis flagitat (ep. 104). « Præterea rogo, inquit, ut aliquid uahi de libris vestris transmittatis, omni devotione scilicet degervendum. » Rescriptsit Sancta disserens

A de lapsu Adami, et de Incarnatione Christi, qui hominem lapsum reparavit.

**134.** Abbatissa Montis S. Cyriaci prope Erphordiam (ep. 105) enixe pro se suisque flagitat preces S. Hildegardis. Hæc vero prædictæ abbatissæ charitatem non parum laudat, sed in ea requirit mentem magis quietam. « Omnia, inquit, quæ pro anima tua poscis, implebo. Nunc cessa de inquieta mente, et quietem tibi assume. » Monet etiam, ne corpus nimia abstinentia frangat. Demum in fine hanc dat consolationem : « Video animam tuam valde rutilantem in puro homine. » Abbatissa in Lubboldesberge (apud Trithemium in *Lubbelsberg*) (ep. 106) consolationem afficta querit ; et hauc abunde obtinuit. Nam S. Hildegardis, laudans ipsam, quod abstineret a peccatis, hæc subdit : « Unde video te sicut rutilantem fulgorem solis per inspirationem Spiritus sancti, nec omnino exsilium perditionis; sed aspiciens ad solem sicut aquilam per poenitentiam, quæ dulcissima mater est : et ideo Deus valde amat te. » Abbatissa alia loci non expressi (ep. 106) queritur, multum se affligi et periclitari « temptationibus malorum spirituum. » Reposuit Sancta monitionem egregiam.

**135.** Abbatissa Bambergensis (ep. 110) cupit « in consortium fraternitatis » a S. Hildegarde recipi, et « commonitoris litteris » confirmari. Rescribens Sancta ipsam hortatur ad laborandum apud populum, et ad filias suas sub disciplina constitutas. Abbatissa Veteris-monasterii Moguntini (ep. 111) ita S. Hildegardem alloquitur : « Si aliquantulum, Domina mea, de infirmitate vestra convaluisis, gaudeo : sin autem, ex animo condoleo. » Preces insuper petit, et litteras. Respondet Sancta : « Voluntas Dei quasi in signo mortis me straverat, velut anima mea de hoc ~~seculo~~ suspiraret : sed gratia Dei aliquantulum me in novo dono nunc erexit. » Addit, Deo gratum esse commiserationis affectum, ipsamque hortatur ad constantiam in Dei servitio. Abbatissa Nussimensis (Trithemio in *Nus sia*) multum sollicita, « causam animæ » suæ se S. Hildegardi pernittere scribit (ep. 113), et rescripta petit. Hanc Sancta ad poenitentiam hortatur, et ad bona opera, priusquam moriatur, facienda. Abbatissa Coloniensis (ep. 114) ad S. Hildegardem, quam habere matrem cnpiebat, filiæ instar scribit, ut ab ea consolationem obtineat. Reposuit Sancta instructionem brevem, ut constans esset in bonis. Abbatissa de Didenkirkim (apud Trithemium in *Didenkirchen*) juxta Bonnam, quam Sancta ante inviserat, enixe rogat (ep. 115), « commonitoria verba. » Rescriptsit S. Hildegardis instructionem satis prolixam ad recte regendum, et ad mores suos corrigendum.

**136.** Abbatissa Auturnacensis (apud Trithemium prope *Andernach* (ep. 116) varia inquirit de consuetudinibus monasterii S. Hildegardis, quarum quod novæ viderentur, reverenter rationem petit abbatissa, aliquot etiam Scripturæ textus objiciens.

Rescripsit S. Hildegardis epistolam prolixam, in qua rationes reddit de ornato monialium suarum, et de instituto suo recipiendi solas nobiles, prout ibidem videri poterit. Abbatissa de Crouchdal [Cruddental] (alia verisimiliter, quam cuius epistolam memoravi num. 84, cum in altera H. nomen indicet, in altera A.) (ep. 117) magno studio flagitat, ut S. Hildegardis indicet, quo modo « pro excessibus suis Deum placare possit. Rescripsit Sancta longam instructionem, in qua multas virtutes commendat, maxime charitatem, obedientiam et humilitatem.

157. Sanctimonialis quædam, littera G. nomen suum indicans (ep. 118), olim discipula S. Hildegardis, sed diu ab illa et longe remota, verisimiliter quia ad aliquam dignitatem erat promota, suum in Sanctam amorem declarat his verbis: « Quid scribam vel quid dicam tam unicæ tamque in Christo dilectissimæ Matri, » etc. Subjungit spem suam de ea adhuc videnda, et preces enixe flagitat. Ad hæc Hildegardis magna cum laude et consolatione illius virginis respondet, circa finem sic eam alloquens: « Nunc autem de te gaudeo, quia iu te completa sunt, quæ de te audivi et desideravi, et tu mecum gaude... » Et concludens: « Gaude igitur et latere in Deo tuo, quoniam in æternum vives. » Aliquis anonymus (ep. 120) multum se excusat, et veniam petit, quod Sanctam diu non visitasset, ne litteris quidem: et miram ipsius affabilitatem simul exprimit. Remisit Sancta brevem instructionem, qua hortatur ad mundi contemptum. Monachus quidam Benedictinus (ep. 121) flagitat preces, et « litteras correptionis. » Rescribens S. Hildegardis, desideria ipsius bona laudat, ipsumque instruit, ut sint priuoria, ipseque sit fortis.

158. Alius anonymus (ep. 122) preces S. Hildegardis flagitat his verbis: « Cognosco me peccasse, orate pro me. Non quæro terrenum lucrum, non rei transitoriam, sed gratiam Dei mei, et salutem animæ meæ. Succurrite mihi, » etc. Respondit Sancta hortando ad pœnitentiam, cuius quinque gradus assignantur. Quidam frater (ep. 126) queritur, peccatis se gravatus, et « blasphemias spiritu » circumvallatum. Huic S. Hildegardis instructionem remittit, in qua dicit: « Unde et homo, qui per scientiam boni et mali se multum peccasse recordatur, cum ad Deum suspirat, denuo per pœnitentiam in Deo renascitur. » Decanus S. Martini Moguntini, cupiens videre iterum S. Hildegardem, magno cum affectu (ep. 129) litteras ipsius petit, quibus consolationem obtineat. At illa utilia magis, quam blanda, rescribere solita, serio hortatur ad pœnitentiam. Alius cuidam congregationi prefectus (ep. 130) se suamque congregationem precibus S. Hildegardis multum commendat. Hæc vero rescribens, docet variis similitudinibus, a quibus in regimine suorum cavere debet. Monachus quidem Mullenbrunnensis [al. Mullenbrunnensis] (ep. 131) petit a S. Hildegarde, ut sibi mittat « aliquid de cœlesti admonitione. Mi-

A sit reversa ad ipsum Sancta elegantem instructio-  
neum, qua egregie docet, illos, quos præteri-  
torum peccatorum poenitet, et qui se emendare  
student, benigne recipi a cœlesti Patre fami-  
lias, non vero tædiosos, qui contra superiores  
suos obmurmurare volunt magis quam se emen-  
dere.

159. Monachus Ebrensis, ordinis Cisterciensis, bumillimis litteris (ep. 132) orationes et verba conso-  
lationis a S. Hildegarde petens, responsum accep-  
pit, cuius hoc est initium: « Video quod Deus fa-  
ciem suam a te non abscondit, sed cum Iagellis  
suis te constringit, sicut ipsi placet. Item in ani-  
mam tuam, et in gaudium corporis magnum lumen  
consolationis Dei venturum video, cum ipse volue-  
rit. » Addit alia similia; sed monet ut quædam in-  
utilia fugiat. Monachus quidam et presbyter (ep. 133)  
multum sibi gratuitatur, quod benevolè a S. Hilde-  
garde suisset exceptus, petitque sequentia: « De  
cæteris, inquit, quæ vobiscum secretius contuli, cum  
opportunum fuerit, scriptis me certificare curabitis. » Rescribit Sancta pulchram parabolam de tri-  
bus mulieribus, quam lector inveniet in hac epi-  
stola.

#### § X. Epistolæ quædam S. Hildegardis ad Philippum abbatem Parcensem, et hujus ad ipsam ex ms.: gesta cum S. Gerlaco: aliæ epistolæ serius ad Sanctam datæ cum responsis ejusdem.

140-145. Joannes Masius, abbas Parcensis, ordi-  
nis Prémonstratensis, prope Lovanium, anno 1641  
ad Bollandum transmisit tres epistolæ S. Hilde-  
gardis ad Philippum abbatem Parcensem, et unam  
Philippi ad Hildegardem, quam aliquando inviserat.  
Cum autem duo abbates Parcenses contemporanei  
fuerint S. Hildegardi, qui ambo Philippi nomen  
habuerunt, merito dubitarem utrum primus an se-  
cundus fuerit Philippus qui illud litterarum com-  
merciū cum Sancta habuit, nisi epistolis addita  
esset hec adnotatio: « Fuit iste Philippus secundus  
abbas Parcensis ab anno Christi 1142 usque ad an-  
num 1165, vir non tantum multum pius, sed et  
doctus. Unde plurimos libros suo tempore in per-  
gameno exscribi curavit, qui adhuc modo extant. »  
Inter hos numerantur *Visiones S. Hildegardis*. Fuit  
ille Philippus primus, sed inter abbates secundus,  
cui post breve alterius regimen Philippus II succes-  
sit, ut hic æque ac primus a S. Hildegarde litteras  
accipere potuerit. De epistolis porro huc missis tale  
testimonium dedit ipse Masius: « Copiae supra po-  
sitariū epistolarum R. D. Philippi abbatis Parcen-  
sis ad S. Hildegardem, et S. Hildegardis ad ipsum  
R. D. Philippum, sunt extractæ et exscriptæ ex au-  
tiquissimo codice bibliothecæ nostræ Parcensis, et  
de verbis ad verbum cum originalibus convenienti.  
Quod testor bac x Octob. 1641. JOANNES MASIUS ab-  
bas Parcensis. » (Epistolæ supradictæ existant nunc in  
libro epistolarum S. Hildegardis ordine 56, 57,  
58, 59.)

**146.** Cum autem versemur in Belgio, habet hoc loco referre quid S. Hildegardi intercesserit commercii cum S. Gerlaco eremita, qui ipsius tempore vitam valde austeraam duxit in ducatu Limburgensi, duobus fere milliaribus Belgicis a civitate Trajetensi, et in hodierna dioecesi Rurmundensi, ubi modo est cenobium virginum ordinis Praemonstratensis, *Sanctus Gerlacus* dictum. Auctor Vitæ S. Gerlaci, datæ ad 5 Januarii, cap. 8, ad propositum nostrum scribit sequentia : « Erat eo tempore in partibus Maguntiæ virgo quædam sanctissima, Hildegardis nomine, famosissima illa prophetissa Novi Testamenti, cum qua familiariter locutus est Dens, et ostendit ei secreta cœlestia. Hæc per manus sancte memorias domini Henrici Maguntinensis archiepiscopi sacro velamine Domino consecrata, eum nullis litteris, nisi tantum Psalmis Davidicis esset erudita, per Spiritum sanctum edocita, de divinis oraculis et sacramentis sibi revelatis grandia edidit volumina.... Hæc per multa temporum curricula doctrinæ salutaris lampade sanctam Ecclesiam illuminavit, epistolis ad diversas personas missis corroboravit, et claris miraculis illustravit.

**147.** « Hæc igitur Christi sponsa, dum Regem et Dominum dominantium sedente in throno more solito in vera videret visione, et assistentium ei sanctorum distinctos ordines et choros lustrando circumiret, inter confessorum splendidissimum chorum sedem conspexit lucidissimam, inestimabili decoro circumdatam, et mirifice adornatam. Et videns, vehementer super hoc admirata, didicit divino edocita oraculo, hanc gloriam et honorem sancto præparatam esse Gerlaco, qui S. Servatium quotidiana peregrinatione frequentaret in Trajecto. Hac revelatione virgo Domini de meritis B. Gerlaci certificata, lo' a in ejus sacrum amorem succensa flagravit; et in signum perpetuæ, quam cum eo quandoque perceptura erat, societatis et felicitatis, coronam, qua in die consecrationis suæ ab episcopo coronata est, ei transmisit: quæ hujus rei testis, devote nunc usque in ecclesia nostra conservatur. » Hæc auctor anonymous quidem, sed S. Gerlaco et magis Hildegardi suppar, cum cap. 16 narrat se egisse cum aliquo sene qui S. Gerlacum viventem cognoverat.

**148.** Supersunt aliquæ illustrium virorum epistole, necdum memoratae, quas in hunc locum distuli, quia date sunt posterioribus S. Hildegardis auctis, ut ex his perspiciat studiosus lector insignem sanctitatis et sapientiae cœlestis famam, qua circa annum 1148 Sancta inclarescere coepit, usque ad obitum ejus continuatam esse. Rudolfus, alias Rodulfus episcopus Leodiensis ab anno 1168 usque ad 1191, ad S. Hildegardem scribit (ep. 19), « in maxima inenitatis et corporis fluctuatione constitutus, » quia, ut fateatur, et alii scriptores consentiunt, « innumeris malis » Deum offenderat. Petit autem preces et rescripta Sanctæ « ad excitandam somnolentiam, » in

A qua erat, et « ut vel ultimam æternæ quietis sortitur mansionem. » Rescripsit S. Hildegardis, hortando ad vitam bonam, et ad curam animarum, finisque epistolam his verbis : « Deus te protegat, et animam tuam de æterna poena liberet. »

**149.** Godefridus episcopus Ultrajectinus (ep. 20) suum erga S. Hildegardem affectum declarat his verbis : « Soror charissima, ex quo primo te coxi in Christi charitate diligere, nunquam memoria tua, super mel et favum dulcis, in animo meo potuit excidere, » etc. Reposuit S. Hildegardis adhortationem seriam et satis claram.

**150.** Episcopus Pragensis, cuius nomen littera II innuitur, ad sanctam etiam scripsit (ep. 21). Fuerit fortasse Henricus qui episcopatum Pragensem adepatus certe non est, nisi sub finem vite S. Hildegardis: nam huic nullus alias Pragensium episcopus convixit cum illo nominis initio. Quisquis fuerit, ad Sanctam scribit postulans, ut orationibus suis subveniat, et « bona consilia » porrigit. Remisit S. Hildegardis monitionem seriam, qua hortatur ad majorem in virtute constantiam, cum in prosperis tum in adversis.

**151.** Arnolitus I, ab anno circiter 1170 archiepiscopus Trevirensis, suum erga S. Hildegardem affectum per litteras (ep. 24) gratiouse declarat, testaturque ad episcopatum se promotum esse contra voluntatem suam. Hac igitur de re Sanctam consultit. Rogat etiam de energumena in Monte S. Ruperti liberata, de qua postmodum agam. Nunc vero quid ad alia responderit Sancta, audiamus. Orditur illa hoc modo : « Tu arbor es a Deo constitutus, quemadmodum Paulus dicit : Omnis potestas a Deo est (*Rom. xiii. 1*); quia secundum summum Magistrum per invocationem nominis sui omnis potestas nominata est. » Deinde incipit salutaria dare documenta, serioque monet, ut caveat a superbia, a cupiditate divitiarum, ab injustitia, a vanitate, ac ut virtutes amplectatur statui suo congruas.

**152.** Philippus, archiepiscopus Coloniensis, (ep. 25) Sanctam Hildegardem per litteras laudat ut « perfusam divini charismatis munere, » et « in celo conversantem; » petitiq; « ex occulتو Dei » inquirat, sibique « communitoria verba, prout Deus... donaverit, » transmittat. Paruit S. Hildegardis, misitque adhortationem satis claram.

**153.** Philippus Alsatius, Flandriæ comes, ad S. Hildegardem hæc scribit (ep. 28) : « Vestra noverit Sanctitas, me paratum esse ad faciendum, quidquid scienciam vobis placere,... cum ego tamen multo libertius ad vos venissem, et vobis locutus fuisset... sed... ad hæc vacare non poteram. Instat enim jam tempus, quo aggredi debeam iter Hierosolymitanum,... super quo consilium vestrum mibi intimare dignemini per litteras vestras. » Postulat insuper preces S. Hildegardis, consiliumque, utrum manere potius debeat in Terra Sancta, an post ex-

peditionem susceptam reverti ad suos. Rescripsit Sancta ad comitem instructionem qua ipsum maxime hortatur ad justitiam.

**§ XI.** Sancta monasterium suum omni onere liberat : energumena ibi liberata : ob sepulturam cuiusdam olim excommunicati 'Sanctæ ecclesia interdicto subjecta.

**454.** Acta num. 9 et 10 testantur S. Hildegardem, Deo jubente, effecisse ut monasterium suum in Monte S. Ruperti careret omni onere, et ut nullum jus pro re temporali in illud haberet abbatia S. Disibodi ; pro directione vero secundum Regulam S. Benedicti non aliter dictæ abbatiæ subisset, quam quod religiosæ virgines ex illa abbacia directores et præpositos suos libera electione assumerent. De hisce S. Hildegardis in opusculo ad congregationem sororum suarum, post epistolas impresso, sic loquitur : « O filiæ, quæ vestigia Christi in amore castitatis subsecutæ estis, et quæ me pauperculam in humilitate subjectionis propter supernam exaltationem vobis in matrem elegistis, non ex me, sed ex divina ostensione per materna viscera vobis dico : Locum istum, videlicet locum requietionis reliquiarum beati Roberti confessoris, ad cuius patrocinium consurgistis, inveni in evidenteribus miraculis per voluntatem Dei in sacrificium laudis, et in permissione magistrorum meorum ad ipsum perveni, et eum mihi et omnibus me subsequentibus cum divino adjutorio libere attraxi. » Hæc initio fundationis facta sunt, probante et confirmante Henrico archiepiscopo Moguntino. Nam ab hoc fundationem confirmataam testatur Vita, sum. 10.

**455-456.** Quod vero adjungit ibi biographus, ab Arnoldo etiam archiepiscopo, qui anno 1153 Henrico successit, omnia fuisse confirmata, factum existimo, postquam abbas S. Disibodi aliquid juris attribueret sibi voluerat in bona monasterii S. Ruperti. Nam tunc S. Hildegardis, jubente et per morbum cogente Deo, fecit ea quæ pergit narrare loco supra laudato : « Postea autem per admonitionem Dei ad Montem B. Disibodi, a quo per licentiam secesseram, perrexii ; » etc. Hæc facta sunt, ut jam dixi, tempore Arnoldi archiepiscopi Moguntini, qui præfuit ab anno 1153 usque ad 1160. Porro videtur S. Hildegardis, quando hæc scribebat, in spiritu prævidisse dissensiones in monasterio suo orituras. Nam satis insinuat, post obitum suum fore, ut non eodem modo floreret, solliciteque monet filias suas, ut a discordiis caveant. Verba Sanctæ subjungo : « Sed o quam magnum planctum hæ filiæ meæ post obitum Matris suæ habebunt, quoniam verba ejusdem Matris suæ amplius non augent ; et sic in gemitu et luctu per plurima tempora cum lacrymis dicent : Heu, heu ! » etc.

**457-458.** Non invenio ullam deinde difficultatem S. Hildegardi creatam fuisse de possessione libera bonorum temporalium. Verum abbas S. Disibodi, sive Helingerus iste fuerit, sive Helingeri successor,

A qnod edicere nequer, difficultatem movit, contra liberam electionem præpositi seu directoris. Scripsit ea de re S. Hildegardis ad Alexandrum III papam (ep. 4), durante alhuc schismate, ita ut controversia illa certo sigenda sit inter annum 1159, quo Alexander III electus, et schisma inchoatum, ac inter annum 1177, quo Fredericus imperator cum suis Alexandro se subjecit, et schisma finivit. Existimatum tamen rem contigisse aut post annum 1170, aut non diu ante illum annum, cum qnod S. Hildegardis in epistola sua dicat, Ecclesiam dix schismate laborasse, tum quod in scripto mox memorato, quod composuit, dum septuaginta erat annorum, id est circa annum 1168, nullam de illa controversia faciat mentionem. His breviter de tempore observatis, audiamus controversiani ipsam ex epistola S. Hildegardis ad Alexandrum III, quem alloquitur hoc modo : « Nunc, o mitissime Pater..., in magna tristitia sumus, eo qnod abbas de Monte S. Disibodi et fratres ejus privilegiis et electioni nostræ contradicunt, quam semper habuimus... Unde, domine mi, propter Dominum adjuva nos, ut vel electionem nostram obtineamus, vel alios, ubi possimus, qui nos secundum Deum et utilitatem nostram procurent, libere quæramus et accipiamus, » etc. Obtinuit Sancta quod cupiebat. Alexander tamen ad ipsam non rescripsit, sed ad Wezelinum præpositum S. Andreæ Coloniensis (resp. ad ep. 4). Verisimile est abbatem S. Disibodi maluisse consentire electioni jam factæ, quam permittere ut præpositus ex alio cœnobio eligeretur.

**459.** Porro occasione epistolæ S. Hildegardis ad Alexandrum observo Sanctam in schismate adhæsisse Alexandro legitimo pontifici, etiamsi archiepiscopatus Moguntinus tunc occupatus esset a Christiano, qui antipapæ et Frederico imperatori adhærebat, sed deinde Alexandro se submisit. De legitimu autem Alexandri pontificatu mentem suam in ipso epistolæ initio sic declarat Sancta : « O summa et gloria persona, qua primum constituta es per Verbum Dei. » Eundem deinde hortatur ut facilem se præbeat in venia schismaticis concedenda, si pœnitent. Hæc epistola, opinor, occasionem erroris præbuit Trithemio, qui in *Chronico Hirsaugienri*, ad annum 1150, Alexandrum III ponit inter illos qui ad S. Hildegardem scripserunt, nisi Alexander revera ad ipsam scripserit, et epistola non sit edita.

**460.** Vita lib. III, cap. II, longam resert historiam de quadam muliere nobili quæ multis annis a dæmonie fuerat obsessa, ductaque ad varia loca sanctorum celebrata patrocinio, nec tamen in illo liberata, antequam venit ad monasterium S. Hildegardis, ubi dæmon mulierem tandem reliquit. Contigit hæc liberatio circa annum 1170, ut colligo ex epistola Arnaldi archiepiscopi Trevirensis (ep. 24), num. 451 memorata. Nam scripsit Arnaldus ad Sanctam, quando non electus erat archiepiscopus (electionem Arnaldi agunt alii anno 1169, alii

1170, quod exactius investigare non est necesse), et de liberatione illius energumene, tanquam de recenti Sanctam interrogat his verbis : « Et scimus quod Deus in loco sancto suo apud vos salutem operatus, obsessam misericorditer liberando, visitaverit plebem suam. Unde, ut modum liberationis obsessa nobis rescribat, ... attentissime rogamus. » Ad hanc S. Hildegardis ita respondit : « In illa autem quae obsessa fuit, multa mirabilia vidimus, quae modo per scripta proferre non possumus : sed cognovimus, quod diabolus afflatus de die in diem usque ad recessum suum defecit : et eadem mulier a fatigione diaboli liberata est : et etiata infirmata, quam ante in se non cognovit, tunc occupata est. Sed nunc vires tam corporis quam animae plena sanitate recepit. »

161. Mulier illa videtur suisse Coloniensis, dictaque Sigewize. Certe decanus ecclesiae Coloniensis Sanctorum Apostolorum ipsam optime noverat, et pro filia habebat, ut discimus ex ipsius ad S. Hildegardem epistola (ep. 50), in qua haec scribit : « Ex die qua nobis innotuit, quod sororem, imo filiam nostram specialem, dominam Sigewizen, in vestrae Beatitudinis consortium collegisti, non solum nos, imo universa Coloniensium civitas, nutu Dei ad pietatis amorem succensa est. Inde est, quod iam manifeste per omnes terminos terrae nostrae a concilio proclamatur : Ecce odor dominarum de S. Roberto, sicut odor agri pleni, cui benedixit Dominus. Benedicta iraque sitis a Domino, » etc.

162. Humillime respondit Sancta, multorum simul bonis operibus ejectionem dæmonis attribuens, et sic ordiens : « Deus opus suum fecit, sed illud uno modo non constituit. » Deinde docet Deum varia variorum bona opera ad unum finem dirigere. Haec leta sane erant; sed modo alia referant quae non potuerunt non gravissimum Sanctæ dolorem creare.

163. Tempore schismatis duo erant de archiepiscopatu Moguntino contendentes, alter nimurum legitimus, et adhærens Alexandro III papæ, erat Conradus; alter vero Christianus per Fredericum imperatorem intrusus, qui tamen archiepiscopatum postea retinuit, nam anno 1177, quando pax inita est inter Alexandrum et Fredericum, cedente Conrado, Christianus ab Alexandro papa confirmatus est, ita ut ab eo tempore legitimus fuerit archiepiscopus Moguntinus, et cum Alexandro III conjunctissimus. Mansit autem Christianus in Italia aliquot annis post pacem initam, et interfuit concilio Lateranensi, quod inchoatum est anno 1179, die 2 Martii. Ante illud concilium, verisimiliter anno 1178, juvenis aliquis, qui antea fuerat excommunicatus, sed dudum absolutus, in cœmeterio S. Hildegardis fuit sepultus. Hac de causa prælati Moguntini, qui pro absente archiepiscopo ecclesiam illam administrabant, mandatum miserunt S. Hildegardi ut corpus illud juberet exhumari, vel abstineret a divinis in ecclesia sua celebrandis. Quo-

A modo mandatum illud excepterit Sancta, exponit in scripto, inter epistolulas edito (ep. 47), quod hunc habet titulum : « Ad prælatos Moguntinenses propter divina per illos interdicta. » Illud scriptum sic inchoatur : « In visione quæ animæ meæ, antequam nata procederem, a Deo opifice inflata est, coacta sum ad scribendum ista, pro ligatura, qua a magistris nostris alligatae sumus propter quemdam mortuum, conductu sacerdotii sui apud nos sine columnia sepultum. »

164. Quem post paucos sepelitionis suæ dies cum eundem magistri nostri nos a cœmeterio nostro ejicere jussissent, ex hoc non minimo terrore corræpta, ad verum Lumen, ut solita, aspexi, et vigilantis oculis in anima mea vidi, quod, si juxta

B præceptum ipsorum corpus ejusdem mortui efferratur, ejectio illa in modum magnæ nigredinis ingens periculum loco nostro minaretur, et in similitudine astræ nubis, quæ ante tempestates et tonitrua apparere solet, nos circumvallaret. Unde corpus ejusdem defuncti, utpote confessi, inuncti, et communicati, et sine contradictione sepulti, nec efferre præsumimus, nec consilio seu præcepto istud suadentium vel jubentium acquieciimus, non consilium proborum hominum, aut prælatorum nostrorum omnino parvipendentes : sed ne Sacramentis Christi, quibus ille vivens adhuc munitus fuerat, injuriam saevitatem seminea facere videmur. » In examine de miraculis, infra dando, num. 6, dicitur ille *injuste* fuisse excommunicatus, ut suspicio oriatur, excommunicatum suisse tempore schismatis, et fortasse quia defendebat partes Alexandri III, legiti pontificis. Additur ibidem de S. Hildegarde, quando ejiciendus erat ille sepultus : « Ipsa tumulum ejus baculo suo signo crucis signavit, et sic sepulcrum ejusdem adhuc non poterat inveniri. »

165. Redeo ad scriptum S. Hildegardis, quæ pergit hoc modo : « Sed ne ex toto inobedientes existemus, a divinarum laudum canticis hactenus secundum eorum interdictum cessavimus, et a participatione Domini Corporis (quoniam per singulos fere menses ex consuetudine frequentavimus) abstinuimus. Super quo dum magna amaritudine tam ego quam omnes sorores meæ affligeremur, et ingenti tristitia detineremur, magno tandem pondere compressa, verba ista in visione audivi : « Propter verba humana, sacramenta indumenti [i. e. corporis] Verbi mei, quod salus vestra est, et quod in virginæ natura ex Maria Virgine natum est, dimittere vobis non expedit : sed inde vobis a prælatis vestris, qui vos ligaverunt, licentia querenda est. » Hujus mandati ratio additur. Tum vero subjungit Sancta : « In eadem quoque visione audivi quoniam in hoc culpabilis essem, quod cum omni humilitate et devotione ad præsentiam magistrorum meorum non venissem, ut ab eis licentiam communicandi quærerem, maxime cum susceptione illius mortui culpa non tenerenir, qui omni Christianæ rectitudine iudicitus a sacerdote suo, cum tota Pingensi proces-

sione sine contradictione cuiusquam sepultus esset. Et ita hæc vobis dominis et præfatis nuntianda, inibi divinitus imposita sunt. Aspexi etiam aliquid super hoc, quod vobis obediendo hactenus a cantu divini officii cessantes, illud tantummodo legentes remisse celebramus, et audivi vocem a vi-  
vente Luce procedentem de diversis generibus laudem, de quibus David in Psalmis dicit: Laude eum in sono tubæ, » etc. Pergit hic multa proferre de cantu sacro, quem diabolo exosum af-  
firmat.

**166.** Deinde vero ad prælatos Moguntinos hanc dirigit monitionem: « Quapropter summa vigilan-  
tia vobis et omnibus prælatis satagendum est, et antequam os alicujus ecclesiæ laudes Deo canentium per sententiam claudatis, vel eam a tractandis vel percipiendis sacramentis suspendatis, causas, pro quibus hoc faciendum sit, diligentissime prius dis-  
cutiendo ventiletis. Et studendum vobis, ut ad hoc idem zelo justitiae Dei, non indignatione vel injusto motu animi, seu desiderio ultionis trahamini: et cavendum semper, ne in judiciis vestris circumve-  
niamenti a Satana, qui hominem a cœlesti harmo-  
nia, et a deliciis paradisi extraxit. Pensate itaque, quoniam, sicut corpus Jesu Christi de Spiritu san-  
cto ex integritate Virginis Mariæ natum est, sic etiam canticum laudum secundum cœlestem harmo-  
niam per Spiritum sanctum in Ecclesia radicatum. Corpus vero indumentum est animæ, quæ vivam vo-  
cem habet; ideoque decet, ut corpus cum anima per vocem Deo laudes decantet... Qui ergo Eccle-  
siæ in cantis laudum Dei sine pondere certæ rationis silentium imponunt, consortio angelicarum laudum in cœlo carebunt, qui [sorte quia] Deum in terris decoro suæ laudis injuste spoliaverunt, nisi per veram pœnitentiam et humilem satisfactionem emendaverint. Qui ergo cœli claves tenent, distri-  
cte caveant, ne eis et claudenda aperiant, et ape-  
rienda claudant, quia judicium durissimum in his, qui præsunt, fiet; nisi, ut ait Apostolus, præsint in sollicitudine, » etc. Plura non addo ex illo scripto, quod longissime productum est, quia nihil sere præ-  
terea habet quod pertineat ad hanc controversiam, imo cum omnia deinde sint moralia, suspicor non unum esse Sanctæ opusculum, sed multa variis oc-  
casionibus ad Moguntinos scripta in fine huic addita fuisse.

**167-168.** Hoc S. Hildegardis scriptum tale est, ut administratores Ecclesiæ Moguntinæ non videantur sine insigni doritria negare potuisse quod petebat. Etenim non solum venit Moguntiam, ut laudatum scriptum offerret, sed etiam probare voluit sepul-  
tum in cœmeterio suo dudum ante mortem fuisse absolutum. Vel sic tamen, non nisi interposita au-  
toritate archiepiscopi Coloniensis ad tempus obti-  
nere potuit quod cupiebat, ac deinde in easdem re-  
ducta fuit angustias. Hæc omnia habemus ex litte-  
ris S. Hildegardis ad Christianum archiepiscopum in Italia degentem anno 1179 datis (ep. 8). Ab eodem

A ante illam controversiam humanissimas accepérat litteras (ep. 7), hoc modo a Christiano conclusas: « Nos autem vobis in omnibus necessitatibus ve-  
stris adesse, ac in omnibus prodesse, prout Deus donaverit, pro certo sciatis. » In iisdem Sanctam ante sic alloquitur: « Et quia divino Spiritu te inspiratam cognoscimus, exhortatoria verba tua de-  
sideramns » etc. Ad hæc quoque responderat S. Hil-  
degardis per egregiam adhortationem ad curam pa-  
storalem, docens episcopi esse gregem suum pascere.

**169-171.** Atamen, sive Moguntini administrato-  
res nimis exacerbati fuerint in S. Hildegardem, quod ipsa tempore schismatis se satis declarasset pro Alexandro III, sive nimis ægre tulissent quod non statim obedivisset precepto de exhumando ho-

B mine excommunicato, Christianus archiepiscopus renovavit interdictum, instigantibus procul dubio vicariis Moguntinis. Nam S. Hildegardis in epistole prius laudata: « Cum autem, inquit, dulcissime domine, fiduciam maximam de tua misericordia haberemus, per eosdem prælatos nostros post re-  
versionem suam a Roma e synodo litteras tuas divinorum interdictorias accepimus; quas, ut pa-  
ternæ pietati tuæ confido, nunquam misisses, si veritatem hujus rei agnovisses. » etc. In hac eadem epistola S. Hildegardis orditur a gratiarum actione de litteris gratiosis quas antea a Christiano accepérat; indeque fiduciam sibi ortam dicit ad causam ipsi exponendam. S. Hildegardis epistolam hanc si quis recte consideret, non minus fortè reperiet quam humilem et supplicem. Non possum sane non admirari tam duriter actum fuisse cum Sancta, præsertim postquam absolutio excommuni-  
cati abunde videtur probata fuisse, currente ar-

C chiepiscopo Coloniensi. Ut autem magis etiam mi-  
retur studiosus lector, Christiani archiepiscopi responsum aeat necesse est (ep. 9). Christianus archiepiscopus, vir multis naturæ dotibus ornatus, sed miles potius fuit quam episcopus. Invaserat ille archiepiscopatum Moguntinum tempore schismatis, expulso Conrado legitimo archiepiscopo, anno 1165.

D Ab eo tempore semper aut rebus bellicis aut politicis occupatus fuit, non ducis tantum, sed et militis subinde officium exercens. Initia anno 1177 pace inter Alexandrum papam et Fredericum imperatorem, hortante frustra S. Hildegarde, ut Christianus ad Ecclesiam suam veniret, mansit tamen in Italia, rebus plerumque bellicis occupatus, et illo ipso anno, quo datum epistolam scripsit ad Hildegardem, cum clade suorum captus est, et biennio in carcere detentus, ac deinde anno 1183 in castris defunctus. Hæc fusius re-  
lata videri possunt in *Moguntiacis Serarii actis*, et *Francofurti impressis* anno 1722, tom. I, pag. 569. Si miles ille episcopus tanti faciebat « statuta sanctorum Patrum non evitanda, » po-  
terat ea tanto rectius sibi occidere, quanto evi-  
denter, ut fatebatur, innocentiam Sanctæ perpen-  
dere valebat.

§ XII. *Varia S. Hildegardis itinera, et loca ubi fuit exposita. Fundat cœnobium Ebingense.*

172. Non litteris tantum scriptis S. Hildegardis Christi fidèles, religiosos maxime et clericos, ad pietatem instituere conata est, sed viva etiam voce accedentes ad se erudiebat. Horum autem ingentem fuisse multitudinem testatur Vita, num. 19, ubi auctor ait, « ex omni tripartita Gallia atque Germania confluxisse ad eam undique utriusque sexus populorum examina. » Hominum non vulgaris notæ, qui ex longinquis Germaniæ, Galliæ et Belgii partibus ad Sanctam profecti fuerunt, varia in recensendis epistolis se nobis obtulerunt exempla. Vidimus insuper S. Hildegardem in variis locis fuisse, et ubique dedisse monita salutaria. De hisce Vita num. 44 sic habet : « Inter hæc etiam illud de ipsa est notabile quod Coliam, Treviri, Metim, Heribopolim, Babenberg, Spiritu divino non modo acta, sed coacta, veniens, clero et populo, quæ Deus voluit, annuntiavit : et in monte Sancti Disibodi, Sigberg, Eberbach, Hirsauia, Swifelden, Mulenbrunnen, Rudenkyrchen, Kitzingen, Crutendal, Herde, Werde, Andernacho, in Monte S. Mariae, in Elsim et Winkelo, quæ ad utilitatem animalium pertinebant, juxta ea quæ ei Deus revelaverat, manifestavit. » Loca hic nominata, et alia aliunde addenda ostendunt Sanctam itinera instituisse satis longa ad varias Germaniæ partes, ita ut procul dubio multum temporis itineribus illis insumpsum fuerit.

173. At dubitari potest utrum S. Hildegardis eodem tempore consequenter tot civitates aliaque loca adiverit, an diversis temporibus, modo proficiscendo versus unum partem, modo versus aliam. Secundum mihi appareat verisimilius, imo satis etiam certum est, aliquas excusiones S. Hildegardis non posse conjungi cum itinere Coloniensi et Trevirensi. Et enim ex epistola Frederici imperatoris, num. 53 memorata (ep. 27), habemus Sanctam certe ante annum 1159, et verisimiliter ante annum 1155 fuisse Ingelheim cum Frederico, et ibidem nonnulla ipsi prædictisse, quæ iuncta erant ante 1159. Eodem forsitan tempore, quo fuerat Ingelheim, Sancta profecta est in Franconiam. Nam ibi fuerat, antequam ad ipsam scribebat abbas Ebracensis, de cuius epistola egi num. 65. Manicus autem in *Annalibus Cisterciensibus*, ad annum 1155, num. 4, existimat epistolam Adami abbatis Ebracensis scriptam esse circa dictum annum, idque admodum verisimile est ; et non longe a vero abesse potest, cum obitus Adami abbatis figuratur anno 1161. Quare videtur Sancta in Franconia fuisse inter annum 1150 et 1160, et consequenter credibile est ipsam eo tempore fuisse Heriboli, et Bambergam, quæ antiquo nomine *Babenberg* in Vita vocatur, usque pervenisse. In eodem etiam itinere viserit cœnobium monialium Benedictinarum Kitzengense, quod paucis milliariis supra Heribopolim ad Mœnum erat situm, sed postea ab hereticis destructum est, ut docet

A Ignatius Groppe in *Collections rerum Wirceburgensium*, dissert. 6, num. 8, ubi addit monasterium illud modo inhabitari ab Ursulinis. De epistola abbatis Kitzengensis ad Sanctam (ep. 101) egi num. 83.

174. Alio verisimiliter itinere excurrit S. Hildegardis ad partes Germaniæ Inferioris, et Coloniam usque pervenit. Fuit autem Coloniam quando Philippus, qui anno 1167 aut 1268 factus est archiepiscopus, illius Ecclesiæ erat decanus. Videtur igitur iter sigendum inter annum 1160 et 1167, nam etiam innuit num. 92 Ecclesiam jam aliquo tempore divisam fuisse, schismate, opinor, quod anno 1159 exortum est, antequam Colonensis prædiceret ea quæ num. 90 et seqq. videri possunt. In eodem itinere inviscerit procul dubio cœnobium Siegebergense instituti Benedictini, quod in diœcesi Coloniensi ultra Rhenum ad Sigam amnem situm est, non longe a Bonna oppido. In Vita quidem *Siberg* scribitur ; sed leviuscula illa nominis mutatio scrupulm mouere non debet, præsertim cum alias frequenter *Sigberg* et etiam *Siberg* vocetur. Siebergenses affectu speciali, tanquam matrem prosequabantur S. Hildegardem, ut patet ex ipsorum epistola (ep. 137), de qua egi num. 105. In diœcesi etiam Coloniensi est Werde, abbatia ordinis Benedictini, Latine *Werthina*, *Werdina* aut *Werda*, quam S. Hildegardis legitur invisiisse. Multo longius itaque progressa est : nam Werthina est ad confinias comitatus Marchiæ, et ad Ruram flumen sita. Attamen et aliud fuit cœnobium in diœcesi Coloniensi Werda dictum, situmque ad Rhenum duobus act tribus milliaribus infra Dusseldorfum, ubi modo oppidum vulgo *Keisersweert*, sive *Caesaris Werda* nominatum. Alterutrum certo visitaverit Sancta. At oppositam plane partem diœcessis Coloniensis, et in limite fere Trevirensis ad Rhenum, est Andernachum, alias *Antenacum* dictum, ubi etiam in illo itinere fuit S. Hildegardis. Prope Antenacum erat cœnobium seminarum, cuius abbatissa ad Sanctam scripsit, ut vidimus num. 136. Tale quoque cœnobium erat in Didenkirchen juxta Bonnam ; non abbatissa in Didenkirchen scripsit ad S. Hildegardem (ep. 116), ut dictum est num. 135. Quantum vero præsentia ipsius Sanctæ ibidem placuisse, liquet ex laudata epistola. Abbatissa enim (ep. 115) monita flagitans, hoc utitur ratione : « Me etenim ex his corroborari, dum præsens alteratis, opportuno tempore proposuisti. » Ex hac porro epistola, uti et ex aliis quibusdam, certo habemus, plura monasteria fuisse visitata a Sancta quanu quæ exprimuntur in Vita. An etiam plura ex memoriatis in Vita spectent ad diœcesim Coloniensem, aut ad hanc S. Hildegardis excursionem, edicere nequo, cum aliquorum situm non satis certo inventiam.

175. Treviris fuisse S. Hildegardem in diebus Peutecostes, novimus ex epistola cleri Trevirensis ad Sanctam (ep. 49), num. 93 laudata. At de anno quo ibi fuit nihil certi reperio. Br. werus quidem

in *Annalibus Trevirensibus*, aliisque ipsum secuti, existimant S. Hildegardem anno 1160 venisse Treviros; sed nullam aut rationem aut conjecturam illius epochæ assignat. Quapropter mihi annus est incertus, et æque incertum utrum ante an post iter Colonensem Treviros venerit Sancta. Verumtamen, cum in fine epistole ad Colonenses Sancta dicat: « Per duos annos valde fatigata sum, ut coram magistris et doctoribus ac ceteris sapientibus in quibusdam majoribus locis, ubi mansio illorum est, vivente voce ista proferrem; » cum his, inquam, duorum fere annorum itinera insinuet, suspicor intra biennium et Coloniam et Treviros venisse Sanctam, et ad alia loca, ita ut duorum annorum spatio frequenter fuerit in itinere, licet subinde ad monasterium suum redire potuerit. Verum, quidquid sit de tempore, id certum est, S. Hildegardem Trevirensibus æque ac Colonensibus multa tam mala quam bona prædictisse. Quod autem credit Browerus, illa fuisse impleta in schismate quo anno 118 per septennium divisa est Ecclesia Trevirensis, nequaquam admittendum videtur, nisi de malis cito venturis, quæ modica tantum futura dixerat. Nam præcipua mala et bona quæ prædicebat diu post superventura, ipsa clare satis insinuat. Porro Treviris Metas proficiisci potuit S. Hildegardis. Certe ipsam Metis fuisse Vita testatur; sed non invenio quid ibi nominatum egerit.

476. Inter majores civitates ad quas S. Hildegardis profecta est, Trithemius in *Chronico Hirsaugiensi* ad annum 1160 ponit etiam Moguntiam, de qua facit Vita. Non dubito quin fuerit aliquando Moguntiæ, cum illam in itinere pertransire potuerit; an vero ibi quoque ea manifestaverit quæ in aliis civitatibus, ob silentium biographi, minus est certum. Certius est ipsam in variis Moguntinae diœcesis monasteriis fuisse, variaque sibi a Deo revelata ibidem manifestasse. Hac de causa fuit in Monte S. Disibodi, ubi erat educata. Quantum vero ibi emendationis fructum suis monitis produxerit, jam dictum est ex epistola abbatis num. 112 (ep. 145). In eadem diœcesi est Everbach, ut in Vita scribitur, alias *Eberbach*, abbatia Cisterciensis, jain saepius memorata, sitaque in Rhingavia. Hanc et facile, utpote non longe distante, adire poterat Sancta, et cum fructu sua enuntiare, cum monachi Eberbacenses monita ipsius maximis facerent, ut liquet ex ipsorum epistola nun. 108 commemorata (ep. 139). Tertium cœnobium diœcesis Moguntinæ, quod adivisse S. Hildegardis dicitur, in Vita est Rudenkyrchen, alias *Rodenkirchen*, quasi *Rubia Ecclesia*. Erat abbatia ordinis Præmonstratensis, et diœcesis Moguntinæ, ut clarum fit ex aliquot epistolis pontificiis apud Martenium tom. IV *Collect. Ampl.*, col. 468 et seqq.: nam bæ inscribuntur episcopis Wormatiensi et Spirensi, et directo filio abbatii monasterii in Rodenkirchen, Præmonstratensis ordinis, Moguntinæ diœcesis. »

A Hoc jam observatum erat in *Gallia Christiana*, tom. V, col. 600, sed ulterior illius monasterii situs ibidem non adjungitur. In Winkelo etiam fuisse dicitur S. Hildegardis, quo nomine designari monasterium diœcesis Moguntinæ existimo. Certe ad ripam Rheni in Rhingavia inter Bingum et Moguntiam est vicus Winkel, qui aliquando *Vincella* Latine dicitur. Erat ibi prope abbatia Mons S. Joannis dicta, de qua videri potest *Gallia Christiana* tom. V, col. 582. An aliud etiam in Winkel fuerit monasterium, me latet.

177. Ad eamdem Rheni partem uno tantum miliiari a suo cœnobio S. Hildegardis aliud monasterium fundavit, nec dubitandum est quin illud sèplus inviserit. In actis inquisitionis de miraculis, num. 8,

Bæc secunda fundatio breviter sic exprimitur: « Præterea trans flumen Rheni ad unam leucam aliud monasterium fundavit, ubi trigesita præbendas instituit, » id est censum sufficientem trigesita monialibus. Nomen loci Ilibingen exprimitur ibi num. 3, diciturque S. Hildegardis ivisse « ad villam Ilibingen, ubi monasterium etiam fundaverat, » atque in transitu Rheni puellæ, quæ cœca erat data, vi sum dedisse, aqua Rheni oculos ejusdem lavans. Tempus illius fundationis expressum nullibi inventio. In *Gallia Christiana*, tom. V, col. 654, mentio fit monasterii Eibingensis in catalogo abbatissarum Montis S. Ruperti, quæ se cum suis monialibus Eibingam receperunt, quando saeculo xvii cœnobium S. Ruperti a Suecis in cineres fuit redactum. Hoc contigisse anno 1632 asseritur, indeque abbatissa utriusque monasterii titulum suimpserunt, nimirum *Montis S. Ruperti et Eibingæ*, ut adjungitur. Situs vero et fundatio ibi sic exprimuntur: « Porro Eibingense hoc monasterium, S. Giselberti memoria sacrum, situm est in Rhingavia, proxime Rudesheimum, montana versus, ab ipsa B. Hildegarde excitatum, fuitque semper titulo prioratus parthenonii Rupertino subjectum adunatumque. » Majores nostri, Henschenius et Papebrochius, anno 1660 Eibingæ fuerunt, et ab abbatissa, cum monialibus ibi tunc degente, perhumaniter excepti fuerunt, ut ipse Papebrochius notavit in *Itinere suo Romano* ms.

178. Excurrit etiam S. Hildegardis in Sueviam. Etenim inter monasteria quæ invisit, duo certe reperiuntur in Suevia, Mulbrunnum videlicet in ducatu Wirtenbergico, et in diœcesi Spirensi situm, vulgo *Maulbron* dictum; et Hirsaugia, eidem inclusa diœcesi, sed situm paulo longius in Silva Nigra. De adventu S. Hildegardis ad cœnobium Hirsaugiense agit Trithemius ad annum 1160, atque ab illa ante discessum hæc verba ad Hirsaugenses fuisse prolatæ: « Lux divina negligentias filiorum suorum valde odit et detestat, quia nemo recte servit Deo, qui spiritum torporis et negligentiae non penitus a corde suo repellit. Et ideo dicit vobis Lux illa, quæ omnia potest: Considerate semitas vestras, et nolite declinare a via recta, quoniam expedit.

**vos Satanas ad tentandum, et nisi caute ambulave-**ritis in timore Domini, cito et velociter suscitabit vobis gravem in medio vestri perturbationem. Non negaverim ejusmodi monita Hirsaugiensibus a Sancta fuisse data; at non existimo, iis predictam fuisse discordiam, de qua egi num. 106 et 107, quia mihi persuadeo hanc Sanctæ excursionem serius fuisse susceptam. Magis credo, verum esse, quod de ulteriori S. Hildegardis itinere Trithemius subjungit his verbis: « Ab Hirsaugia digrediens sponsa Christi religiosissima Hildegardis, ad cœnobium Swifaltense nostri ordinis profiscitur, et tam monachis quam virginibus Christi tunc ibidem commorantibus verbum a Domino sibi commissum fide-liter annuntiavit. »

179. Hæc, inquam, vera esse opinor, licet iter illud satis prolixum non uno tractu verisimiliter absolverit, et fortasse adierit loca quædam intermedia. In Vita quidem monasterium illud vocatur *Swifelden*, non *Swifaltem*, ut modo passim dicitur; sed, præmissa diligentí inquisitione, eumdem utroque nomine locum designari potest. Situm autem est cœnobium Swifaltum, vulgo *Swifaltem*, in diocesi Constantiensi, et in montibus Sueviæ, ad rivum geminum concurrentem, et paulo inferius, aliquot milliaribus supra Ulnam, Danubio se miscentem. De epistola abbatia Zwifeldensis, qui *Zwinieldensis* scribitur apud Martenium (ep. 65), egi num. 75. De epistola Prioris et monachorum, qui ibidem de *Zwifelda* scribuntur, et de monialium Swifeldensis litteris (ep. 140) disserui num. 109. Ex tribus illis epistolis, et maxime ex illis quibus S. Hildegardis singulas respondit, aperte colligitur disciplinam in dupli illo virorum et mulierum cœnobio multum fuisse relaxatam eo tempore, ipsosque monachos et moniales modum quæsivisse quo reformarentur. Itaque dubitari vix potest quin S. Hildegardis tantum iter suscepit, ut disciplinam collapsam in illo monasterio restitueret. Non aliog autem esse *Swinieldenses*, *Swifeldenses* aut *Swifildenses*, quam *Swifaltenses*, de quibus agitur, ob has rationes existimo. Primo Trithemius, qui omnes S. Hildegardis epistolæ vidit, inter abbates qui ad ipsam scripserunt recenset *Swifaltensem*, et nullum alium similis nominis. Secundo idem docet Sanctam ibidem fuisse, licet Vita habeat eam fuisse in *Swifelden*. Tertio *Swifaltense cœnobium erat duplex, virorum et seminarum*. Tale erat etiam *Swifeldense* dictum, cum tam monachi quam moniales ad *Sau- etiam* scriperint. Quarto, multum quæsivi an abbatis aliqua *Swifeldensis* reperiatur in Germania præter *Swifaltensem*, nec ullam aliam reperi potui. Quinto, denum, in Spicilegio ecclesiastico Germaniæ part. III, pag. 864 et seqq., aliqua addita sunt decreta, ad cœnobium *Swifaltense* spectantia, in quibus video nomen illius abbatiæ sæculo XII et XIII varie scribi: nam variis vicibus vocatur *Swifulta*, alias *Swifelton*, sed sàpius *Swifalten*.

180. In eodem itinere S. Hildegardis videtur ve-

A nisse ad oppidum Kircheim, quod Sueviæ est in ducatu Wirtenbergico, vulgo *Kirchen* modo dictum. Nam Sanctam ibi quoque fuisse, multaque et gravia de futuris temporibus prædictis in Kircheim, liquet ex iis quæ narrata sunt num. 98 et seqq. Porro ex initio visionis, quam Sancta figit et anno Dominicæ Incarnationis millesimo centesimo septuagesimo, videtur satis evinci totum illud S. Hildegardis iter in Sueviæ contigisse aut illo ipso anno 1170, quo visionem ibi verbis prolatam et postea scriptam, habuerat, aut certe non diu post. Cæterum si incole ducatus Wirtenbergensis velint attente considerare quæ S. Hildegardis in Kircheim prædictis de ejiciendis sacerdotibus, et de locis sacris abscondendis, divitiisque ecclesiarum auferendis, videbunt impleta esse quæ illa sæculo XII futura dixerat. An in illo itinere plura monasteria inuiserit Sancta, mihi non constat. Restant certe alia quæ in Vita asseritur adivisse. At hactenus invenire non potui ubi terrarum illa fuerint sita, præter ultimum mox in diœcesi Moguntina memoratum.

C 181. Primum ex illis in Vita vocatur *Crutendal*, in epistolis *Crouchdal*. Erat abbatia seminarum, ea que in Germania, ut nouen Germanicum insinuat. Epistolam abbatissæ in Crouchdal, in qua ait se S. Hildegardem vidisse præsentem, recensui num. 84, et alteram quoque alterius forsitan illius monasterii abbatissæ num. 136. Secundum ex illis monasteriis est Herde. Bucelinus in *Germania sacra*, part. II, pag. 44, ait, Herde esse præposituram ordinis Præmonstratensis. Idein scribit Hugo in *Annales Præmonstratensibus*, tom. I, col. 816, laudans Trithemium in *Chronico Hirsaugensi*, ad annum 1150, ubi habet in editione Francofurtensi *Præmonstratensium*. Verum in editione posteriore anni 1690, quæ accuratius facta est typis S. Galli, *Regularium* dicitur præpositura, et locus *Herad* scribitur, ita ut res sit valde incerta. Attamen certum est S. Hildegardem bis in Herde fuisse, et in itera visitatione illius monasterii religiosis gaudium attulisse, ut ex epistola præpositi ad ipsam (ep. 80), de qua egi num. 129, intelligitur. Tria posteriora cœnobia, de quibus nihil inuenio in epistolis, sic in Vita exprimuntur: « In Monte S. Mariæ, in Eslim et Winkelö. » De Winkelö egi num. 176; de aliis nihil habeo dicendum.

D 182. Cæterum ad itinera S. Hildegardis, modo ex actis et epistolis memorata, accedit aliud satis longinquum in Galliam. Hoc in Vita omnino prætermissum est. At Acta inquisitionis in virtutes et miracula S. Hildegardis, num. 9 et 10, testantur, ipsam fuisse peregrinatam ad sepulcrum S. Martini, sive ad civitatem Turonensem, et in illo itinere venisse Lutetiam Parisiorum, ubi scripta sua dedit examinanda; quæ, ubi Turonibus Parisios redierat, examinata recepit, ut infra licet. Iter illud biennali tempore, aut saltem autumnali suscepit, cum

in octava S. Martini, sive circa medium Novembris fuerit Parisiis, quo rediit mense Januario. De anno illius peregrinationis non constat; certum tamen est sub finem vitæ suæ eam a Sancta suscepitam esse, cum anno 1233 adhuc duo testes vivent qui Parisiis sacræ theologiæ studebant, quando ibidem fuit Sancta. Itaque, cum inter annum 1173 et 1233 sint anni sexaginta, verisimilius est, post annum 1173 ibidem fuisse Sanctam, quam ante, ne dicere necesse sit, testes illos fuisse octogenariis maiores.

**§ XIII. Scripta S. Hildegardis multorum elogiis celebrata: scriptorum enumeratio, aliqua eidem afficta.**

183. Quanta fuerit fama sapientiæ divinæ S. Hildegardis viventis, quanta existimatio de scientia ipsius prophetica, sive de cognitione quorumlibet arcanorum, abunde vidimus ex epistolis ad ipsam scriptis. Epistolas enim ultra centum et triginta recensui ad Sanctam datas, et plerasque personarum minime vulgarium. Adeo autem inveni omnes elogis ipsius insignes, ut vix illa sit quæ testimoniunum non dicat, aut certe persuasionem non insinuet, de cognitis a S. Hildegarde occultis iis, ad quæ scientia hominum non solet pertingere. Vitæ quoque scriptores de visionibus Sanctæ, et de scientia rerum arcanarum clarissima dant testimonia. Accedunt Acta anno 1233 composita ad inquirendum in virtutes et miracula S. Hildegardis: nam in hisce plurimi rursum testes communem illam opinionem suis testimoniois confirmant. Eodem fere tempore vixit scriptor Vita S. Geraci, cuius elogium de S. Hildegarde dedi num. 146. Vocatur ab ipso « famosissima prophetissa Novi Testamenti, cum qua familiariter locutus est Deus. » Afferitur « per Spiritum sanctum educta, de deuinis oraculis et sacramentis sibi revelatis grandia edidisse volumina, et doctrinæ salutaris lampade sanctam Ecclesiam illuminasse, » etc. Ex *Chronico Alberici monachi*, qui etiam sœculo XIII floruit, jam aliqua de sanctitate et scriptis propheticis S. Hildegardis antea recitavi.

184. Eodem etiam sœculo floruit Vincentius Bellovacensis, qui in *Speculo historiali*, lib. xxvii, cap. 83, de S. Hildegarde scribit sequentia: « Per idem tempus in Alemanniæ partibus admirabilis quædam virgo proiectæ ætatis erat, cui tantum divina virtus gratiam contulerat, ut, cum laica et illitterata esset, mirabiliter tamen rapta frequenter in somnis disceret, non solum quod verbis effunderet, sed etiam quod scribendo Latine dictaret, ut dictando Catholice doctrinæ libros conficeret. » Haec ille ex alio, quem non nominat, corrigenda in eo quod in *somnis* dicatur sua didicisse, cum ipsa passim testetur se vigilanter et apertis oculis fuisse, quando visiones habebat. Deinde Vincentius subjicit: « Haec fuit, ut æstimo, S. Hildegardis, quæ multa fertur prædixisse de futuris: ad quam scripsisse dicitur etiam beatus Bernardus Clarcval-

lensis. » Richerius monachus Senonensis, ejusdem sœculi XIII scriptor, in *Chronico Senonensi*, lib. iv, cap. 15, S. Hildegardem celebrat hoc elogio: « Ante hos annos fere triginta (imo fere octoginta) fuit in inferioribus Alemanniæ partibus sanclimonialis quædam inclusa sanctissimæ conversationis et vitæ, Hildegardis nomine, cui Deus etiam inter cætera gratiam prophetiæ contulerat. Et, quod mirum est dictu, quod nunquam antea didicerat, lingua loquebatur Latina, et scribebat. Prophetavit quippe de statu regnum, et eventibus futurorum: et inde libros propria manu conscripsit. Scripsit etiam librum medicinalem ad diversas infirmitates, quem ego Argentinæ vidi.

185. « Scripsit siquidem de ordine futurorum Prædicatorum et Fratrum Minorum, qui temporibus nostris primum esse cœperunt. Dixit quippe aperte quosdam fratres futuros alte tonsuratos in habitu religioso, sed inusitato, qui in principio sui quasi Deus a populo reciperentur: nec aliquid proprium habituos prædictit; sed tantummodo eleemosynis fidelium victilarent, nec de his eleemosynis in crastinum reservarent: et ita tali paupertate contenti, civitates, et castella, et regiones prædicando circumirent; et ita in primordio suo Deo et hominibus chari haberentur: sed proposito suo decidentes, vijores haberentur. Haec Hildegardis de Prædicatoribus et Minoribus Fratribus fertur prædixisse, quod postea verum actus ipsorum esse probavit. » Hactenus Richerius. Verum exiguum ille fidem meretur in iis quæ de ordinibus Prædicatorum et Minorum dicit, tum quod ubique in *Chronico* suo Prædicatoribus iratum se exhibeat et inimicum, tum quod in referenda utriusque ordinis institutione varios committat errores, ut verisimile sit ipsum pauca de utroque ordine novisse, præter malignos vulgi rumores, quos avide videtur arripuisse. Certe modo tam improbabiliter contra Prædicatorum variis locis declamat, ut sibi magis apud prudentes nocuerit quam laudato ordini. An autem S. Hildegardis aliquid prædixerit de origine ordinum Prædicatorum et Minorum, mihi plane incomptum est; imo et minus probabile, quia id apud alium auctorem satis probatum non reperi. Vix tamen dubito quin Richerius viderit fictitiam illam prophetiam, de qua inferius plura dicemus.

186. Prætermitto elogia scriptorum qui sequentibus sœculis prophetica S. Hildegardis scripta celebrarunt, quia de fama Sanctæ nullus dubitare merito poterit. Ex omnibus tamen duos seligo, quod ipsi libros S. Hildegardis legisse se testentur. Primus est Vincentius Carthusianorum Axpacensium in Austria prior, qui remittens exscriptos S. Hildegardis libros, de iis ita scribit in *Thesauro Anecdotorum* Bernardi Pez, tom. VI, pag. 356: « Prædilecte mi Pater, ante aliquot dies finivi dicta S. Hildegardis, quæ potuisse citius finivisse, nisi Patres de Tegernse (abbatia est in Bavaria)

guasissent mibi, ne in scribendo me gravarem. Quæ dicta Hildegardis præ festinatione scribendi parum attendi, dum scriberem. Idcirco oportebit me ipsa de novo perlegere. Attamen scribendo aliqua memoriaz adheserunt, videlicet de triplici tempore, scilicet muliebri, acro et cadente quorum primum, cùjus finem spero adesse, multum et plus quam credi potest, Ecclesiam debilitavit. Secundum, scilicet acre vel acrum [*alias virile a S. Hildegarde dictum*] ipsam mirabiliter confortabit, per multos labores et sudores ipsam a peccantibus humoribus expurgando. De uno miror et doleo, quod videlicet ex auditu prophetiarum ipsius Hildegardis, aut ex lectione eaurumdem non invenio aliquem, qui percusat pectus suum, vel qui scindat vestimenta sua, sicut Josias rex propter inventionem libri Legis fecisse legitur. Sed quasi omnes ipsam nec approbant nec improbant..... Scriptum per fratrem Vincentium in Arpach in profecto S. Martini anno 1160. »

187. Trithemius, qui variis locis et in diversis opusculis suis de S. Hildegarde scribit, in *Chronico Hirsaugiensi* dicit: « Nos vero cuncta ejus scripta non solum legimus in virginalibus libris, qui sunt in ejus monasterio apud Bingios repositi, sed fecimus etiam pro nobis rescribi, cum adhuc monasterio præsideremus D. Martini in Spanheim. » Ibidem paulo ante de scriptis Sanctæ ita lequitur: « Et revera, in quantum nos judicare possumus, ejus scripta, non humano sensu vel intellectu sunt edita, sed divino potius Spiritu mirabiliter infusa, et ideo non passim intelliguntur ab omnibus, sed ab illis duntaxat utcunque possunt intelligi, quorum pura mens Deo per amorem meruit uniti. » idem scriptor S. Hildegardem laudat, ut prophetis, scriptis opusculis et miraculis illustrem in *Chronico Spanheimensi*, ad annum 1180, et in *Catalogo Virorum illustrum Germaniaæ*, pag. 158, ac denum in *Viris illustribus ordinis S. Benedicti*, lib. II, cap. 119, et lib. III, cap. 334. Ex ultimo hoc loco quædam huc transfero: « Sancta vero Hildegardis famula Christi, per multos annos in camino paupertatis et infirmitatis decocta, quo plus affligebatur in corpore, et amplius proficiebat in mente. Crebris enim revelationibus angelicis consolabatur ægritudinem carnis. Sub ejus magisterio maxima disciplina regularis vitæ in præfato coenobio vigebat, » etc. Addit plura, jam satis ante dicta, et aliqua etiam minus accurata, tam hoc loco quam alii; sed illa ex antea disputatis poterunt corrigi.

188. Opuscula S. Hildegardis Trithemius variis etiam locis enumerat, prout ea viderat manuscripta, et pro se exscribi curaverat. In *Chronico Hirsaugiensi*, ad annum 1147, ea enumerare incipit hoc modo: « De cujus mirandis opusculis nos vidimus et legimus subjecta: « In Regulam sancti Patris nostri Benedicti brevem Explanationem, lib. I. » Impressa est hæc Explanatio cum epistolis S. Hildegardis in

A editione Coloniensi anni 1566, pag. 231, hoc titulo: *Regula S. Benedicti juxta S. Hildegardem explicata*. Deinde vero recusa est in *Bibliotheca Patrum Lægdunensi*. Ad Wigbertum monachum Gemblacensem super triginta quæstiones Responsalem lib. I. Hic item liber iisdem locis una cum epistolis impressus est. « Vitam S. Ruperti ducis Bingionum lib. I. De Vita S. Disibodi Hibernensis episcopi lib. I. » Ambas has Vitas habemus in codice ms. una cum explanatione Regulæ S. Benedicti. Ambæ etiam impressæ sunt apud Surium et in opere nostro, prior nimirum ad diem 15 Maii, altera ad 8 Julii. « Octo et quinquaginta homilias super Evangelia Dominicalia per anni circulum lib. I. » Hoc opusculum non vidi, nec editum esse novi. Idem tamen Homiliarum opusculum aliis quoque locis recenset Trithemius, et in laudato *Catalogo illustrum Virorum*, pag. 138, de laudatis Homiliis dicit: « Super Evangelii Dominicibus homelias 58 composita valde obscuras, et [non] nisi devotis et eruditis intelligibles. » Forte obscuritatis causa non sunt editæ. Redeo ad enumerationem Trithemii. « De Sacramento altaris contra quosdam hæreticos, lib. I. » In *Viris illustribus ordinis S. Benedicti*, lib. II, cap. 119, hunc librum dicit esse scriptum contra Catharos, ut in Germania nominabantur illius temporis hæretici, in Gallia Albigenses dicti, qui non pauca cum Calvinianis deinde natus habebant communia. Hic quoque liber non est editus, nisi sit illa epistola prolixissima, quam C « ad Moguntinenses » inscriptam habemus inter epistolæ.

189. « Volumen quoque magnum, quod *Scivias* prænotavit, in quo de via Domini atque sanctorum ejus valde subtiliter disputat. » Hoc opus editum est ab anno 1513, et deinde variis vicibus recusum. Non meminit de operis in tres libros divisione Trithemius, sed « grande volumen » vocat. In tres tamen libros divisum est, et libri singuli in varia visiones. Subjungit Trithemius: « Aliud etiam volumen, quod *Vitæ meritorum* prænotavit, et in tres libros divisit. » Hoc ineditum hucusque puto. « Volumen simplicis medicinæ, opus naturale multumque mirabile lib. I. Aliud compositæ medicinæ librum unum. » De his duobus libris addit Trithemius in *Catalogo Virorum illustrum*, pag. 138: « In his duobus mirabilia et secreta naturæ subtili expositione ad mysticæ sensum referit, ut nisi a Spiritu sancto talia femina scire mihi posset. » Joannes Albertus Fabri ius in *Bibliotheca media et infima Latinitatis*, tom. III, pag. 260, de his ita scribit: « Liber simplicis et alias compositæ medicinæ eidem Hildegardi a Trithemio tribuuntur: atque typis exscripti exstant sub ejus nomine libri quatuor physicæ, quorum primus medicamenta ex aquis, terris, salibus et metallis; secundus et tertius ex plantis, quartus ex animalibus perscrutatur. Prodiere Argentorati apud Joannem Scotum 1533, » etc. Libros illos impressos S. Hildegardis esse, certo affirmare

non ausim: sed, cum nec impressos ejus nomine A viderim nec scriptos, malum ea de re iudicium relinquere iis qui utrosque conferre potuerunt. Matthaeus Westmonasteriensis ad annum 1292 etiam aliqua S. Hildegardis scripta recenset, et de his sic loquitur: « Atque librum simplicis medicinæ secundum creationem, octo libros continentem, librumque compositæ medicinæ de ægritudinum causis, signis atque curis, qui omnes recepti sunt, atque incanonizati a papa Eugenio in concilio Trevrensi, » etc. Hoc ultimum certe, quod de omnibus S. Hildegardis scriptis oscitantur asseritur a variis, plane falsum est, quia nequam inchoati erant illi libri, quando anno 1148 Eugenius papa probavit prima Sanctæ scripta, sive partem libri *Scivias* dicti.

490. Post data verba subjungit Trithemius: « Volumen magnum, » cuius titulus est, *Divinorum operum*. Hoc ineditum puto; sed quatuor diversis locis a Trithemio insertum est catalogo operum S. Hildegardis, ut et liber *Vita meritorum*. Utrumque etiam recenset Westmonasteriensis loco mox allegato. Verumtamen laudatus mox Fabricius existimat duo illa opuscula non distingui a tribus libris Visionum S. Hildegardis, qui titulo *Scivias* impressi sunt. Ratio Fabricii hæc est, quod Trithemius variorum operum initia recensens in libro *De scriptoribus ecclesiasticis*, pag. 281, idem fere initium attribuat libro *Scivias* et libro *Divinorum operum*. At nec idem prorsus initium est, quod recitat Trithemius, et mox videbimus opera illa certissime distinguiri, et diversis longe temporibus esse composita. Interim pergamus cum Trithemio, qui subdit: « Epistolam ad diversos magnum volumen composuit. » In Catalogo *Virorum illustrium*, pag. 158, alia quædam addit, ita scribens: « Ad clerum Trevirensis urbis (scripsit) de futuris Ecclesiae calamitatibus librum unum: ad Colonienses quoque de eadem materia librum unum. Miranda in his prædictit, tamen sine determinatione temporis. » Hæc inter epistolas impressa sunt, et de illis egi § 7. « Scriptis etiam, ad petitionem quorundam sacerdotum, *Exhortatorium sæcularium* lib. unum: ad sorores suas *Exhortationis* lib. unum. » Posteriori hoc editum est cum epistolis loco ultimo, et continet expositionem Symboli S. Athanasii vulgo dicti. At *Exhortatorium sæcularium* non videtur editum. « Ad Monachos grecos lib. unum. » Editus hic liber inter epistolas, ut et alia a Trithemio memorata, exceptis carminibus. De his vero subdit: « Carmina diversa, dulci melodia composita. » Et lib. ii *Virorum illustrium ordinis S. Benedicti*, cap. 119: « Carmina et cantica cum dulci et mirabili melodia de virtutibus et virtutibus per modum dialogi plura composita. » De his hactenus ineditis mox plura videbimus.

491. Porro certiora S. Hildegardis scripta recensentur etiam in Actis inquisitionis de miraculis, anno 1233 compositis, et infra edendis; ibique additur quo ordine et quanto tempore singula fuerint

A conscripta. Ibidem nam. 9 de primo opere legitur: « Librum suum *Scivias* decem annis complevit, » nimirum illum inchoavit anno 1141, ac finivit circa annum 1151, aut hoc ipso anno, ut jam observavi num. 32, ubi plura de illo opere. Sequentur alia opera sequentibus octo annis composta hoc modo: « Librum (scripsit) simplicis medicinæ, librum expositionis Evangeliorum, Cœlestis harmoniæ cantum, linguam ignotam cum suis litteris: quæ omnia octo annis perfecit: quod plenius in accessu (sive præfatione) libri *Vita meritorum* colligitur. » Tria hic recensentur opuscula intra octo annos, sive ab anno circiter 1151 usque ad 1159 composita, de quibus etiam mentio fit in Vita, num. 14. At suspicor illo etiam tempore

B compositum fuisse librum *Compositæ medicinæ*, et forte incuria transcribentium illius memoriam hoc loco excidisse. Certe in iisdem Actis inferius num. 11 cum aliis Sanctæ opusculis recensetur, ita ut dubium non sit quin illud quoque opusculum Sancta exaraverit, æque ac librum *Simplicis medicinæ*. De expositione Evangeliorum nunquam edita jam satis egimus superius. De Cœlestis harmoniæ cantu illud observo, voces cantui additas fuisse ignotas, sive ignotæ linguae, ut etiam Vita habet num. 14. Alii alia ab hoc Cantu sint Carminalia, quæ Trithemius supra dicit composita « de virtutibus et virtutibus per modum dialogi, » et an hæc satis certo sint S. Hildegardis, judicandum relinquuntur illis qui codices ipsos mss. consulere poterunt. At minime credo S. Hildegardis esse carmina illa quæ de secta Flagellantum hereticorum edita sunt apud Ignatium Gropp in Collectione scriptorum Wirzburgensis, pag. 122, in Chronica Michaelis de Leone.

192. Laudata Acta post verba jam data sic pergunt: « Postea quinque annis subsequentibus (id est, ab anno circiter 1159 usque ad 1164) librum *Vita meritorum* scripsit. Postremo vero librum *Divinorum operum* septem annis scripsit, quod per accessum ipsius libri plenius patet. » Itaque hic liber videtur inchoatus circa annum 1164, finitusque circa 1171. Verum enumeratio data annorum tam certam non producit epocham, ut ultimum opus non potuerit duobus aut tribus annis serius esse finitum. Potuit enim, absoluto uno opere, subinde multis mensibus expectare antequam aliud aggredieretur, præsertim cum multas et aliquando prolixas iisdem temporibus scriberet epistolas, et parva quædam opuscula epistolarum codici deinde inserta, et idcirco epistolis annumerata. Hæc autem scripta modo ex Actis enumerata, una cum codice epistolarum, de quo mentio fit num. 11, S. Hildegardis esse in illo examine, cuius Acta laudamus, « conventus fuit confessus, » ut legitur num. 11. Præterea, cum posterioribus vitæ sua annis S. Hildegardis Lutetiam Parisiorum pertransiret, ut sepulcrum S. Martini inviseret in urbe Tyronensi, tria præcipua opuscula sua doctoribus

Parisiensibus examinanda dedit, « scilicet librum *Scivias*, librum *Vitæ meritorum*, librum *Divinorum operum*, » ut dicitur num. 9. Dicuntur autem suisse in manibus doctorum Parisiensium « ab octava Martini usque ad octavam Epiphaniæ, » id est per duos fere menses. Deinde libri examinati dicuntur redditi per magistrum Wilhelmm Antissiodorensim, S. Hildegardi dicentem : « Quod esset magistrorum sententia, non in eis esse verba humana, sed divina. » De hoc librorum examine, præter monialium partem, quatuor laudantur jurati testes, ex quibus duo eodem tempore Parisiis studuerant.

193. Certissimis his S. Hildegardis opusculis accedit volumen epistolarum, quo continentur etiam sequentia saltem opuscula, superius ex Trithemio enumerata, videlicet *Expositio Règulae S. Benedicti*; *Responsio ad Wibertum Gemblacensem*, de triginta, aut potius triginta octo quæstionibus; *ad clerum Trevirensim de futuris Ecclesiæ calamitatibus*; *Ad Colonienses* de eadem materia; *Exhortatio ad sorores suas*; *Ad griseos monachos*. Opusculum *De sacramento altaris* etiam editum videtur inter epistolulas (ep. 47) alio titulo, ubi inscribitur : *Ad prælatos Moguntienses propter divina per illos interdicta*. Nam hoc inchoatur : « In visione, quæ animæ meæ, » quale initium opusculo *De sacramento altaris* assignat Trithemius in libro *De scriptoribus ecclesiasticis*. Certe in illo ad Moguntienses opusculo *De sacramento altaris* variis locis disserit Sancta. Præter epistolam ad S. Bernardum, quam inter libros ponit, Trithemius mox laudatus recentet codicem « Epistolarum ad diversos centum triginta quinque, » ut etiam in *Catalogo Virorum illustrium*. At in *Viris illustribus ordinis S. Benedicti*, lib. II, cap. 119, inter scripta S. Hildegardis recentet « Epistolas multas ad diversos numero centum triginta sex, » nimirum tunc reliquis annumerans epistolam ad S. Bernardum. Ex hac vero enumeratione colligo, editas modo esse omnes S. Hildegardis epistolulas, quas codex ille continebat, excepta forsitan ultima ad abbatem S. Disibodi. Nam in editione Coloniensi præter adjecta opuscula impressas invenio epistolulas quinquaginta et tres, recusas in *Bibliotheca Patrum*. Martenius vero edidit alias octoginta et tres Hildegardis epistolulas, et ultimam ad abbatem S. Disibodi omisit, si scripta fuit. Editæ igitur sunt ex illo codice epistolæ centum triginta sex. Si autem aliqua ibi sit omissa, poterit illa, quæ exstat longissima ad Moguntienses, inter opuscula numerari.

194. Cæterum dubitandum non est quin et plures quam illas 156 codici insertas, Sancta Epistolulas scripserit : nam et alia Vitæ inserta est, et tres alias dedi ad solum abbatem Parcensem datas. Praeterea Mabillonius tom. II *Veterum Analectorum*, pag. 568, ubi enumerat opuscula ms. Guiberti sive Wiberti Gemblacensis, ad quem S. Hildegardis scripsit *Responsum de triginta octo qua-*

*stionibus*, memoratum num. 116, et iterum ex Trithemio nuui. 188 ait se vidisse aliquot epistolas Guiberti ad S. Hildegardem, et hujus Sanctæ ad Guibertum, quæ certo non sunt editæ præter unam dictis quæstionibus adjunctam. Asserit ibidem eliam Mabillonius vidisse se epistolam Guiberti ad Philippum archiepiscopum Coloniensem, « cuius mandato de scribenda sanctæ Hildegardis Vita se parere dicit. » Hinc oriri potest suspicio laudatum Guibertum Gemblacensem etiam scripsiisse Vitam S. Hildegardis. Verumtamen non existimo id ab ipso revera perfectum, cum quia Mabillonius non dicit se tale ipsius opusculum vidisse, quod invenisset æque ac epistolas Guiberti, tum quod nullus unquam de Vita S. Hildegardis per Guibertum scripta meminerit. Itaque meditatus fuerit tale opusculum, sed verisimiliter prætermisserit, quia intelligebat Vitam Sanctæ jam scriptam esse a Godefrido et Theodorico, et fortasse alia etiam de causa. Quidquid vero sit causæ, ex ineditis Guiberti et Hildegardis epistolis, abunde liquet, non omnes S. Hildegardis epistolæ fuisse codici insertas, et deinde editas. Idem rursum ostendi potest ex enumeratione Trithemii, de qua aliud observabo in adnotatis ad *Miracula lit. z* (infra, not. 83). Verisimiliter aliquæ conservate non fuerint, quod non videretur operæ prelium, aliæ forsitan alii de causis neglectæ.

195. Alia quædam S. Hildegardis nomine invenio laudata, quæ illius non sunt. Sic Matthæus Westmonasteriensis ad annum 1292 laudat inter *Opera S. Hildegardis* aliquod *Speculum temporum futurorum*, sive *Pentacronum* [legendum *Pentachronon*]... in titulo *De novis religionibus*, ex eoque producit locum bene prolixum, quem inepte intorquet contra Fratres Minores. Verum opus illud non est proprie S. Hildegardis, sed ex ipsius Operibus collectum a Gebenone, priore Eberbaceusi, qui floruit sub initio saeculi XIII, et suppar fuit S. Hildegardi. Bernardus Pez in *Thesauro Anecdotorum*, tom. III, part. III, dat *Monumenta monasterii Benedictoburani* in Bavaria historiam illustrantia, recensensque codices mss., pag. 629, sic habet num. 14: « Gebenonis prioris in Eberbach *Speculum futurorum temporum*, sive *Pentachronon sanctæ virginis Hildegardis*. Codex scriptus est manu saeculi XIV. Incipit opus: « Honorabilibus viris semper in Christo diligendis mag. Raymundo scholastico et mag. Reinhero canonice S. Stephani in Moguntia frater Seleno [legendum Gebeno], dictus prior in Elerbach [Eberbach], si quid potest peccatoris oratio. « Sancta virgo Hildegardis fundatrix et magistra monasterii S. Ruperti, » etc. Fabricius in opere jam laudato, pag. 79, de Gebenone agit, eumque ait floruisse circa annum 1220, ipsique laudatum ex Pezio *Speculum futurorum temporum* attribuit. Quapropter, si paululum attendisset, non attribuisset idem opus deinde S. Hildegardi.

196. Hermannus Cornerus, scriptor ordinis *Præ-*

dicatorum, qui floruit sub initium sæculi xv, optime neverat laudatum Gebenonis opus, et dicta nostra egregie confirmat. Nam in *Chronico* suo edito apud Georgium Eccardum, tom. II *Corporis historici medii ævi*, ad annum 1140 hæc scribit de S. Hildegarde, post natales ejus non bene expositos: Hæc multa et miranda predixit. Quante autem sanctitatis fuerit hæc sancta mulier, ostenditur in epistola Gebenonis in *Pentachronon* S. Hildegardis, ubi dicitur: « Sancta virgo Hildegardis [adde fundatrix] et magistra monasterii S. Ruperti, quod situm est apud Pinguiam, quantæ sanctitatis quantique meriti fuerit apud Deum et apud homines, charitatem vestram latere non credo. Sed, si forsitan ignoratis, legite libellum Vitæ ejus, legite diversas epistles magnatum terræ ad eam transmissas, et præsertim trium Apostolicorum, puta Eugenii, Anastasii et Adriani, Conradi quoque regis et Frederici imperatoris, patriarchæ Jerosolymitani, archiepiscoporum, episcoporum, abbatum et præpositorum, et nunc dicere potestis in veritate: Magnificavit eam Deus in conspectu regum, et facies principum admirata est eam (*Eccl. xlvi*). Hæc sancta virgo libros quosdam, Deo jubente, imo cogente, scripsit, in quibus quædam valde utilia, et nostris temporibus necessaria, de praesenti statu Ecclesiæ, et de futuris usque ad Antichristum, et de ipso Antichristo prophetavit.

197. « Sed quia omnes libros ejus pauci habere posunt vel legere ea, quæ de futuris temporibus, et de Antichristo tribus libris suis, scilicet *Scivias*, quem nominavit sic eo, quod doceat scire vias, et libro *Divinorum Operum*, et libro *Epistolarum suarum* prophetavit, in hunc unum libellum ex maxima parte collegi, et prout melius potui, in quinque tempora ordinavi. Quæ quidem quinque tempora qui diligenter legere et studiose distinguere voluerit, et præsentem statum Ecclesiæ, et omnia futura tempora, et pericula acadendum Antichristi, quasi in speculo pervidebit. Unde, si placet vobis, vocetur liber ipse Speculum futrorum temporum, sive *Pentachronon* sanctæ Hildegardis, id est de quinque temporibus, de quibus in eo prophetat. *Pente-* enim quinque, et *chronos* tempus Græce dicitur, » etc. Hactenus ex epistola Gebenonis Cornerus, qui multa addit de S. Hildegarde, sed minus necessaria ad propositum nostrum. Hæc vero abunde docent, cuius sit opus quod laudat Westmonasteriensis. Attamen sunt dicta pleraque et vacinia S. Hildegardis, sed subinde mendosa, quæ attulit Westmonasteriensis, ut videre poterit studiosus lector, si conferre voluerit epistolam S. Hildegardis ad Colonienses, laudatam a nobis num. 90 et seq.; cui aliqua etiam inserta sunt ex epistola ad Trevirenses.

198. In epistola ad Colonienses nihil prorsus invenio quod spectare possit ad ordinem S. Francisci præter hæc verba: « Sed et quasdam congregations sanctorum, quorum conversatio sancta est, movere

A non poterunt, » deceptores scilicet hæretici, qui prædicuntur. Sicut autem ordo S. Francisci merito haberi potest una ex sanctis istis congregationibus quibus hæretici non prævalerent, prædicente S. Hildegarde, sic etiam videtur produxisse aliquot ex viris illis quos iisdein temporibus futuros prædixit S. Hildegardis in epistola ad Trevirenses his verbis: « Et tunc fortis viri surgent, et prophetabunt, et omnia vetera ac nova Scripturarum, et omnes sermones per Spiritum sanctum effusos colligent, et intellectum eorum, sicut monile cum pretiosis lapidibus, ornabunt. Per hos et per alios sapientes plurimi sæculares boni sient et sancte vivent. Hoc autem studium sanctitatis cito non arescat, sed diu durabit, » etc. Hæc, inquam, rectius congruant præclaro ordini Minorum, quam quæ sine judicio et delectu attulit Westmonasteriensis. At nec Franciscani tam sui ordinis amantes erunt, opinor, ut eadem aliis quibusdam religiosis ordinibus congruere non fateantur.

199. Catholici auctores, qui Bibliothecas scriptorum ediderunt, meritis passim laudibus S. Hildegardem celebrarunt. Ipse etiam Guilielmus Cave, licet heterodoxus, in *Historia litteraria*, ad annum 1170, Sanctam his verbis laudat: « Raris animi dotibus prædicta, et egregia erga Deum pietate, erga religionem zelo insignis, visionibus divinitus concessis et propheticis in clarescere coepit. » Addit plura, sed sine omni obtrectatione. Attamen Casimirus Oudinus in *Commentario de scriptoribus ecclesiasticis*, tom. II, col. 1572, post recitata Cavei verba, pergit in hunc modum: « Claruit igitur multis, ut volunt, revelationibus, quæ apud amantes mysticarum visionum, devotosque simplices, plurimi aestimantur: sed apud graves atque a muliebri simplicitate alienos viros modici admodum ponderis sunt, nullius meriti, purissimæ vacui cerebri illusiones nocturnæ: qui idem omnino ac merito sentiunt de aliis omnibus mulierum ejusmodi visionibus, sexum muliebrem præsertim, utpote infirmorem, affidentibus. » Vides, lector, Oudinum nibili faciente visiones et vacinia S. Hildegardis, licet iis in admirationem sui et amorem traxerit Romanos pontifices, imperatores, principes alios, sæculares et ecclesiastices, episcopos et abbates plurimos, doctores eruditione præstantes, congregations clericorum et monachorum complures, ac demum quasi totam Germaniam, ac magnam Galliæ et Italiae partem.

200. At audiamus iterum hominem, illis omnibus suo judicio sapientiorem. Post enumerata aliquot Sanctæ opuscula, sic loquitur: « Inter prophetias Hildegardis præstantissima illa est quam necdum impressam vidi; nempe *Revelatio Hildegardis de fratribus quatuor Mendicantium ordinum*. » Et mox: « Quam (prophetiam) ab aliquo Cisterciensi concepsam mihi aliquando, ex ms. codice transcriptam, admiratus sum ita clare depingentem ordines quatuor Mendicantes cum Jesuïis, etiam longo post

tempore ipsis succedentibus. Verum talia scribere non potuit, nisi exæcatus malitia sua, odioque viorum religiosorum, quos tam stolidæ oppugnat. Etiam aut ea tantum scribere voluit que vera cre-didit, aut sine veri cura calumniari studuit Oudinus. Si primum, quomodo existimare potuit, ex purissimis vacui cerebri illusionibus, quales dicit visiones S. Hildegardis, potuisse ita clare depingi et ordines quatuor Mendicantes cum Jesuitis, etiam longo post tempore ipsis succedentibus? Quomodo, inquam, credere potuit, ex illusionibus cerebri præ-visos esse viros diu post futuros, eorumque mores clare descriptos, nisi ipse fatuus passus sit cerebri illusiones? Si vero calumniari solum studuit Oudinus, quomodo saltem curam non habuit, ut caute procederet, et invicem pugnantia in brevi elogio non conjungeret? Verum frustra hæc ego in Oudino re-quiro, nam et auctoritatem revelationibus S. Hildegardis detrahere voluit, et rursum illius, vel invitæ, ut voluit auctoritate ad infamandum ordines religiosos; neque illa facere potuit, nisi secum ipse pugnaret.

201. Nunc breviter examinemus utramque seorsum assertionem Oudini. Quod spectat ad primam, de exigua fide adhibenda revelationibus et visionibus quibuslibet, maxime mulierum, minus me haberet hac in re repugnantem, si modum non excessisset, si non nimis omnem fidem iis detrahere voluisse, si distinxisset inter visiones et prædictiones nullius judicio probatas, et visiones celeberrimæ S. Hildegardis, aliarumque aliquot sanctorum. Etenim satis novimus quaslibet visiones mulierum, subinde potius imaginationes phantasticæ, non admittendas esse pro veris ac divinis revelationibus. At non minus constat spiritum propheteiæ non esse extinctum in Ecclesia, darique aliquando revelationes vere divinas, tam virorum quam mulierum. Itaque ad extremum nimis declinat non solum ille, qui omnibus visionibus indifferenter fidem adhibet, sed ille etiam qui omnes habet pro vacui cerebri illusionibus. Jam vero, si non omnes indifferenter admittendæ sunt visiones, nec omnes rejiciendæ, necessario dicendum est inter personæ quæ visiones habere se dictitant, distinguendum esse. Si autem illa est persona medii ævi, de qua multorum iudicio, aliisque indiciis constat gavisam fuisse divinis revelationibus, ea est S. Hildegardis. Hanc enim gratia prophetica a Deo ornatam judicavit S. Bernardus, judicarunt Eugenius III papa cum Trevirensi concilio, Anastasius IV et Adrianus IV, summi pontifices: et hi quidem tale tulerunt iudicium post maturum examen personæ ipsius, et scriptorum ejus usque ad id tempus. Hisce assensæ sunt per annos triginta, quibus deinde supervixit Sancta, personæ innumeræ, interque has multi doctores, episcopi, principes; multi item qui Sanctam a pueritia noverant, multi qui familiariter saepe cum ipsa egerant. Horum omnium iudicium cum suum preferre velit Oudinus, meretur pro-

A facto ut rideamus potius hominis arrogantiæ et superbiam, quam ad ipsius dicta attendamus, præsertim cum censendus sit illa protulisse eadem le-vitate qua religionem suam et fidem apostata deseruit.

202. *Revelatio Hildegardis*, ut vocat Oudinus, de fratribus quatuor Mendicantum ordinum, quem ipse tantopere mirari se fligit, et Jesuitis etiam liberaliter adaptat, ac si nulla inter institutum aut mores Jesuitarum et ordinum Mendicantium esset differentia, nihil quatuor ordines Mendicantes in-vicem differrent, est declamatio inœpta, cujus styles S. Hildegardi adeo non convenit, ut vix aliud scriptum produci possit quod a stylo ipius magis sit alienum. Facta vero enuntiata in illo scripto, B sive mores hominum ibidem expositi, minime con-gruunt cum moribus ordinum Mendicantium aut Jesuitarum; ego sane non modo nullum ex dictis ordinem novi, sed ne unum quidem in ullo ex laudatis ordinibus hominem, cuius mores tales sunt quales in dicto scripto depinguntur. Imo tam aperta est calumnia Oudini, qui inter Catholicos diu vixit, ut plus quam muliebris simplicitatis essem, si credere possem, ipsum tales existimasse ordines Mendicantes et Jesuitas, quales homines insulta illa lacinia describit. Fuerit perversus, fuerit pes-simus Oudinus, atque ea de causa facile mala de aliis formaverit judicia; non sinam tamen mihi facile persuaderi, ipsum adeo fuisse insipientem, ut sine mendacio scribere potuerit, mores ordinum Mendicantium et Jesitarum in scripto illo recte exprimi, aut ordines illos dicto scripto fuisse prædictos. Cæterum prophetiam illam verisimiliter confitam esse circa medium saeculi XIII, et quidem contra Dominicanos et Franciscanos, quando Guilielmus de S. Amore cum aliis ordines Men-dicantes oppugnare coepit; postea vero nonnihil inmutata; nec inventam in monasterio Bingensi, ubi alia S. Hildegardis scripta servantur, jam observarunt majores nostri toni. I Martii, pag. 667, in Adnotatis ad Vitam S. Thomæ Aqui-natis.

§ XIV. *Mors Sanctæ figenda anno 1179: sepultura; reliquæ, destrucio cœnobio S. Ruperti, ad Ei-bingense translate: miracula: tentata canoniza-tio, sed non perfecta: nomen Martyrologii ascri-putum, et cultus.*

203. De anno quo S. Hildegardis ad meliorem vitam translata est, non convenit inter scriptores. Tritheimus in *Chronico Hirsaugiensi*, ad annum 1180, scribit sequentia: Anno Conradi abbatis IV, indictione Romanorum XIII, in die S. Lamperti, hoc est xv Kalend. Octobris, moritur sanctissima Christi famula Hildegardis, præposita et magistra sanetimonialium in monte Divi Ruperti prope opidum Bingen, quod in descensu Rheni fluminis quatuor distat a Moguntia milliaribus, anno ætatis sue octogesimo secundo. Cujus corpus in eadem ecclesia, quam ipsa dudum a fundamentis construxerat, ante majus altare fuit cum reverentia populi

magna sepultum. » *Conscientia hisce de ætate, A anno mortuali et sepultura S. Hildegardis habet Trithemius alias quoque locis, nimurum in libro De scriptoribus ecclesiasticis et in Chronico Spanheimensi. Epocham Trithemii, quam non longe a vera abesse alia quædam insinuant, sine ulteriori examine secuti sunt scriptores varii. At Pagius vidit epocham Trithemii non recte consonare cum Vita S. Hildegardis, ideoque ad annum 1178 eam corrigere voluit, ita scribens num. 8: « Hoc anno S. Hildegardis abbatissa (præposita aut magistra monialium alias nominata) in monte S. Ruperti prope Bingium in diœcesi Coloniensi (imo Moguntina) ad Deum migravit. Theodoricus enim abbas (potius monachus) qui anno 1200 floruit (recte dixisset, qui S. Hildegardi convivit), in ejus Vita cap. ult. ait, B eam lxxxii ætatis suæ anno, xv Kalend. Oct., ad coelestem Sponsum migrasse. Subdit id contigiese primo crepusculo noctis Dominicæ diei. Quare, cum xv Kalend. Octob., seu dies 17 mensis Septembris hoc anno in Dominicam incidat, evidens est Trithemium in Chronico Hirsaugiensi, quem passim alii sequuntur, perperam hanc mortem in annum 1180 distulisse. » Hactenus Pagius.*

**204.** Verum recte quidem ostendit Sanctam non vixisse usque ad annum 1180, quia tunc dies 17 Septembris incidebat in diem Mercurii, sive in feriam quartam; sed non æque evincit defunctam non esse anno 1179, quo dies 17 Septembris concurrebat cum die Lunæ. Etenim dicitur obiisse « primo crepusculo noctis Dominicæ diei, » id est primo diluculo, sub fine noctis illius quæ diem sequitur Dominicum, sive die Lunæ, oriente aurora, ut pluribus probabo in Adnotatis ad Vitam. Hæc expositio non est violenta, sed ob alia argumenta omnino necessaria. Nam ex dictis § 11 constat Sanctam superfluisse aliquo tempore post concilium Lateranense, anno 1179, mense Martio habitum. Præterea aliunde etiam necessaria est, quia alio arguento probari potest, S. Hildegardem certo non obiisse ante annum 1179. Rem paucis ostendo. Ex præfatione ad librum *Scivias* S. Hildegardis scribere cœpit anno 1141, « cum quadraginta duorum annorum septenique mensium » esset. Si autem anno 1141, etiam primo die anni, tantum annos habebat quadraginta duos et menses septem, non poterat anno 1178 annum ætatis agere octogesimum secundum, quo defuncta est, quia sic annum octogesimum primum complebat die 1 Junii anni 1179 aut serius. Constat igitur Sanctam usque ad annum 1179 supervixisse: et ulterius ex dictis liquet annum ætatis ipsius octogesimum secundum fuisse tantum inchoatum, aut eam certe non vixisse nisi ad annos octoginta unum, et ut summuni menses tres aut fere quatuor.

**205.** Corpus S. Hildegardis, teste Trithemio, sepulti fuit in choro ante altare majus. Magnum vero fuisse concursum populi ad ipsius sepulcrum

in anniversario Sanctæ die, testantur Acta inquisitionis num. 5: neque id mirandum, cum et ante et post sepulturam ipsius varia facta sint miracula, ita iisdem Actis asserta, aut in Vita num. 57. Porro solemnem corporis elevationem nullam invenio. Ea verisimiliter nunquam est facta, quod canonizatio sacerdotis quidem fuerit tentata, sed hactenus, ut videbimus, ad finem non perducta. De visitatione reliquiarum minus solemnii Serarius in *Moguntiacis*, lib. II, cap. 38, hæc scribit: « Cum ibi (in Monte S. Ruperti) diversarer, volumenque (in quo collecta sunt Sanctæ scripta) de quo paulo ante percurserem, inveni notata hæc: « Anno 1489, C Novembris die 17, ex commissione reverendissimi et gratiosissimi domini, D. Bertholdi (archiepi- scopi Moguntini) missi reverendus et nobilis dominus Wolfgangus de Bicken, Ecclesiæ Moguntinæ canonicus et in spiritualibus vicarius, et honorabilis D. Jo. Bertram de Numburg, artium et sacræ Scripturæ doctor, reliquias S. Hildegardis aperuerunt: sed sine testimonio litterali de ejus canonizatione. Acta in præsentia nob. et devotæ dominæ Alheidis de Reiffenberg abbatissæ, et virginum Sanctimonialium, et nob. et venerabilis domini Petri Nothafti canonici Moguntini, » etc. Laudatus Serarius, cuius opus anno 1604 impressum, paulo ante dixerat: « In Rupertino ipsius cœnobio servantur adhuc ejus reliquiae, ac magnum scriptorum in pergamenio volumen, sicuti et epistolarum in Eberacensi Rhingavia monasterio. »

**206.** Verum, postquam anno 1632 per Suecos combustum est monasterium Rupertinum, ut dictum est num. 177, alio delata sunt reliquiae S. Hildegardis, et S. Ruperti aliorumque, videlicet ad monasterium Eibingen, de cuius per S. Hildegardem fundatione et situ in Rhingavia num. 177 egi. Etenim P. pebrochius noster in *Itinere Romano* ms., pag. 23, narrat se anno 1660 cum Henschenio Moguntia excurrisse « in Eibingen. » Tum subdit de reliquis ibi visis: « Ibiique, monstrante abbatissa, vidimus reliquias præclarissimas, corpus S. Ruperti..., totum corpus S. Hildegardis, que monasterium in monte S. Ruperti Bingii fundaverat virginibus nobilibus, quod cum esset per bella Suecica dirutum, in hoc Eibingen sibi subjectum cum abbatissa sua se transtulerant virgines, toto reliquiæ thesauro mirabiliter detecto, et conservato per ipsos Suecos, nocturnis luminibus circa locum conspectis incitatos, ut Catholicis querendas reliquias et asportandas permetterent. Ibidem vestis illius erat, et caput cincinnis crinium ex rufo cañescensibus obductum, culter quoque hyacinthino instructus manubrio veluti dimidiatus, a S. Bernardo (ut fertur) donatus Divæ una cum theca ex bubalino corio confecta. Inter libros ingens volumen membranaceum erat ms. ac bicolumnare, continens omnia Opera S. Hildegardis: sed unusquam illa fabulosa revelatio de hominibus Antichristiūn præcessuris, quæ contra Dominicanos ac Franciscanos pri-

mum concinnata, his temporibus de Societatis hominibus exposita, per calumniatorum nostrorum manus vagatur cum plausu ignorantis plebis, » Haec tenuis Papebrochius. Cæterum non reperio ossa S. Hildegardis divisa fuisse, aut aliis donata. At de capillis Sanctæ in veneratione habitis apud Trevirenses testantur Acta miraculorum, num. 5. Gelenius etiam in *Colonia sua*, recensens thesaurem sacrum ecclesiæ SS. Joannis et Cordulæ, ei pag. 445 aliquid adnumerat « de capillis S. Hildegardis. »

207. Sanctam et in vita et post mortem multis clariusse miraculis, habent Vita et Acta miraculorum; in his tamen num. 10 additur miracula deinde cessasse, præcipiente archiepiscopo Moguntino, « ut a signis cessaret, » ne videlicet nimio populi ad Sanctæ sepulcrum confluentis tumulu divinum officium et religio monialium detrimentum patereetur. His conformia scribit laudatus supra Serarius. « Cæterum, inquit, narrat Germanicus Vitæ libellus tot ad illas ejus reliquias divina vi miracula fieri solita, ut propter ingentes hominum concursus valde impediretur virginum quies, in temploque pietas ac religio: venisse igitur Moguntinum archiepiscopum, et Beata ipsi præcepisse mirabilium id genus operum finem ut saceret: ipsamque, ut majoribus obsequendum mortua etiam doceret, paruisse: illorum tamen vel oculatos, vel diligentes ac certos examinatores fuisse non paucos, qui anno Domini 1233, Decembri die 16, suis communia sigillis ea Romam mitterent, et a sede peterent apostolica, ut in sanctorum ac sanctarum catalogum Beata hæc referretur. » Acta hunc in finem confecta de virtutibus Sanctæ et miraculis, quæ jam frequenter laudavimus, et post Vitam edemus, prædicta omnia abunde confirmant.

208. Illud porro examen institutum esse, eaque Acta confecta jussu Gregorii IX summi pontificis, discimus ex Annalibus ecclesiasticis Odorici Raynaldi ad annum 1237, num. 50. Nam ibi in aliis suis litteris Gregorius IX de illis sic loquitur: « Supplicantibus nobis olim dilectis in Christo filiabus abbatissa et sororibus monasterii S. Ruperti de Bingia Moguntinensis diœcesis, ut recolendæ memorie Hildegardem abbatissam ejusdem monasterii, quæ in vita et post mortem multis dicitur coruscasse miraculis, sanctorum ascribere catalogo curaremus, deferri ad nos libros ipsius, quos sancti Spiritus revelatione compoisse creditur, facientes, cum præter Psalterium nullas litteras didicisset, nos præposito majoris ecclesiæ W... decano et A. scholastico S. Petri Moguntini nostris dedimus litteris in mandatis ut de ipsius vita, conversatione, fama, meritis et miraculis, ac generaliter de omnibus circumstantiis per testes fide dignos inquirent diligentius veritatem, nobis quod inventirent cum prædictis libris sub sigillis suis fideliter remittentes. » Haec pontifex de mandato suo, vi cuius laudata Acta sunt composita.

A 209. Verum cum hoc exsecutioni mandatum non fuisset cum tanta accuratione, quantum in re tanti momenti requirebat Gregorius, per litteras modo recitari cœptas aliud jubet examen institui. In his enim litteris, anno 1257 datis, ita pergit: « Quorum ad nos inquisitione remissa, quosdam invenimus in illa defectus; cum enim habeatur in depositionibus testium ad nostram præsentiam destinatis, quod eadem multos curaverat dæmoniacos et infirmos, nec personæ, nec loca, nec tempora designantur; neque reperitur in eis quid vel quæ magistra dixerit, cum tamen dicatur ibidem, majorem partem conventus idem, quod magistra, dixisse. Præterea cum magistra ipsa primo interrogata deposuerit illam multa signa fecisse, in dictis depositionibus invenitur, tam [forte tantum] dixisse idem quod testes alii et conventus. Quocirca mandamus, quatenus in inquisitione præfata diligenter ac provide juxta formam illis traditam procedentes, quæ inveneritis, sub sigillis vestris distincte ac prudenter exposita, usque ad nostrum beneplacitum fideliter conservetis. Dat. Viterbiæ, ii Non. Maii, pontif. nostri anno xi. » Utrum hoc Gregorii IX mandatum exactius fuerit perfectum, nullibi invenio. Forte priores illi miraculoru[m] inquisidores partim erant defuncti, aut ad alias dignitates promoti. Ex testibus etiam non pauci poterant deesse, cum interim quatuor anni post primum examen effluxissent, et provectæ ætatis essent testes complures. Quidquid fuerit causæ, de repetito illo examine nihil invenio.

B 210. Innocentius IV, Gregorii successor, anno 1243 alias dedit litteras ad decanum, scholasticum, et alium canonicum Moguntinum, repetens defectus prioris inquisitionis, teste ibidem Raynaldo num. 39, et adjungens sequentia: « Mandamus, quatenus si processistis, in inquisitione hujusmodi, recipiendo singillatim super præmissis testes fide dignos, et eorum dicta, prout quilibet per se simpliciter et serialiter depositus, faciendo conscribi, processum ipsum sub sigillis vestris nobis transmittere studeatis. Alioquin de prædictis omnibus, et novis miraculis, si quæ fecisse dicitur; nec non de vita ipsius per fide, dignos inquirentes sollicitate veritatem, dicta ipsorum testium, quos singillatim examinare curretis, prout eorum quilibet per se coram vobis pure, simpliciter, et distincte ac ordinate quod super prædictis omnibus sciverit, deposuerit, faciat is cum attentione conscribi, nobis illa sub sigillis eisdem fideliter remittentes. Datum Later. viii Kal. Decemb. » Quen hoc mandatum habuerit effectum, ignoro: at certe causa S. Hildegardis ad finem perducta non est sub Innocentio IV, aut sub ipsius successoribus toto sæculo XIII; et sic res siebat semper magis difficilis.

C 211. Attamen sæculo XIV iterum tentata est canonizatio S. Hildegardis, ut refert Trithemius in *Chronico Hirsaugiensi* ad annum 1317, ita scribens: « Joannes papa vicesimus secundus ad instantiam

Petri archiepiscopi Moguntini, Willichino abbatii Spanheimensi et quibusdam canonicis Ecclesiae Moguntinæ per apostolica scripta mandavit, quantum ad montem Sancti Ruperti prope oppidum Dingen, ubi Nabus Rhenum insuit accedentes, de vita, moribus, signis atque miraculis divæ Hildegardis, primæ fundatricis et abbatissæ dicti monasterii.... inquisitionem facerent diligenter : et quidquid invenissent veritate probatum, ad apostolice sedis examen fidi narratione transmitterent. Inquisitionis peracto scrutinio memorati commissarii vitam præsatæ monialis religiosam atque sanctissimam, ac multis miraculis, tam post mortem ejus, quam prius, sufficienter comprobata invenierunt : eamque dignam canonizatione censentes, necessaria pro effectu negotii ad Romanum pontificem memoratum destinarunt. Pontifex autem, testimonis sibi destinatis diligenter relectis, ad canonizandam virginem non fuit difficilis, quemadmodum apostolico scripto factus sum certior, quamvis optatum a multis negotium non perduxit ad effectum. Ejus quoque prædecessor, Clemens papa quintus, in eadem re commissarios ante dedecrat. » Hæc Trithemius de tentata sæculo xiv canonizatione. At illa semper siebat difficilior, quia ad mandatum archiepiscopi Moguntini miracula cessaverant, nec testes superesse poterant ad probandum miracula prioribus post mortem annis patrata. Itaque solemnis canonizatio, quæ facile fieri potuisset, si primi delegati ad causam examinandam accurati processissent, nunquam est peracta.

212. Verumtamen Martyrologiæ a seculo saltem xv S. Hildegardem celebrare cœperunt, ita ut verisimile sit cultum ipsius suis permisum, etiam si canonizatio non fuerit solemniter celebrata. Codex Liagenoyensis, exhibens auctum nonnihil Usuardi Martyrologium, et anno 1412 exaratus, apud Sollerium nostrum in Usuardi auctariis hoc die sic habet : « In monasterio S. Ruperti in Pingwia, Moguntinæ diœcesis sanctæ Hildegardis sanctimonialis et prophetisæ. » Ibidem « Hildegardis virginis » meminit matricula Carthusiæ Ultrajectinæ. Longius elogium contexuit Grevenus hoc modo : « Apud Pinguiam in diœcesi Moguntinensi, depositio sanctæ memorie Hildegardis virginis, quæ tempore S. Bernardi abbatis odorem suæ sanctitatis late sparsit, adeo

A ut plurimi Romani pontifices ei scribentes, se et Ecclesiam Romanam orationibus illius commendaverint: cumque Latini sermonis esset ignara, Spiritu sancto docente, omnia quæ scripsit, Latine exceptoribus dictavit. » Molanus eandem celebrat his verbis: » Apud Bingam, sancte Hildegardis virginis, quæ tempore S. Bernardi abbatis odorem suæ sanctitatis late sparsit. » Accedit Baronius in Martyrologio Romano, ita scribens : « Apud Bingiam in diœcesi Moguntinensi sanctæ Hildegardis virginis. » Baroniu secuti sunt omnes qui Martyrologium Romanum variis idiomatibus exhibent.

213. In *Florario Sanctorum* ms., quod sæculo xv compositum, de S. Hildegarde ad 17 Septembres hæc habentur : « In Brugis [lege Bingis] depositio sanctæ Hildegardis virginis anno ætatis sue LXXXII, anno salutis 1181, imo 1179. Petrus de Natalibus, episcopus Equilinus, qui floruit sæculo xiv, de S. Hildegarde virgine multo prolixius dat elogium, in quo nihil invenio corrigendum præter diem obitus male fixum x Kal. Julii. Mito tamen istud elogium, quia omnia ibi dicta jam abunde sunt exposita. Menardus in Martyrologio Benedictino ad hunc diem sic habet : « Apud Bingiam, in diœcesi Moguntinensi, sanctæ Hildegardis virginis et abbatissæ. » Wion ad euindem diem : « Apud Bingam depositio S. Hildegardis virginis et abbatissæ, quæ tempore S. Bernardi abbatis odorem suæ sanctitatis late sparsit. » Hi cum aliis pluribus S. Hildegardi dant titulum abbatissæ, quia cœnobio a se fundato præfuit. Attamen abbatissæ titulo ipsa nunquam usa videtur, nec viventem unquam abbatissam ab aliis dictam inveni; sed frequenter magistrum monialium, alias præpositam, alias priorissam. Quæ vero post Sanctam cœnobio ipsius Rupertino præfuerunt, abbatissæ fuerunt dictæ. Bucelinus in Menologio Benedictino affert gestorum plerorumque compendium, quod iu paucis corrigi potest ex disputatis in hoc Comentario. De cultu S. Hildegardis Trithemius *De viris illustribus*, lib. iii, cap. 334, breviter hæc scribit : « Cujus festum agitur iv. Kalendas Octobris ; sed verisimiliter legendum est xv Kalendas Octobris, sive die 17 Septembres. Cultum hunc sæculo xiv aut xv inchoatum suspicor, quia nomen Hildegardis tunc Martyrologiis insertum.